

NELLAUTAIJUB JESAIASIB AGLANGIT.



PRINTED FOR
The British and Foreign Bible Society in London.
FOR THE USE OF THE MORAVIAN MISSION IN LABRADOR.



HERRNHUT:
GUSTAV WINTERIB NÊNILAUKTANGIT.

1903.

Made in England

NELLAUTAIJUB JESAIASIB AGLANGIT.

KAP. I.

Israëlilit kakkiakerkojauningannik.

1 **TAMADJA** Jesaiasib, Amosib erningata takkotitaunerilauktangit Jûda Jerusalemelo pivlugik, Usia Jôtamelo Ahaselo Hiskialo attaniotillugit Judame.

2 Kilait tussaleritse! nunalo kamatsialerit! Nâlegak okarmat: Kitornganik inugoigalloarpunga nertornartitsivlungalo, tâpkoale tunnupânga.

3 Tuktuvaub pairijine illitarivâ, siuterkortojublo perkutigijime nerrititsivia illitarivâ, Israëlitle illitarksilungilat inukotikkalo kamalungilat (uvamnik pairijimingnik).

4 Kappianarmêk nunakatigêt idluitullijoksuit, inugiartoksuit ajortoliksuit, kassêtoksuit kinguvângit, kitorngat asserorsaijut, tâpkoa Nâlegak kemangmatsuk ivlernartitorlo Israëlîk-kune okarnerlûtigingmatsuk tunnulugo.

5 Naukut annaujaksauvisê sulle, idluitullinise unuksivalliatitsainarapsigik? Niakok illûnane âniavok, ômallo illûnane kanimavok.

6 Allûgingnit niakoanut kanoengitokangilak tâpsomane, ikkinigle killiniglo tiglûjarnerniglo nutânik makitertaumangitunik mangiptakangituniglo orksumullo ânanausijaumangitunik.

7 Nunase sunakarungnairpok, iglugasaksoase ikkomamut ikkitaumavut, takkorngartat perorsêvise nungupait ijipse sângine, pitakarungnairlunelo sumiglônêt (nunase) takkorngartarnut mumiksimajotut-ipok.

8 Zioniblo panna amiakôvok igloarsuktut perorsêvingmêtotut vaineliksatalingme, udjertorteojub innigijangatut perorsêvingme, iglugasaksoatitut illujaumajutitut.

9 Kilangmiugasaksuit Nâlegangata ikkitunik amiakokartingipattigulle, Sodomatut-inajarpogut Gomorrattullo illingana-jarpogut.

10 **Nâlekab** okausinga tussarsinuk, illipse attaniojose Sodomame, Gûdipta perkojangit òmamiutarisigik, illipse Gomorra-miôjose!

11 Tunergutipse unurningit suksauvât uvamnut? okarpok Nâlegak. Angusalluit ikkoalajaksat kninijullo orksungit arriupakka, tuktuvaillo saugârsuillo angusalluillo aungat kivia-gingilara.

12 Itterangapse, sânnme sakkeromavluse, kina taimaitunik aggpsingnit pijomavâ, iglorusikka tullerarapsigik?

13 Tunergutinik nerkiksanik nellâgôngitunik kaitsijung-nairitse; tippegiksaut makojugivara; takkerub nutaulervingit (uvloksiorutigijase) sabatillo kattimaniksallo pivlugit kama-jomangilanga, uvloksiortilluse idluitulligapse.

14 Takkerub nutaulervingit (ivlerijase) uvloksiorviselo tarnima òmigivait, tamakkoa okumaigivakka, akkerartornagit merngortulerpunga.

15 Aggaselo uvamnut issagalloarapsigik, kênara ijerpara illipsingnut; tuksiakattaralloarapse, tussangilapse, aggase aulik-sôngmatta.

16 Ubvaritse illipsingnik epkêjarluselo; idluitullinise pêjar-sigik ijimnit idluitullijungniarluselo.

17 Ajungitullileritse idluarsainek pinasuarlugo, pimmaritutertut inerterlugit, illiarsuit serngnigivlugit uigarnerillo illinganingine ikajorlugit.

18 Tagva kaititse erkartortigêklutalo, Nâlegak okarpok: Idluinise aupaluktotut-igalloarmatta, aputitut kakorsititaujomârput; aupaloriktotut aupalugalloarmatta, saukab merkungititut-itsomârput.

19 Kunulungikupse nâlekluselo, nunab perortungit nerri-jomârpasse.

20 Kunulerupsele tappatolerluselo, saviksoarmut nungutaujomârpose, Nâlekab kanninga taimak okarmat.

21 Ilâ iglugasaksuit nertornartut anguniarpaktotut illingatatitau-mavut. Idluarnermik illumertaulaukput, idluarsainerublo innigilaukpait, mânale inuartut tagvanêput.

22 Silberekotit piunginerlukungorsimavok, vainekotillo imermik akkusimavok.

23 Attanekotitit tapatovut tigliktoksuillo illagivait, tâpkoa illûnatik akkilliusianik pijomadlarput, pilliusianiglo pinasuarput, illiarsuit serngnigilungilait, uigarnerillo illinganingit kamingilait.

24 Tamanna pivlugo Nâlegak, kilangmingasaksuit Nâle-

gangat, ajugantitok Israëlikkune okarpok: Hai! ômigijikka saimantiksarijomârpakka akkerartortikkalo akkiniarlugit.

25 Aggakkalo illingnut sâtitsomavakka, piunginerlukut përmariklugit illingnit sôrlo ubvautikut, kusseksiarlo illünât përlugo illingnit.

26 Erkartuijuniglo tunidjivigijomârpagit sôrlo itsaksoarme idluarsaijuniglo sôrlo sivorngane. Tagva iglugasaksoarnik idluartolingnik iglugasaksoarniglo nertornartunik taijaujomârpotit.

27 Zione erkartuijomut piulijaujomârpok utertitaumajokotingillo idluarsaijomut.

28 Tapatojoksuille idluitullijullo illünamassiatik asserortaujomârput, Nâlekamiglo kemaijut tokotaujomârput,

29 Kangusuktuksaugamik napârtut kuviagijase pivlugit, illerasuktuksauvoselo perorsëvit annerijase pivlugit.

30 Illipse napârtutitut-ileromârpose millukatakartutitut pannertunik, perorsëviktut imekangitotut.

31 Pitsartujorlo simmiksatus illingatitaujomârpok sennajangalo ingnikpallaktut, tamarmiglo attautsekut ikkitaujomârpuk kamitaujungnaratik.

KAP. II.

Gûdib nâlegauvianik pijomârtomik. Israëlitut inertertauningannik.

1 **TAMADJA** Jesaiasib, Amosib erningata takkotitauneri-lauktangit Jûda Jerusalemelo pivlugik.

2 Uvluksat kingorlingine pijokaromârpok imäk: Kakkak, NâleKab iglungata tungavia, kakkat kângannëtsomârpok poktonersauvlune kakkârulangnit tamainit, nellojullo illünamassiatik akpangervigijomârpât.

3 Nunakatigëksuillo unuktut aijomârput okarlutiglo: Attê! NâleKab kakkanganut majorarta, Jâkob Gûdingata iglunganut, tâpsoma apkutigijaksaurkojanginik ajokertortaurkovluta tâpsomalo apkutigijaksaurkojangle arvertarkovluta. Zionemit perkojat annijomârmatta NâleKablo okausingit Jerusalem.

4 Erkartuijomârporlo nellojut akkornganne nunakatigëksuillo unuktut inerterlugit. Tagva saviksoakotimingnik poagiteliomârput kallugiakotimingniglo iviksukatauteliomârput. Nunakatigêt nellillônêt assimingnut saviksoarmik atorungnairiomârput, unatadlarnermiglo illiniarungnairiomârput.

5 **Attê**, Jâkokkut, arvertarta NâleKab kaumarningane!

6 Igville (Gûde), inukotitit kemakpattit, kangillimik illu-

singinik singomangmatta angakkôvlutiglo Filisterititut, takkorngartat kitorngangit illagivlugit.

7 Nunangat silberemik goldemiglo taetaepok, perkutingit kittiksaungilat; horsiniglo nunangat taetaepok, kamutingit kittiksaungilat.

8 Gûdingoarnik nunangat taetaepok; tallermik piniartangit, aggamik sennajangit tugsiarvigivait.

9 Inuit (tamattomunga) suksaujungnairtitauvut, angutaujullo nellopkotijariakartitauvut. Issumagijungnaiviginiatsenglattit.

10 Kairtomut morjulerit ijertorlutillo ivjomut Nâlekab sivoranarninganit pitsartujoksôninganillo opinadlartomit.

11 Inuit piojorijutitut tautusôngojut kattalungatitaujomârput, inuillo pimmaritertut suksaujungnairtitaujomârput, Nâlegarlo kissime angijôjomârpok nelliutome taipsomane.

12 Kilangmiugasaksuit Nâlegangata uvlunga pijomârmat illûnainut piojorijunut pingijaitunullo angijunullo illûnainut, piojorijungnairtitaurokvlugit,

13 Zêderinullo tamainut Libanonemêtunut angijunullo poktojunullo, aiginullo tamainut Basanemêtunut,

14 Kakkanullo poktudlartunut tamainut, kakkârulangnullo poktujunut tamainut,

15 Nuvuguseroarnullo poktojunut tamainut, karmanullo senamatsiartunut tamainut,

16 Umiaksoarnullo imarbiksiortunut tamainut, senamatsiartunullo takkominartunut tamainut.

17 (Tagva) inuit piojoriningat suksaujungnairtitaujomârpok, inuillo pimmariterningat serkomitaujomârpok, Nâlegarlo kissime angijôjomârpok nelliutome taipsomane.

18 Gûdingoalle illûnatik nungutaujomârput.

19 Kairtut kairosunginut nunablo ittersanginut aijomârput, Nâlekab sivoranarninganit pitsartujoksôninganillo opinadlartomit (kemâvlutik), nikkovilerpat, nunaksoak sajukpiluktitsomavlugi.

20 Tamannale pilerpat, inuit Gûdingoakotitik silbereojut goldeojullo, sennajatik tuksiarviorkovlugit, egitsomârpait terrianiangajunut inalukanullo,

21 Pullajomavlutiglo kairtut kongnânginut kairosunginullo Nâlekab sivoranarninganit pitsartujoksôninganillo opinadlartomit, nikkovilerpat, nunaksoak sajukpiluktitsomavlugi.

22 Inuit allarsigik kingamikkut annersartut, (nellonalungimat), kanok angitigijomik ivlerijaksaumangâta.

KAP. III.

Israëlilit pidlartauningannik.

1 **AHAK**, Nâlekab kilangmiugasaksuit Nâlegangata Jerusalemit Jûdamillo pêromârpait ajaupiarijausût sukkarijausûllo: kakkôjat pitsartunartut illûnaita imerlo nekoksinarok illûnat;

2 Pitsartujoksuit sorsuktuksallo erkartuijullo nellautaijullo pijomârtuksaniglo okasôngojut angajokaujullo,

3 Aulatsijullo ingmigut saktuksanik 50 nik nertortaujullo ajokertuijullo illisimajullo seuagiamik ajornartunik angakôjullo.

4 Inôsuktullo attaningortitsomârpakka taipkonunga, tâpkoa sillaidlarlutik aulatsijomârput.

5 Inuillo pagvisârtigêgomârput nelliat illaminik nelliallo assiminik; inôsuktorlo akkerartuleromârpok itomut, nachonartorlo nertornartomut.

6 Angutit nelliaata kattangutine atâtame iglungane tigu-lerpago (okarlune): Igvit annorâkarpotit, attaniolerit uvaptingnut, illinganerdluktullo tamakkoa illingnut kamagijaulit!

7 Tagva taimna okaleromârpok imâk: Aniasiorteolungilanga, iglumnelo kakkôjakangilak annorâkangilarlônêt, attaningortiniarasinga inungnut!

8 Jerusaleme pâlasimavok, Jûdalo ochosimavok, okangita piniarningitalo Nâlegak akkerartormatsuk, ijîgik nâlengnartoksoâk kamaginagik.

9 Kênangita passivait idluitullinitiglo nellonaijarpait Sodomamiutitut angiarinagit. Kappianarmêk tarningit, piungitomik pititsingmatta ingmingnut.

10 Iduartut okautigisigik, illingatsiarmatta, piniarnerijangita malliktingit inûtigijomâramigit.

11 Kappianarmêgle idlunit; illingatsialungilat, aggangita sennajanginik akkiniartaujomâramik.

12 Inukotima aulatsijingit sorrusiovut, arnallo attaniovut tâpkonunga. Inukotikka, tessiortise tammartitsisôngovut, apkullo arvertarvigijaksarijase asserorpât.

13 Nâlegarle akkerartoriartorpok, sakkerpok inugiartoksuit erkartoromavlugit.

14 Nâlegak aivok erkartuivingmut inukotime angajokângit attanerijangillo illagivlugit: Perorsêvik vaineliaksatalik asserorpasse, aklujullo aksârtaujutigijangit iglupsingnêput.

15 Sôk inukotikka nungutipissigik aklujullo asserorlugit? taimak okarpok Nâlegak kilangmiugasaksuit Nâlegangat.

16 **Nålegarlo** okarpok: Zionib panningit piojoridlar-matta pissungmattalo kongasertusârlutik ijingmiklutiglo ablor-nekidlutiglo ittigamikullo tajaujat sivanertillugit,

17 Tamanna pivlugo Nålekab Zionib panningita kabjingit kallakartitsomârpait avatingillo kangusûtiksarijangit ussinga-titsomârpait.

18 Nelliutome taipsomane Nålekab pêromarpait tajaujat ittigamiutat pivianartut kaurutillo takkingoallo,

19 Siummiutallo kellaumgujangoallo kênailitallo,

20 Niaûtillo kellaumgujangoallo ablornekititsijutiksats tap-serutillu tippitsiariksautekautillo arngoallo,

21 Ketterdlermillu kingarmiutallo,

22 Annorâtsiallo sillapâtsiallo ulliksuillo ikpiarsuillo,

23 Tachartûtillo illupâllo nessaujârtullo kungasêlitallo.

24 Tagva tippitsiariksautekarungnairlutik aunersungnito-karomârput, tapserutekarungnairlutik aklunâvinekaromârput, nuiakarungnairlutik âkiksimateartunik nujakangitomik kab-jekaromârput, ulliksoakarungnairlutik pôksajanik annorâkaromârput. Takkorannêtsomârput ânanaujungnairlutik.

25 Angutekotitit (Zione okaudjauvok) saviksoarmut toko-taujomârput sorsuktuksakotitillo unatadlarnermut.

26 Zioniblo upkoaksoangit kiksadlaromârput ogguarlutiglo, kemaktauvlunelo (Zione) iksivajomârpok nuname.

KAP. IV.

Epkêjartauvlutik Israêlît nertornartitaujomârput Nålekamut.

1 **NELLIUTOME** taipsomane arnat sibat angut atausek tigujomârpât okarlutiglo: Nerkiksakotivut nerrijomavavut annorâromavogullo nangminerijaptingnik, kissianele atternik tai-jautilauktigut mittautigijaujungnairtilutalo.

2 **Tamanna** nelliutikpat, Nålekab nuilertitanga ivlernau-tauvlunelo nertornautaujomârpok, nunablo (Kânaanib) peror-tunga annernautauvlunelo inerkonautaujomârpok Israêlîtinut amiakôjunut.

3 Ivsornaituniglo taijaujomârput amiakôjut Zioneme inô-jullo sulle Jerusaleme — illûnatik aglaksimajut inôrkojauv-lutik Jerusaleme,

4 Nålekab Zionib panningit ubvarlugit epkêjarpagit, auglo (Jerusalemiut kovijangat) pêrpago taipkonangat anernikkut erkartuijokut anernikkullo auktitsijokut.

5 Nâlegarlo Zionib kakkangata iglungita illūnatik kollätigut kattimavingitalo kollätigut pingortitsijomârpok nuvu-jamik iserlungmiglo uvlôlerangat, ikkomamiglo ikkoalajomik kaumaksaijomik unuakkut, ivlernartoksôjut illūnatik sappûluta-
kasôngongmatta.

6 Iglokaromârpôrlo tachalinârtomik uvlub kidjerninganut, kemâviksamik sapputjauviksamiglo, niptaipat sillalukpallo.

KAP. V.

Perorsêvingmik vaineliksatalingmik.

1 **INGERUT** mâna attorlago illannâra pivlugo, illannâma ingerutinga perorsêvinga vaineliksatalik pivlugo! Illannâra perorsêvikarpok vaineliksatalingmik kakkame ivjoriktome.

2 Poagijarpâlo ujaraijarlugolo illijivigivlugolo vainekutiar-sungnik ânanaudlariunik. Nuvugusersoaliorporlo illuane iptê-jaivingmiglo senavok tagvane nerriukporlo paungakarniksang-
ganik; kissianele paungalukakarpok.

3 Erkartuileritse mâna, Jerusalemêtose Jûdamiôjoselo, piv-
lunga perorsêvigalo vaineliksatalik pivlugo.

4 Sumik sulle pijarialingmik perorsêviga vaineliksatalik pivigingilarâ? Sôk paungalukakarkâ, ajungitunik paungakar-
niksanga nerriugigapko?

5 Mânalo kaujititsomavapse, kanok perorsêviga vainelik-
satalik piniarvigijomârapko. Sappûlutangit pëjaromavakka
asserortaurkovlugo, avalungillo serkomitsomavakka tullerajar-
taurkovlugo.

6 Nungutitsomavaralo pairijautailitillugo poagijartautaili-
tillugolo; perortoxaromârpok ukpiganik perornerdlyktuniglo
kakkilautilingnik, nuvujallo inerteromavakka sillalugvio-
rkonnago.

7 Imaiporle: Kilangmiugasaksuit Nâlegangata perorsêvia
vaineliksatalik tagva Israëlkkut, Jûdablo angutingit tagva
illijivigijanga (perortuksanik) kuviagijanga. Idluartullinermik
nerriugame, aksorûtjinek takkovâ; idluarnermik nerriugame,
ogguarnekk tussarpâ.

8 **Kaplianarmêk** pititsivalliajut iglunik iglokotimik
senniannut perorsêvingniglo perorsêvikotimik senniannut, in-
niksakarungnairtillugo; kissipselo nuna innigijomavasse.

8 Siutimmut kilangmiugasaksuit Nâlegangat okarpok: Aham-
marik, iglut unuktoksuit kemaktaujomârpok, angijut ânanau-
jullo inukarungnairmârpok.

10 Perorsévik vaineliksatalik, tuktuvâk makpiterarpak-tangaktut angitigijok uvlune tellimaujortune, vainekaromârmât kattamik attautsemik, karngasûtiksallo kattaajaksoatut tellimaujortut unuktigijut paungakaromârmatta kattamik attautsemik.

11 **Kapplanarmêk** taipkoa uvlârorpaktut imiksak tallanartok pinasuarlugo, unnuamullo iksivajut vainemut ônartitanvltutik.

12 Harfiniglo kellularaniglo killautiniglo nipjautiniglo vainemiglo kuviassûtekarput, Nâlekab piniarningit kamaginagit aggangitalo sullijangit takkonârnagit.

13 Taimaimat inukotikka aulartitauliakijomârput, ivlerijâujullo tâpkonanêttut kâdlaromârput, inungillo unudlartut kêleromârput.

14 Taimaimat anernerit inningata pijomatunine angijorortipâ, kaninelo aitarpâ angijoksoarmik, (Zioniblo) ivlerijangit inungillo unudlartut kuksalaitullo kuviassukpaktullo takanunga akkalerput.

15 Tagva inuit suksaujungnairtitanjomârput angutaujullo nellopkotijariakartitaujomârput, piojorijutitullo tautusôngojut kattalungatitaujomârput.

16 Kilangmiugasaksuille Nâlegangat nertornartitsomârpok erkartuinerminut, Gûdelo ivsornaitoksôjok ivsornaititsomârpok idluarsainerminut.

17 Saugârkallo iviksukasioromârput nerkiksarsiorvikarlutik (tagvane), angusalluarsuillo nerkiksarsioromârput akluitut innigijaviningine.

18 **Kapplanarmêk** amuasût idluitomik aklunâtigut nâ-mangitullivltutik, ajortomiglo uniutatigut sôrlo.

19 Okausekartut imâk: Tuavilune piniasârle, piniaraksaminik takkurkovluta, ivlernartitublo Israëlikkune kajusijutigijanga kaglilerle tikkisarailunelo, tukkiservkovluta tamatto-minga.

20 **Kapplanarmêk** idluitomik idluartôneraijut idluartomiglo idluitôneraijut tâktomik kaumajônasugiklertut kaumajomiglo tâktônasugiklertut, sêrnartomik mamarasugiklertut mamartomiglo sêrnarasugiklertut.

21 **Kapplanarmêk** illisimanasugijut sillatonasugijullo.

22 **Kapplanarmêk** vainemik imertovaktut illisimajullo imiksaliormermik tallanartomik,

23 Idluitullijunik passijaksaujungnairtitsijut pilliasiat pit-jutigivlugit idluartullijullo aksârlugit idluarningannik.

24 Tamanna pivlugo, sôrlo ikkomab ikkoalajub ivivinit nungungmagit, sôrlolo iviksukat pannertut ikkoalajut ochongmatta, taimaktauk taipkoa amângat auniojomârpok nuvugulângillo sanniktut tiktaujomârpok, kilangmiugasaksuit Nâlegangata perkojangit kamagingimagit, ivlernartitublo Israêlikune okausingit nachogingmagit.

25 **Talmainat** Nâlegak katsungaitomik ningalerpok inukotiminut, agganelo issakpait tâpkonunga, pattakpaillo, kakkat sajukpiluktillugit timingillo tokungajut aktarlukkutitut egidlugit apkosinermut.

26 Saimaseromârpok kattilerutiksaujomik nellojunut unga-siktomêtunut, taipkoalo kairkojomârpait nunaksûb kiglinganit. Ahâglo, tuavidlarlutik akpangeromârpok omunga.

27 Taipkoale akkornganne merngortortokaromângilak naukiutijokaranelo, sikkungijokaromângilak siniktokaranelo; tapserutingit pêromângilat, ittigagutingita singingit kiktoraromângilat.

28 Kargjungit ipikput, pittiksingillo illûnatik nokarsimavut. Horsekotingita kukkiujangit kairtotut illingarkôrput kamu-tingitalo aksalloangit akkunaksoatut.

29 Nipliadarput loevititut, nipliavut loeviaraktitut, kal-lingoarlutik aksârni-gari-jatik tiguvait angerautivlugillo tigu-jiniktokangilarlo.

30 Nelliutomelo tamattomane iktullijâd-laromârpok (Israêlitinut), sôrlo imarbiksoak iktullijârmat. Nuna ullernaigijaulerpat, ahâk tâktok kappianartok, kaumajorlo takpânêtok kaumajungnairpok nuvujanut.

KAP. VI.

Jesaiasib Gûde takkovâ.

1 **JAREME** taipsomane, attanek Usia tokongmat, Nâlegak takkovara iksivajok iksivautaksoarme kotsiktome poktojomelo, annorângatalo siningata igloksoak ullikpâ.

2 Sêrafit kollânêput attunit pingasôjortunik esarolit; mag-gungnut kênatik mattuvait, maggungnut ittigatik mattuvait, maggungnut tingilerput.

3 Kaigarsuvigijigêkpullo okarlutik: Ivlernarpok, ivlernarpok, ivlernarpok kilangmiugasaksuit Nâlegangat; nunat illû-natik illumertauvut tâpsoma nertornarninganik.

4 Ablorallo tungavingit sajukpilukput kaigarsuktut nip-pinginut, iglolo iserlungmik taetaepok.

5 Tagva okarpunga: Kappianarmék uvanga nungutaksauvunga kangasinâkartunga ivsornartoksôjüngnik inuillo kangasinâkartut ivsornartoksôjunik akkornganne nunakartunga, ijingma takkongmakko attanek kilangmiugasaksuit Nâlegangat.

6 Tagva Sêrafit illangat tingilerpok uvamnut, auma tigumiarlugo tigujane kingmautikkut tunerguservingmit.

7 Kaneralo tâpsomunga aktornâ okarlunelo: Ahâk, ôma kangasinâkik aktormagik, idluitu...itit illingnit pèrtavut, ajornitillo issumagijaujungnairput.

8 Nâlekablo nippinga tussarpara imâk okartok: Kina tillijaksarivigô: kina uvaptingnut tillijaujomavâ? Uvangale okarpunga: Tagga uvanga, tillilaunga!

9 Okarvigivângalo: Ailerit, nunakatigêt tâpkoa okautijar-torlugit imâk: Tussadlaritse tukkisinaselo, takkudlaritse illitarsinaselo.

10 Inuit tâpkoa ômasingit mangaitikit siutingillo tussilartikit, ijingillo takpêtikit, ijimingnut takkurkonnagit, siutimingnut tussarkonnagit, ômatimingnullo tukkiserkonnagit, sâgiarkonnagillo inûlijaurkonnagillo.

11 Uvangale okarpunga: Nâlegak, kanok sivitutigijomik? Okarvigivânga: Iglugasaksuit asserortauviksangat tikkidlugo, tagvanêtokarungnairpat, iglullo inukarungnairtitaukpatta, nunallo asserortaulerpat inuerutjauvlune.

12 Nâlekab inuit aulartitsomârmagit ungasiktomut, nunallo asserortauviksanga angijôjomârmat.

13 Inuille unurningita tellimaujortungit tagvanêtsomârput sulle; taipkoa pititaujariakaromârivut ikkomamut, kissianele — sôrlo terebintemut aigemullo kippakarmat (kippijaukpanik) — taimak taipkoa kippangat kinguvâksauvok ivsornaitok.

KAP. VII.

Imânuele.

1 **PIVORLO**, Ahase Jôtamib erninga Usiablo erngutanga attaniotillugo Jûdame, Rêtsine Siriamiut attaningat Pêkalo Remaliab erninga Israëlikkut attaningat aivuk takpaunga Jerusalem ut sorsugiartorlugo; sâlagivlugo sapperpâk.

2 Dâvidiblo kinguvângit okantjauvut imâk: Siriamiut Efraineme tangmârput. Tagva attaniub ômatanga inukotingitalo ômasingit sajukput napârtutitut aulatauutitut anorem ut napârtoliksourme.

3 Nâlekablo Jesaiase okautivâ: Igvit ernillo Sear Jasu (imaipok: amiakungat sâgialârpok) aularitik Ahase pâriartorlugo taetsib kolliub kôngata issuanut, errortuijut errortuivita apkosinersoanganut.

4 Okarvigiuglo: Utjertorit nipporlutillo! Erksiniarnak õmativillo nangiarinarianigit ukkoa ikkoalanikûk iserluktûk, Rêtsiniblo Siriamiullo Remaliablo erningata ningaumajâdlarningit,

5 Siriamiut Efraimekkullo Remaliablo erninga idluitomik kajusimangmatta pivlutit, okarsekarlutik imâk:

6 Jûdamut ailaukta kappiasuktillugo perkutiginiarlugolo uvaptingnut, Tabéaliblo erninga attaningortillugo akkorn-ganne.

7 Nâlegak Gûde okarpok imâk: Taimak illinganiangilak, taimak pijokarniatsengilak!

8 Siriab niakorijaksanga tagva Damaskuse, Damaskusiblo niakorijaksanga tagva Rêtsine. Jârit 65 it nâkpatta, Efraime nungutaujomârpok nunakatigêksoakarungniarlunelo taikane.

8 Efraimiblo niakorijaksanga tagva Samâria, Samâriablo niakorijaksanga tagva Remaliab erninga. Sokkosijuitsengkupse (tettigivlunga), sõgoniangilase.

10 **Ammalo** Nâlekab Ahase okarvigigivâ okarlunelo:

11 Nellunaikutaksamik Nâlekamit Gûdingnit kennulerit, attersârlutit ittijomut anernerit inningannat kongmuarlutillõnêt takpaunga.

12 Ahasible okautivâ; kennujutigijomangilara, Nâlegak õktorlugomanginapko.

13 Tagva okarpok: Attê, tussaleritse illipse Dâvidib iglunganêtose! Nâmaksingilase inuit pagvisârlugit; Gûdigatauk pagvisâromavisiûk?

14 Taimaimat Nâlekab nangminek nellunaikutamik tunitjivigijomârpâse. Ahâk, uigasuk singaivok ernermiglo ernijomârpok, tâmna Imânuelemik (imaipok: Gûdib illagivâtigut) atseraromârpâ.

15 Immub orksuanik igupsaujârtullo orksunginik nerrijomârpok, ajorungnailerune idluitok nachogivlugo, idluartok annerivlugo.

16 Nukappiarle tukkisilerkârtinnago idluitok nachogivlugo, idluartok annerivlugo, attanik magguk sivorajutigijâkpit nûnâgik kemaktaujomârpuk.

17 Nâlekable Assiriab attaningagut igvit nunakatitillo atâtavillo inukotingit tikkitaurojomârpâse uvlunut nellekangitunut Efraimib aviningata Jûdamit kingorngane.

18 Nelliutome taipsomane Nălegak kôkoviaromârpok, niviuvait Egiptenib kôksoangata issuanêțut igupsaujârtullo Assiriab nunanganêțut kairkovlugit.

19 Tagva tikkitsomârput illūnamassiatiglo kikkaromârput kôrune sivinganariktune kairtullo kongnângine ukpiganelo kakkilautilingne tamaine iviksukatalingnelo tamaine.

20 Nelliutome taipsomane Năleka niakorlo ittikkalo sallijomârpait umējaivlunelo umējautemut attartortaumajomut (tagva): kôksûb ungatânêtomut, Assiriarmiut attaningannut

21 Nelliutome taipsomane angutib attautsib tuktuvak attausek saugâglo magguk nerrititsomarpait.

22 Imukadlarnermullo immub orksuanik nerkiksakaromârpok; immub orksuanik igupsaujârtullo orksunginik nerkiksakaromârmatta amiakôjut illūnatik nuname.

23 Nelliutome taipsomane imaitsomârpok: perorsêvît napârtokartut vaineliksanik 1000 dinik, kênaujaniglo 1000 dinik akkiksakartut ukpigakaromârput kakkilautilingnik perornerdluktuniglo kakkilautilingnik.

24 Pittiksekartut kargjokartullo kissimik tagvane pissungunarpuit, nunaksoarme illūnâne ukpigakaromârmait kakkilautilingnik perornerdluktuniglo kakkilautilingnik.

25 Kakkattaupok poagijartaupaktut tamaita aivigivlugit ajornaromârpok ukpigait perornerdluktullo kakkilautilit unurningit pitjutigivlugit; tuktuvangnulle nerriviojomârput pissugviovlutiglo saukkanut.

KAP. VIII.

Israêliti sugiartauningannik Gûdemiglo nălektut manigortau-ningannik.

1 **NALEKABLE** okarvigivânga: Aglagaksamik angijomik tigusilerit aglaklutillo, inuit aglangnerivaktangit attorlugit: Mahersalalemuit Hasbasemut! (imaipok: aksârniksaraitomut, arktaisaraitomut.)

2 Uvangalo kigligiudsijuksâk okpernartûk najortigivâkka: Uria ajokertuijok Saggarialo Jebereggiab erninga.

3 Nellautaijorlo arnak najortigivara, tāmna singailerpok ernermiglo ernivok. Nălekablo okarvigivânga: una atseraleruk Mahersalalemik Hasbasemik.

4 Nukappiarârsuk okarungnalerkârtinnago: atâtâk, anânâk — tagva Damaskusib akluitoksôningit Samâriamiullo

aksârnigarijangit nangmartaujomârput Assiriاميوت attaningata sângagut.

5 **Ammalo** Nâlekab okarvigivânga okarlune:

6 Nunakatigêksuit ukkoa Siloab imingit achêtot nachogingmattigik, Rêtsinelo Remaliablo erninga sajûtigingmattikik,

7 Takkûk, tamanna pivlugo Nâlekab tikkitaurojomârpait kôksûb imersoanginut sôgojoksôjunut — tagva Assiriاميوت attaningannut pitsartujokotinginullo tamainut. Kudjidlarlunelo (kôksûb) sinâne tamaita ulligomârpait.

8 Achevlunelo Jûdamut ulligomârpâ ullutsautillugolo inuit kongasingit tikkidlugit, esarkûngnelo issividlugik nunakotit illûnât illumeromârpâ, Imânuele.

9 **Idlultullititse**, nunakatigêktose, serkomitaujomârpose. Tussaleritse, illûnase ungasiktome nunakartose: parngnaileritse, serkomitaujomârpose — illa parngnaileritse, serkomitaujomârpose.

10 Angekatigêgitse kajusimanipsingnik, serkomitauvok; okausermik okaluaritse, sullitsengilak Gûdib illagingmattigut.

11 **Imâk** Nâlekab okarvigingmanga, aggakka tigumiarlugit inerterlungalo, arvertarkonnanga, nunakatigêt ukkoa apkotigijangine, okarlune:

12 Pikkablartônerainiarase nunakatigêt ukkoa pikkablartônerarpaktanginik, erksigijangit erksiginiasigik sivoraginagillo.

13 Kilangmingasaksuit Nâlegangat opigissiuk, tâmnauvok erksigijaksarijase sivoragijaksarijaselo.

14 Ivsornaitoviksôjomârpok tagva ujarauvlunelo aporvik kairtôvlunelo sinaungasautaujok inûkatigênut maggoinut, Israêlib kiguvânginut, niganjomârporlo ochojutaauvlunelo Jerusalemiunut.

15 Unuktullo aporvigijomârpât ochovlutiglo serkomilutiglo, nigarsimajomârput pijauvlutiglo.

16 **Nellunaijaijutiksat** kattusikkit perkojallo nakiterlugit illiniartima akkornganne.

17 Uvjangale Nâlegak nerriugivara, kênaminik ijsersijok Jâkokkunit, tettigivlugolo.

18 Ahâk, tamânêpunga kitorngallo Nâlekab tunijangit uvamnnt, Israêlemut nellunaikutaksaurkovlugit tataminiaurutiksaurkovlugillo kilangmingasaksuit Nâlegangannit, Zionib kakkangane innekartomit.

19 Imâglo okausekarpatta illipsingnut: Angakkullo nel-lautainerluktullo nipjærtut, issivsortut apperijartorsigik! — ajornarpok. Nunakatigêt appertsoriaakangilât Gûdemingnik? Inôjut pivlugit tokungajut apperijartorlugit pijuksauvitâ?

20 Perkojanik nellunaijaijutiksaniglo (malligitse!) Taimak okaromângilât kaumajokangitut illumingne?

21 Nuname arvertarput kappiasuklutik kâklutiglo. Kâdla-runiglo ningalerput, attanitik Gûditiglo okarnerlûtigivlugik.

22 Arlorput takpaunga takkunârlutiglo nunamut, kappia-nartokarpok tagvane tâktomiglo tâksoarmiglo koaksârnartomik; tâktoksoarmut pititaumavut.

KAP. IX.

Kristusemik.

1 **TAKTOKATSAINAROMANGILAK** kappiasugviojome mâna. Nelliutome kângertome Sébulonib nunanga Naftaliblo nunanga mittautiginartungortitaumavuk, nelliutome pijomârtome nertornartungortitaujomârput apkut imarbingmut sangmijok Jordaniblo ungatâ Galilêalo nellojolik.

2 Nunakatigêt tâksiortut kaumajoksoak takkovât, nunkatigênullo tokub tachalininganêtunut kaumajok nuimavok.

3 Nunakatigêt unuksivalliatipattit, kuviasungningat angijôtipat. Sângne kuviasukput, sôrlo kattersoiviub nelliuningane kuviasuktokarpangmat, sôrlo igiakomijartokarpangmat perkutinik aitortuivingme,

4 Nangmautit nangmagaksangit, issakautit kollêgingnut attortut, aulatsijingitalo annautangit navigangne, sôrlo Midi-anib nelliuningane. (Idluars. kap. 7.)

5 Kammit illûnatik attusût sorsuktuksanut annorâllo sallumaititaumajut aungmut ikkitauvut ikkomamullo nungutauvut.

6 Nutarârsuk erniangongmat uvaptingnut, ernek tunijaungmat uvaptingnut; nâlegauninga tuinganêpok; attekarpôrlo: tatamnadlartomik kajusimajomik, Gûdemik pitsartujoksoarmik, Atâtaujomik issokangitomut, Nâlekamik ullapirsaijomik.

7 Nâlegauvik angijorortitsomavlugo ullapirsautekatsainartitsomavlugo Dâvidib iksivautanganêpok attaniovininganelo, âkiksorlugo erkartuitsiarnermut idluarsainermullo mânanit issokangitomut. Kilangmiugasaksuit Nâlegangata illungertorninga tamattominga piniaromârpok.

8 **NâleKab** okausek tillikliutivâ Jâkomut, akkartillugo Israêlemut.

8 Tukkisileromârpâllo Efraimib inukotingita illûnatik Samâriamiullo, pimmarinterlutik piojoridlarlutiglo imâk okausekartut:

10 Igaliksajat kattaksimagalloarput, ujaraille sennamatsi-artut äkigomavavut; nappajut sikomôrit nakkasimagalloarput, zêderille taipkoa inningine napârtitsomavavut.

11 Rêtsinib sorsuktuksakotingit Nâlekab ajugakangititso-mârpait tâpkonunga òmigijingillo sakkokartillugit.

12 Siriamiut Israële êjomarpât sângannit Filisterillo tunnuannit, kanitik aitarlugit. Tamakkoale tamaita Nâlekab ningausingata sorairutigingilait, aggangillo issamivut sulle.

13 Nunakatigêlle sâgiatsengilat sugiartimingnut, kilang-miugasaksuillo Nâlegangat kennilungilât.

14 Taimaimat Nâlekab kippivait Israêlib niakunga pamiungalo, palmit iviksuillo uvlorme attausênarme.

15 Niakunga tagva inutokaujut nertornartut, pamiunga tagva nellantaijut saeglôtiksanik ajokertuivaktut.

16 Nunakatigêt tessiortingit uiveriklertôngmatta, tessior-taujullo asseroiôngmatta.

17 Taimaimat Nâlekab tâpkoa inôsuktokotingit angutit kuviagingilait, illiarsukotingillo uigarnekotingillo nâpkigingilait, tâpkoa illûnamassiatik tappatojôngmatta idluitullijôngmattalo, illûnatiglo kaningit sillainartoksoarmik okausekarmatta. Tamakkoalle tamaita Nâlekab ningausingata sorairutigingilait, aggangillo issamivut sulle.

18 Idluitullinek ikkomatut ikkoalangmat ukpiganik perornerdluktuniglo kakkilautilingnik nungutsivlune ikkitsivlunelo ukpiganik napârtoliksoarmêtunik, iserluksoarmik kongmuartitsivlune.

19 Kilangmiugasaksuit Nâlegangata ningausinga pivlugo nuna ikkitaumavok, nunakatigêllo ikkomamut nungutaksaujtitut-iput; kattangutiminik nâpkiniktokangilak.

20 Tallerpimik tungâne nerkelerigalloarlutik kâkput, saumimik tungânit nerrigalloarlutik akkeartulungilat. Illûnatik tallermik uviningit nerriksarivait,

21 Manassib Efraime Efraimiblo Manasse. Tamarmiglo illagêklutik Jûdamut sâput. Tamakkoale tamaita Nâlekab ningausingata sorairutigingilait aggangillo issamivut sulle.

KAP. X.

Idluitullijut sugiartauuningannik. Assiriemiut nungutaunngannik.

1 **KAPPIANARMEK** illusernik piungitunik illusekarkojijut, aglangnik siorniûtiksaujunik aglakpaktut,

2 Aklujut ajaktorlugit erkartuivingmit, ajoksartullo inu-

kotima akkorngannētut idluarkutiksangit kamaginagit, uigarnarit perkutigijomavlugit illiarsuillo aksäromavlugit.

3 Kanok illioromavisē sugiartauvingme, asserortauvingme ungasiktomit kagilertome? Kimut kemäjomavisē piulijaujomavluse? Nertornautigijaselo nane torkoromavisigik?

4 Imātuinak illiorungnaromärput: parngnanairsortaujut akkornganne okkungavlutik, tokotaujut akkorngannut kattaklutik. Tamakkoale tamaita Nälekab ningausingata sorairutigingilait, aggangillo issamivut sulle.

5 **Kaplianarmêk** Assure, ningautsima issakautigijanga ningaumajärnera ajaupiauvok täpkoa agganginut.

6 Tillijomavara nunakatigēnut nertornalungitunut, perkomavaralo nunakatigēnut ningaumajutigijamnut, arktaijaukovlugit aksärtaurkovlugillo tullerajartaurkovlugillo täpsomunga aktalukutitut iglut akkornganne.

7 Taimnale taimak pijomangilak, ömatingalo taimaitunik issumakalungilak, ömatingale kajusimavok, nunakatigēt ikkitölungitut nungutsomavlugit pëjaromavlugillo.

8 Imäk okarmat: Angajokängortitakka attaniongilat illünatik?

9 Kalno Kargemisetut-ingiläk? Hamat Arpadetut-ingiläk? Samäria Damaskusetut-ingiläk?

10 Sôrlo aggama Gûdingoat attaniovingit nagvarmagit Gûdingoangit unurnersaugalloartillugit Jerusalemëtunit Samäriamëtunillo,

11 Sôrlolo Samäria Gûdingoakotingillo piniarvigigapkit taimak piniartuksaunginivik Jerusalemut Gûdingoakotinginullo?

12 Nälekable piniaraksane tamaita Zionib kakkangane Jerusalemelo nämaksilerunigit, tagva (Nälegak okarpok) Assiriarmiut attaningata piojoridartub ömatingata illiorningit sugiaromavakka pingijainingalo ijikikkut sakkijärtok.

13 Taimna okarmat: Aggama pitsartuninginut tamanna piniarpara illisimanimnullo, uvanga sillatogama. Nunakatigēkiglingit ablatsautipakka perkutingillo pëjarpakka, iksivautaksoarmëtullo ochotipakka parngnertut.

14 Aggamalo nunakatigēt perkutingit nagvârpait, sôrlo aukortak (nagvârtaungmat), nunallo tamaita kattorsorpakka sôrlo manit kemaktaumajut kattersortauvangmatta, puvitörtomiglônēt airtartomiglônēt nivirtomiglônēt pekartinuago.

15 Ullimaut nertorungnarkâ attortiminut? ubvalo kiblû nertorungnarkâ attortiminut? Taimailiorungnarpanik, tagvissakautiub aulanajarivâ aulatine, ajaupiablo kivigajarivâ kejuungitok (inuk).

16 Taimaimat Nălegak, kilangmiugasaksuit Nălegangat pitsartuerutijaunartomik tillikleromărpok pitsartujoksoakotingita akkorngannut, nălegauvingatalo attâne ikkoalajokaromărpok ikkomab ikkoalaningatut.

17 Israëliblo kaumanerijanga ikkomangolerpok, ivlernartitorlo Israëlikkune ikkoalajungolerpok, ukpigait perornerdluktullo kakkilautilit ikkidlugit nungudlugillo uvlorme attautseme.

18 Napărtokotingillo perorsêvikotingillo ânanaujut nungutimmarigomărpait tarningillo timingillo; illingajomărpait kanimadlartotut nukkêrutivalliajotut.

19 Napărtullo amiakôjut napărtolivinerve kittitaujungna-romărpait, nukappiab aglakpait.

20 **Taipsomane** Israëlib amiakungita, Jâkokkut akkornganne pijausimangitut sugiartitik tettigijungnairomărpât, Nălegarle ivlernartitok Israëlikkune tettigijomărpât nellâgôrlutik.

21 Amiakôjut sâgiaromărpait, illa amiakôjut Jâkokkune sâgiaromărpait Gûdemut pitsartujoksôjomut.

22 Inukotitit, Israële, unuktôgalloarpatta siorkatitut imab sikjanganêtitut, amiakôjut tâpkonangat (kissimik) sâgiaromărpait. Nungutaksauningat kajusimajutauvok, erkartuijok kaglilerpok,

23 Nălegak, kilangmiugasaksuit Nălegangat nungutitsiner-mik kajusimajutigijaminik piniaromărmait nuname illûnâne.

24 Taimaimat Nălegak, kilangmiugasaksuit Nălegangat okarpok: Inukotikka, Zioneme nunakartose, Assure sivoraginiarasiuk! Annautamut annaudlaromăralloarpâse ajaupiakotinelokollangiutitillugo illipsingnut, sôrlo Egipteneme pijokalaungmat.

25 Mănakasakut pingarnera nămaksijomărpok, ningauma-jărnimalo nungutinasuaromărpâ.

26 Kilangmiugasaksuillo Nălegangata issakautik kivigomărpâ taipsomunga, sôrlo Midiane sugiaramiuk Orib kairtungane, ajaupiakotinelokimarbingmut issautijomărpâ sôrlo Egipteneme.

27 Taipsomane nangmartaurkojanga tuiplingnit pêromărpok nangmautangalo kungasipsingnit, nangmautâluk serkomi-taujomărmait sôngodlartomut.

28 **Ajate** tikkipâ, Mikerone apkutigivâ, Mikmaseme perkutine kemakpait.

29 Kôrukkut ingergavut. Gebame sinniktalaukta! (taimak okarpait.) Tagva Rămamiut koaksărpait, nunakartut Gibeame Saulib nunagilauktangane kemăvut.

30 Nipliadlarit, Gallib panninga; kamatsialerit, Laisa naiperkonarpotit, Anatote!

31 Madmênamiut kemâvut, Gibimiut kattimalerput kemâ jomamut.

32 Uvlome sulle Nobemênarpok. Zionib panningata kaka kanga issakpâ, Jerusalemib kakkârulanga.

33 Ahâgle! Nâlekab, kilangmiugasaksuit Nâlegangata napârtut nuvungit akkeruijarpait koaksârнадlarlune; napârtull poktojoksuit kippijauvut, poktojullo pokitungortitauvut.

34 Napârtoliksiullo ukpigangit ullimaumut kippijauvu Libanonelo ochotitauvok ajugakangitomot. (kap. 37, 36.)

KAP. XI.

Kristusemik nâlegauvinganiglo.

1 **NUTAIJORTOMIK** nuijokaromârpok Isaib kippanganit akkeromiglo perortokaromârpok amânganit.

2 Tâmnalo Nâlekab anerningata tupvigijomârpâ: anerneru sillatunartub illisimanartublo, anernerub issumagiktitsijub pi sartinitsijublo, anernerub illitarsititsijub sivoratitsijublo Nâlekamik.

3 Nâlekamiglo sivorajut kuviagijomârpait. Ijingme takkojangit malliklugit erkartuijomângilak, siutingmelo tussan tangit malliklugit idluarsaijomângilak.

4 Idluartomigle aklujut erkartoromârpait, ajulertullo nu name idluarsaromârpait. Kanermelo okausinginut nunamiu sugiaromârpait kanermelo anerninganut idluitullijok tokolug

5 Idluarne tapserutigijomârpâ kettermigut, nellâgôrnetapserutigivlugo makkitingmigut.

6 Amarkub saugârsuk illagijomârpâ, panteriblo tuktungjoarsuk akopikatigijomârpâ. Nochallo loevillo tuktuvailllo katimatillugit nukappiararsûb mianerijomârpait.

7 Tuktuvailllo aklallo iviksukatalingme nerrinasukatigogomarpuit, piarangillo akopikatigêgomârpuit, loevit tuktuva titut iviksukanik nerrijomârpuit.

8 Amâmaktublo kuglugiab sittinga kuviagijomârpâ, amâ magungnairtublo aggane kaujomârpait kugliarâlub innigjanganut.

9 Piungitullijokaromângilak asserorsaijokaranelônêt kamne ivsornaitome illûnâne, nunaksoak taetaetsomârmait illitarsijunik Nâlekamik, sôrlo imarbiksûb erkâ imanginut ullik taungmat.

Laisa;

t kemä-

ata kak-

gata na-

apärtullo

t.

pijauvut,

36.)

panganit,

nernerub

sijub pit-

lo Näle-

me tak-

tussar-

ullo nu-

unamiut

tokolugo.

lägôrnek

uktunga-

illo kat-

sukatigê-

uktuvak-

pâ, amä-

innigi-

têr kak-

mat illi-

ut ullik-

10 **Taipsomane** imaitsomârpok: Isaib amânga, napajotut kattilerutiksaujotut illingavlune nunakatigêksoarnut, apperkutaujomârpok nellojunut, iksivautarijangalo nertornaromârpok.

11 Nâlekablo nelliutome taipsomane amma aggane issagomârpait, inukotime amiakungit pissiarijomavlugit, amiakôjut Assiriamit Egiptenemillo Patrosemillo Etiopiamillo Elamimillo Sinearemillo Hamatemillo kikkertanillo imarbingmêtunit.

12 Saimaseromârporlo kattilerutiksaujunik nellojunut, unangmijaujullo Israêlitit kattititsomârpait, siamanggajullo Jûdamiut kattessoromârpait nuaksûb kiglinginit sittamanit.

13 Sorairomârpok tagva Efraimib anerudsininga, sinaungasaijullo Jûdamêtut nungutaujomârput; Efraimib Jûda anerutijungnairomârpâ, Jûdablo sinaungasarungnairomârpâ Efraime.

14 Filisterillo tuinginut tingijomârput ununga, illagêklutigo kangillitik aksâromârpait, Edomiterit Moabiterillo sâlagijaujomârput, Amoniblo kinguvângita nâlegarijomârpait.

15 Nâlekablo Egiptenib imarbingata kangerdlua ipterilititsomârpâ, akkonakartitsivlunelo kôksoarmut issagomârpok, kôgarsukalertillugo sîbanik, ittigaguteilingnut ipperârviojukanik.

16 Apkosinersoakaromârporlo inukotingita amiakunginut, amiakôjunut Assiriamit, sôrlo Israêlitinut pijokalaungmat taipsomane, Egiptenemit aularmatta.

KAP. XII.

Imgerut kujalitiksak.

1 **TAIPSOMANE** okaromârpotit imâk: Nâlegak, kujagivagit, ningaumavigigamga ningaumajârnillo sorairmat manigoramgalo.

2 Ahâk Gûde piulijigijara! Tettiksakarpunga sivorana-ngalo, Gûde Nâlegak pitsartutigigapko imgerutigivlugolo; tâmna piulijigivara.

3 Kuviasukluse inektariaromârpose puilavingmit piulijau-nartomit.

4 Taipsomanelo okaromârpose: Nâlegak kujagidlarsiuk, attinga okâlajutigisiuk, piniarningit okautigisigik nunakatigêksuit akkornganne, attinga opinartoksôjok nertorsiuk.

5 Nâlegak imgerutigisiuk, opinartoksôjunik piniarmat. Tamanna tussartaule nunane tamaine.

6 Zionemiôjotit, igiakomijarit, illingne angidlarmat ivlernartitok Israêlikune.

KAP. XIII.

Bäbelemut.

1 **TAMADJA** okausek inerterijutiksak Bäbelemut, Jesaia-sib, Amosib erningata takkojanga.

2 Kattilerutiksamik saimaseritse kakkame merkkangitome, nipliavigidlarsigik nullorarlugillo, iterkovlugit angajokajat itertarvingitigut.

3 Ivsornaititakka perkovakka, pitsartutitakkalo kairkovakka, ningaumajärnima kivgangit, kuvasungnermut igiakomijartut.

4 Unudlartut kaggudlarningit tussaksauvut kakkane sörlo nunakatigéksoarnit pijut; pervaluktokarpok nellojut attaniovingita inunginit kattisimajunit pijomik sörlo. Kilangmiugasaksuit Nälegangat sorsuktuksaksoakotiminik parngnailerkojivok.

5 Nunanit ungasiktunit, kilaub issuanit tikkilerput Nälegak ningaumajärningatalo sakkungit, nunaksoak illünät asseroriartorlugo.

6 Aväladlaritse, NäleKab uvluksanga kaglilermat; asseroi-jutiksatur ajugakangitomit pijotut aggerpok.

7 Tamanna pivlugo, illünatik aggangit nukkingeromärput, inuillo illünatik ömatingit kakkillâromärput.

8 Koaksâromärput, siorniornartomullo änianartomullo tikkitaujomärput, ernisuktotut kappiasugomärput, okkijiutigëgomärput, kénangillo ikkomatut aupallagomärput.

9 Ahâk, NäleKab uvlunga aggerpok takopsoajuidlune ningaumajärnerlo ningauserlo illungertortok, nuna asserorlugo idluitullijullo tagvangat pèrlugit.

10 Kilaub uvloriangit siaktungillo kaumanarungnairput, sekkinerlo târlune nuilerpok, takkerlo kaumangilak.

11 Sillaksoarmiullo sugiaromavakka idluitulliningit pivlugit, idluitullo sugiaromavakka piungitulliningit pivlugit, pingijaitullo piojoriaingat nungutitsomavara pimmariutertullo pingijainingat serkomitsomavara.

12 Inuit akkutonersautitsomârpakka goldemit ivlernartomit angutillo goldemit Ofiremit pijomit.

13 Tamanna pivlugo kilak aulatitsomavara, nunalo sajukpilaklune nûitaujomârpok inniminit kilangmiugasaksuit Nälegangata kaningajâdlarninganut, ningausinga katsungailerpat.

14 Tuktungajotut unangmijaujotut, saugaktitullo pairiekangitutitut illingajomärput; illünatik nunakatimingnut angeraromärput, illünatik nunakotimingnut kemâjomärput.

esai-

kangi-
ngajo-

airko-
igia-

kkane
ellojut
ilang-
ngnai-

Näle-
asse-

sseroi-

ärput,

o tik-
igëgo-

idlune
orlugo

ärput,

piv-
vlugit,
ertullo

narto-

sajuk-
Näle-
lerpat.
airije-
ange-

15 Tagvane naipitavinit attunit kappijaujomärput, illagi-
jangillo saviksoarmut tokotaujomärput.

16 Kitorngangit serkomitaujomärput takkunärtillugit, ig-
lungillo piksaerutijaujomärput, nulliangillo sujuktaujomärput.

17 Ahäk, Méderit taipkonunga akkerartorkovakka, silbere-
mik erkasungitut goldemiglönët kamangitut.

18 Inôsuktut pittiksimingnut pittigomärpait, timît singai-
ngit näpkinginagit, sorutsittauk näpkoarinagit.

19 Båbelelo ånanaunerpåk attaniovingnit tamainit, Kal-
dearit nertütigijangat, pinarnarnerpåk illingajomärpok Sodo-
matut Gomorratullo Gûdib mumiktåktitut.

20 Mattoma kingorngane nunakartokaromâtsengilak tag-
vane, iglokartokaromâtsenginivok tagvane kinguvarêt kingor-
linginut; Arâbiamint tuppekaromâtsengilat tagvane, sauga-
niglo mianersijut tangmârviksakaromâtsenginivut tagvane.

21 Omajoâluille akopijomärput tagvane, iglungillo ukbik-
sui innigijomärpait, staraussillo tagvanëtson ärput, assênallo
okigêseromärput tagvane.

22 Terrianiangajullo miågôromärput iglutsiangine king-
millo nujuartut iglugasaksoangine allianartune. Piviksangat
kaglilerpok uvlungillo mîlutsangilat.

KAP. XIV.

Båbelemut Assuremullo Filisterit nunangannullo.

1 **NALEKAB** Jåko näpkigijomärpâ, Israële aneriluarlugo,
aitillugik nunangangnut. Takkorngartallo tikkitsomärput,
Jåkokkunut kattimgajomavlutik.

2 Nunakatigêksuillo tigujomärpait aitillugillo nunagijak-
sangannut, Israëlikkullo kivgarijomärpait taipkoa angutillo
arnallo Nälekab nunangane; pititigijatiglo parngnanairsima-
vingmut pititsomärpait parngnanairsimavingmut, attaniojo-
mârpullo attanerijamingnut.

3 **Pijokaromärporlo**, Nälekab merngoerserviksarsitipattit
ogguarnernit kiksarnernillo kippaludlarnernillo attortarnit
taipsomane,

4 Imaïtunik okausekaieromärpotit Båbelib attaninge piv-
lugo okarlutit: Itukkê! ullapitsijok nokkarpok, siorniorvik
sorairpok.

5 Nälekab idluitut issakautingat navikpâ, aulatsijut ajau-
piangat,

6 Issakautiojok nunakatigéksoarnut, kaningaumajárt pinga, issakaltsainartub sorairane, aulatsijutaujok inugiarto soarnut, ningartub pinga, unangmiklertub takopsoajuidlun.

7 Mänale sillaksoarmiut illünatik merngoerserput kikkalutiglo; igiakomijarput.

8 Keblariktut aglât zêderillo Libanonemêttut kuviasûtigvâtit okarlutik: Ochosimagavit, ullimariartortomik majora tokarungnairpok uvaptingnut.

9 Anernerit iningat takanna aulajârpok pivlutit pagrealutit, tikkigavit. Timekarungnairtut tupaktipait pivlutit, sillaksoarmiut angajokângit tamaita nunakatigêksuillo attane soangit nikovilerkovait iksivautanginit.

10 Illünatik nipliavlutik okarvigivâtit: Igvittauk nukingerutivotit uvaptitut, adsigivaptigit.

11 Ananaunit kanungartitauvok anernerit inningannut hafekotitillo nipliart. Kopergut kârivattit, kuglugiallo kebbigivattit.

12 Aiai! kattakpotit kilangmit, uvloriangojotit kausiun. Nunamut ochotitauvotit, nunakatigéksoarnik aksorôdjijotit.

13 Omatikkut issumakaralloarpotit imâk: Kilangmu kongmuaromavunga, iksivautaksoakotiga Gûdib uvloriangit kollâne tungavikartitsomavara ingidlungalo kakkamut kattimaviojomut apsoma ungatânut.

14 Kongmuaromavunga nuvujat kotsiktut kollânut, kot singnerpângorjorlo adsigijomavara.

15 Kissianele kappianartovingmut pititauvotit, itersâlungmut ittinerpâmut.

16 Illingnik tautuktut takkonârpâtit ullernaigivlutillo. Tâmnauvâ angut imna nunaksoarmiunik sajuktitsijok attaniovinniglo siorniortitsijok?

17 Nunaksoarmik inukarungnaititsijok, iglugasaksoanginiglo asserorsaijok, parngnanairsortaminiglo annerkojingtoniglunginut?

18 Nunakatigêksuit attanersoangit illünatik merngoerseralloarput opigijauvlutik attunit iglomingne.

19 Igville egitauvotit illuviksarnit akkerotut nachogijaujotut, mattujauvlutit tokotaumajunut, saviksoarmut kappijaumajunut, kannungartunut itersâlub nettinganut, kellortut tullerartaumajotut.

20 Illuvekakatingilattit, nunakotit asserorangne, nunakatitillo tokogangne. Idluitullijut kinguvâksangit erkaumajaksangilat issokangitomut.

umajártub
ugiartok-
ajuidlune.
t kikkar-

viasútigi-
majorar-

pagrear-
lutit, sil-
attaner-

uk nuk-

nnut har-
o kebbi-

kausiut!
ijotit.

ilangmut
riangita
t katti-

ut, kot-

rsálung-

vlutillo:
attanio-

soangi-
jington

goerse-

ogijau-
ppijau-
ellortut

nuna-
kauma-

21 Kitornganginut tokotauviksamik âkiksoileritse sivor-lingita idluitulliningit pitjutigivlugit. Aglijuksaungilat, nuna perkutigivlugo nunablo kânga nâ mavlugo iglugasaksoarnik.

22 Uvangelo parngnaileromavunga tâpkonunga, okarpok kilangmiugasaksuit Nâlegangat, Bâbelemiut pêrmariklugit attingit pîiakungillo, kitorngangit kinguvângillo, okarpok Nâlegak.

23 Nunangallo iblâkoserhut kingormgujaksautitsomavara imaksungortillugolo sannerlugolo sannitutemut nungutitsijomut, okarpok kilaugmiugasaksuit Nâlegangat.

24 **Kilangmiugasaksuit** Nâlegangat angermariklune okarpok: Illa pijokartuksauvok, sôrlo issumagama; illingajuksauvok, sôrlo kajusimagama.

25 Assure asserorasuarpara nunakotimne. Tulleraromârpara kakkamne, nangmautanga pêrlugo taipkonangat (Isra-êlitinit), nangmartaurkojangalo pêrlugo tuinginit.

26 Tamadja kajusimaninga kajusimajutigijanga nunaksoak illûnât pivlugo; tamadjalo aggait issaksimajut nunakati-gêksoarnut tamainut.

27 Kilangmiugasaksuit Nâlegangata tamanna kajusimauti-gingmago, kia agviaromavaûk? Aggangillo issamijut kia uttertitsomavagît?

28 **Jâre** taimna, attanek Ahase tokongmat, okausek iner-terijutiksak imailingavok:

29 Filisterit nunangat, kuviasungniarnak, issakautik illingnut issakautiojok naviksimangmat. Kuglugiab amânga-nit kugligiarâluk sakkijâromârmat, kingorlerijangalo tagva kuglugiak kassilinarok sukkalidlarlorlo.

30 Ajoksartut erniangokârtungit nerkiksarsioromârput, aklujullo terliklutik merngoerseromârput; amârle illingnit pijok kângmut tokotsomavara, amiakôjullo kimitaujomârput.

31 Itertarkik, avâladlarit! iglugasaksuit, nipliadlaritse! Filisterit nunangat illûnane kakkilârpok, avangat iserlukar-mat, ingmikkôrto kalungilarlo kattimgajoksoakotingine.

32 Kanorlo inugiartoksuit tillijangit kiojomârkagit? Imâk: Nâlekab Zione tunganelivâ, tagvanelo sapputjauviksa-karomârput inukotingita ajulertokotingit.

KAP. XV.

Moabemut.

1 **TAMADJA** okausek inerterijutiksak Moabemut. — Unnu-angotillugo Kirib Moabemêtutub asserortauvia nelliutivok, tâva.

Unnuangotillugo Kirib Moabemētub asserortauvia nelliutivok, tāva.

2 Bajitemut Diboniblo kakkârulangunut majorarput keavlutik, Nébo Medebalo Moabiterit ârosûtigivakik. Illūnatik nujangit sallimavut umekarungnairtitaavlutiglo.

3 Iglut akkornganne pôksajanik ketteruserput, iglut kângine akkorngannelo illūnatik âladlarput keadlarlutiglo.

4 Hesbone Elealo nipliavuk, nipliadlarningak tussaksauvok aglât Jahatsemut. Tamanna pivlugo Moab sorsuktuksaksoakotingit ogguarput kappiasuktitaavlutik.

5 Omatiga nipliavok Moabe pivlugo; tagvangat kemâjut Zoare tikkipât tuktuvaktut jareliktut pingasunik. Keavlutik Lukitib kakkanginut majorarput, apkosinermelo Horonaimut ogguarlutik kaggudlarput.

6 Nimrib puilavingit imekarungnairput, ivit pannilerput, iviksukallo kunorlerput, tungujoktakarungnairpok.

7 Tamanna pivlugo perkutit kattititatik torkortatiglo, arlutivait kôb ukpigataliub ungatânut.

8 Nippivaksuit tussaksauvut Moab erkâne illūnâne, âladlarput Eglaima tikkidlugo, âladlarput Beer-Elime tikkidlugo.

9 Imiksuit Dimoneme auliksôvut; Dimon anginersamut tikkitaurojomârpara sulle, loeve pititsomârpara Moabemit kemâjunut amiakôjunullo nuname.

KAP. XVI.

Ammalo Moabemut.

1 **NUNAB** aulatsijokotinganut tillikliutjititse saugârangnik Selamit kairtoliksoarmit Zionib panningata kakkanganut.

2 Tingmiatitullo niviortutitut, auktortamingnit kemâtitautitut taimailingajomârput Moabib panningit Arnonib ikârtorvingine.

3 Attanertuileritse, erkartuileritse; unnuarmut adsigêktiuk tachalinît uvlub ketterarningane; unangmijaujut ijertulaukit, kemâjullo okautiginagit.

4 Illingne inniksarsilit pikka, Moabiterit unangmijaujut saputikit asserorsaijomit! (tagva) unangmiklertox nungutaulerpok, asserorsainerlo sorairpok, aksorôdjijut përtauvut nunamit.

5 Saimanermulle iksivautaksoarmik âkiksajokaromârpok, kângane nellâgôrtomik iksivajokaromârpok Dâvidib iglungane, erkartuijomik, erkartuitsiarnermik attortomik, idluarsainermik sakkertitsijomik.

6 **Moabib** piojoridlarninganik tussaumavogut, piojoridlar-mat illa, pingijaininganiglo piojorininganiglo ningaumajärninga-niglo saegloninginiglo sullingitunik.

7 Tamanna pivlugo Moabemiut nangminitik äladlarutigi-jomârpait, illünamassiatik äladlaromârput. Kirrâresib tunga-vingit pivlugit anersaumijomârpose kappiasummarikluse.

8 Hesbonib perorsêvingit panersimavut, napârtub vaine-lik-sab Sibmamêtib akkerungit, tôrtut Jaeseremut, inukajui-tokut perorpalliajut naviksimavut nellojut angajokânginut, akkerungit siamartut imarbik ikkârlugo.

9 Tamanna pivlugo napârtok vainelik-sak Sibmamêtok ogguarutigijomavara, sôrlo Jaeserib ogguarutigingmago. Kug-vimnut mitsuktitsomavaptik, Hesbone Elealelo; kaggudlartut (sorsuktuksat) ittârmattik, kattersoivekartillugo paunganik kakkôjaksaniglo.

10 Serrinek kuviasungnerlo sorairpuk perorsêvingme, kak-kanelo vainelik-satalingne serrijokangilak nipliajokangilarlônêt. Vainemik tukkarniktokangilak iptêjaivingme, nipliadlarningat sorairtipara.

11 Tamanna pivlugo ômatiga Harfetut nipliavok Moabe pivlugo, illugalo Kirrâresse pivlugo.

12 Moabelo tagva sakkijâlerune kakkârulangne merngor-tortillune, tuksiariartorunelo kattimavingminut, sullijomângilak.

13 Tamadja okausek Nâlekab okauserijanga sivorngane Moabe pivlugo.

14 Mânale Nâlegak okausekarivok imâk okarlune: Jârit pingasut, kivgartortub jâringititut illingajut, nâkpatta, tagva Moabib ânanauninga miklilertitaujomârpok perkutingillo illâ-natik, ikkitoarsungniglo amiakokaromârpok unuktuniungitok.

KAP. XVII.

Damaskusemut Israêlemullo.

1 **TAMADJA** okausek inerterijutiksak Damaskusemut. — Ahâk, Damaskuse iglugasaksoakarungnairpok serkoma-kungordlune.

2 Aroërib iglugasaksoangit kemaktauvut, nergjutit katti-majut tagvane pissugomârput, akopijomârput agviartaunatik.

3 Efraimiblo iglugasaksoangit avaluksoalit Damaskusiblo attaniovinga nungutaujomârput, amiakôjullo Siriamе adsigi-jomârpât Israêlikkut nertornarningat, okarpok kilangmiuga-saksuit Nâlegangat.

4 **Tamanna** nelliutilerpat, Jákob nertornarninga mikki-jomârpok, uvingatalo kuinininga sallulertitaujomârpok.

5 Imailingajokaromârpok, sôrlo (illingajokarmat), kiblujub-iviksuit kattessorpagit tallingatalo sullugainerit kiblorpagit, sôrlo (illingajokarmat), kattessojokarpat sullugainernik kanganerlukunik Refait naternanganne.

6 Amiakokaromârpok, sôrlo (amiakokarmat) napârtome orksutalingme, kattaktitsijokartillugo ajaupiamut, paunganik mag-gungnik pingasuniglônêt pappingane, sittamanik tellimaniglônêt napârtub akkerungine, okarpok Nâlegak, Israëlîb 'Gûdinga.

7 Taipsomane inûb pingortitine tautugomârpâ, ijikitalo ivlernartitok Israëlîkkune takkonâromârpâk.

8 Tunerguservillo aggame sennajangit tautugungnairo-mârpait, takkonârungnairlugillo aggame sennajangit: Astar-tingoat kejuut napajullo sekinermut illingajut.

9 Taipsomane iglugasaksoangit pitsartuneliksuit illingajomârpuit kemaktaumajotut napârtolíksoarme, kakkârulang-nelo kemaktaumajotut, Israëlîkkut aggermatta; asserortau-jomârpullo.

10 Gûde piulijiksarijat puigorangne, kairtorlo sapudjau-viksarijat erkaumanginangne, perorsévingnik allianartunik senavotit, illijivigivlugit takkorngartat karngasûtinginik.

11 Uvlorme illijiviojome udjertuluaralloarpattit, uvlâkullo karngarsortatit perosiartipattit, kissianele kattersistlaro-mârpotit uvlorme kiksantartome, ânianartolingme okautau-jungnangitomik.

12 **Kaplianarmêk** nunakatigêt unuktovaksuit ukkoal-iktullijârput, sôrlo imarbik iktullijârmait, inuillo kaggudlar-ningat nipallâvok, sôrlo imaksuit nipallângmatta.

13 Illa imaksoatitut nipallâjutitut inugiaratoksuit nipallâvut Gûdible suangajomârpait; ungasiktomut kemâjomârpuit tagva-tiktaavlutik sanniktitut kakkat kângine, anoremuit (tiktau-saraitutitut), perktotut akunaksoarmut (aulataujotut).

14 Unnulerpat, ahâk, koaksârnartokarpok, kaulerkârtina-gole sakkijârungnaipok. Tamadja arktaiipta akkilertauningat asserorsartipta nerriugijaksangat.

KAP. XVIII.

Etiopiamut.

1 **KAPPIANARMEK** nuna ômajoktalíksoak esarolingnik Etiopîab kôksoangita ungatât.

2 Tagvangat imakut kivgartortunik tilliklerput umiaktor-
tunik iviksoangojunik imaksuit kângatigut. Illipse, tillijaujose,
tuavidlartose, ainiaritse nunakatigênut angijunut mingoarsi-
majunullo, nunakatigênut erksinartunut itsaksoarnit mânarut,
nunakatigênut aksorôdjijunut, asserorsaijunut, nunakartunut
kôksoaktalingme.

3 Sillaksoarmiôjose illûnase, nunakatigêktoselo illûnase,
saimasertokarpat kakkane, takkunârsiuk! tiptulausijartokar-
pat, tussarsiuik!

4 Nâlekab okarvigingmanga imâk: Kikkaromavunga iksi-
vantamnêdlungalo takkonâromavunga, sôrlo kiak (illingang-
mat) sekinerartillugo, sôrlo nuvujak mitsuksoaktalik (illi-
ngangmat) kattersoivingme kiaktalingme.

5 Kattersoivigle nelliuterkârtinago, nuvugulait innersimak-
patta nuvugulaillo paungangorpatta innilerlutiglo, tagva ak-
kerungit kiblortaujomârput savingnut, akkerungillo siamartut
nungutaujomârput pêtauvlutiglo.

6 Tamakkoa illûnatik kemaktauvlutik inniksaujomârput
tingmitjanut kakkânêtunut nergjutinullo nunamêtunut. Ting-
mitjat aujêvikaromârput tagvane, nergjutillo nunamêtut ok-
kêvikaromârput tagvane.

7 Tamanna nelliutilerpat, tunergutiksats kaitaujomârput
kilangmiugasaksuit Nâlegangannut: nunakatigêt angijut
mingoarsimajullo, nunakatigêt erksinartut itsaksoarnit mânâ-
mut, nunakatigêt aksorôdjijut asserorsaijut, nunakartut kôk-
soaktalingme — kilangmiugasaksuit Nâlegangata attingata
opigijauvianut, Zionib kakkanganut.

KAP. XIX.

Egiptenemut.

1 **TAMADJA** okausêk inerterijutiksak Egiptenemut. —
Ahâk, Nâlegak nuvujakut tuavitokut ingergaromârpok tik-
kidlunelo Egiptenemut. Gûdingoallo Egiptenemêtut sajugo-
mârput sângane, Egiptenemiullo ômatingit kakkillâromârput
illungine.

2 Egiptenemiullo sakkolitsomârpakka Egiptenemiôkatingi-
nut, sorsugomârpullo nelliât kattangutiminut nelliallo illannâ-
rijaminut, iglugasaksuit iglugasaksoarnut, attaniovik attanio-
vingmut.

3 Egiptenemiullo makseaningat pêromârpok illunginit, ka-
jusimaningillo nungutitsomavakka. Tagva Gûdingoat appertso-

romârpait nellautainerluktullo angakkullo pijomârtuksaniglo okasôngojut.

4 Egiptenemiullo pititsomavakka aulatsijut takkopsoajuitut agganginut, attanersoarlo sôngojok nâlegaksaujomârpok taipkonunga, taimak okarpok Nâlegak, kilangmiugasaksuit Nâlegangat.

5 Tessersoarnelo imekarungnairomârpok, kôksoarlo ipteriliklune niparomârpok.

6 Kôksuillo tippelugomârput, kôllo ipteriliklutik niparomârput, perortullo suvlolit iviksuillo kunorlersâromârput.

7 Naternat iviksukatalit kôngme, kôb sinânêtit nungutaujomârput, perorsijallo kôb sinânêtit kunorlersâromârput asserorlutik nunguvlutiglo.

8 Aulasartullo âlajomarput, illûnatiglo kargjusanik imânut pititsijut ogguaromârput, nulluaniglo illijivaktut imânut kiksaromârput.

9 Kangusuktitauijomârput uvineruksaijalerijut illaijartaumajunik annorâksaliortullo kakortanik.

10 Sukkarijangit serkomitaujomârput, akkiliutiksarsior-tullo illûnauk kiksaromârput.

11 Angajokajat Zoaneme sillaitôvut. Fâraulo ikkajortingita illisimadlartut attanertuiningat sillainarpok. Suvluse Fârao cœautijomavisiuk: Illisimajut kitorngarivânga, attanersuit sivorlit kinguvârivânga?

12 Illisimajokotitit nanêkât tagva? Tâpkoa kaujijautisilit tukkisilerlutiglo kilangmiugasaksuit Nâlegangata kajusimanginganik Egiptene pivlugo.

13 Angajokajat Zoanemêtit sillaitungortitauvut, angajokajat Nofemêtit uivêrijauvut, ingmikkôrtartut angajokângita Egiptenemiut tammartipait.

14 Issumanik tammarnartunik Nâlegak pititsivok illunginut, tagva Egiptemiunik tammartitsivut piniarningine tamaine, sôrlo tallatok kaibjaingmat, merialerangame.

15 Egiptenelo sullijaksakaromângilak niakublônêtit pamiublônêtit palmillônêtit iviksuillônêtit sullijaksanginik. (kap. 9, 14.)

16 Taipsomane Egiptenemiut arnatut illingajomârput, sajuklutik erksivlutiglo kilangmiugasaksuit Nâlegangata aggangit issamijut pivlugit, issangmagit taipkonunga.

17 Jûdablo nunanga Egiptenemiunut erksinaromârpok, illûnatik tamattominga erkailertut koaksâromârput kilangmiugasaksuit Nâlegangata kajusimanginga pivlugo, kajusimajutigijanga taipkonunga.

18 **Taipsomane** iglugasaksuit tellimat Egiptenemêtsomâr-

put Kanaanemiut okausinginik okauselit, kilangmiugasaksuillo Nālegangat angervigijomârpât. Illangit taijaujomârpût iglugasaksoarnik terlingnartunik.

19 Taipsomane tunerguservikaromârpok Nālekamut Egiptenib kerkane napajoksoakarlunelo nunab kiglingane Nālekamut.

20 Tamadja kilangmiugasaksuit Nālegangata nellunaikutanga kigligiutigijingalo Egipteneme, Nālegak nipliavigijomârmatsuk siornioritsijut pitjutigivlugit, tâmnalo tillikleromârmat piulijiksamik pitsartujomiglo taipkonunga, piulijomârlugit.

21 Nālegak Egiptenemiunut illitarijaujomârpok, Egiptenemiullo Nālegak illitarijomârpât taipsomane, kivgartoromarpållo (kaitsivigivlugo) pilliutiksaniik tunergutiksaniiglo, Nālegarlo angervigijomârpât angerutigijomajamingnik nāmaksivlugillo.

22 Nālekablo Egiptenemiut sugiaromârpait sugiarlugit inūlingmivlugillo; tâpkoalo sâgiaromârpût Nālekamut, tâpsomalo tussaromârpait inūlivlugillo.

23 Taipsomane apkosinersoakaromârpok Egiptenemit Assiriamut; Assiriamut tikkitsomârpût Egiptenemut Egiptenemiullo tikkitsomârpût Assiriamut; Egiptenemiullo Assiriamiuillo illagēklutik Gūde kivgartoromârpât.

24 Tagva Israēlitittauk illagijomârpait Egiptenemiullo Assiriamiuillo saimanaromârpullo nunab kerkane,

25 Kilangmiugasaksuit Nālegangata saimartitsomârmagit okautivlugillo: Saimartitauleritse illipse Egiptenemiōjose inukotikka, illipselo Assiriamiojose aggama senajangit, illipselo Israēliteojose kingormgutijakka.

KAP. XX.

Amma Egiptenemut Etiopiamullo.

1 **JAREME** taipsomane, Tartane Asdodemut tikkingmat, Sargonib Assiriamut attaningata tillingmago, Asdodemiullo unatadlarmagit sālavigivlugillo,

2 Taipsomane Nālegak okarpok Jesaiasekut, Amosib erningagut, imāk okarlune: Pōksajak pējariartoruk makkitingnit, ittigagutikiglo pēkik ittigangnit! — Taimailiorlunelo pissulerpok annorākarane ittigagutekaranelo.

3 Tagva Nālegak okarpok: Sōrlo kivgara Jesaiase anno-rākarane ittigagutekaranelo pissungmat jārit pingasut nāv-lugit, nellunaikutaksauvlune tattaminiarutiksauvlunelo Egiptenemut Etiopiamullo,

4 Taimak Assiriاميوت attaningata aulartitsomârpait Egip-tenemiut tigujauijut Etiopiamiullo aularkojaujut, inôsuktullo inutokaujullo, annorâkartinnagit ittigagutekartinnagillo, nullo lungit ussingatillugit, Egiptenemiut kangusûtigijaksangit.

5 Tagva koaksârlutik kangusûtigijomârpakit Etiopia tetti-gijatik Egiptenelo nertorutigijatik.

6 Okaromârpullo taipsomane sikjab tamattoma inungit: Takkuk, taimailingavut tettigijavut, kemâvigijavut ikkajor-taujomamut piulijaujomamullo Assiriاميوت attaningannit! Uva-gullo, kanok kemâjungnarkitâ?

KAP. XXI.

Bâbelemut Dâmamullo Arâbiamullo.

1 **TAMADJA** okausek inerterijutiksak (nunamut) inueru-tijomut kôksoarmêtomut. — Sôrlo akkunak ângat keaksung-mat, taimak pijokarpok inukajuitomit, nunamit erksinarto-lingmit.

2 Takkotitjumik sivoranartomik takkotitauvunga: Arktai-jok arktaivok, asserorsaijok asserorsaivok. Paungaleritse Ela-miôjose, illumasiuk Mêdiamiôjose! anersaumititsiningit tamaita sorairtitsomavakka.

3 Tamanna pivlugo okpatikka ânilakteradlarpuk, siornio-nermullo tikkitauvunga ernisuktotut, ânialuarnermut tussa-rungnairpunga, koaksâluarnermut takkonârungnairpunga.

4 Omatiga sajukpok, sivoranartomut koaksârtitauvunga. Unnuk kajungerijara (merngoerserviiksaungmat) kuksanalerpok uvamnut.

5 Nerrimârvingmik âkiksoivut, pigârput pigârvingme, ner-rivut imerlutiglo. Opalungaileritse angajokaujose, sappûlutak mingoarsiuk!

6 Nâlekab okautingmanga imâk: Pigârtuksakartitsijartu-lerit, nellunaijairkovlugo takkojaminik.

7 Tâpsomalo takkovait kattimgajoksuit horsine ablângajut, iglugêklutik ingergajut, siuterkortojuullo kattimajoksuit, kamê-lillo kattimajoksuit. Kamatsiarlunelo tussarasuarpok.

8 Nipliavorlo loevetut imâk: Nâlegara, nellipsartorving-mêtsainarpunga uvlok nâvlugo pigârvingmêdlungalo unnuat tamaita.

9 Ahâk tagga, aggerput kattimgajoksuit horsine ablângajut, iglugêklutik ingergajut. Kiovlunelo okarpok: Bâbele ochosi-

mavok, illa ochosimavok, (Gûdingoakctingillo illûnatik nakka-simavut nunamut.

10 Katjuktara, (sullugainernik) katjugvigijama pinga, tus-sartara kilangmiugasaksuit Nâlegangannit, Israëlib Gûdinga-nit okautigivara illipsingnut.

11 **Tamadja** okausek inerterijutiksak Dûmamut. — Sei-remiut nipliavigivânga: Pigârte, unnuak kanoelerkâ? Pigârte, unnuak kanoelerkâ?

12 Pigârtok okarpok: Kauleralloartillugo unnuangolerivok. Apersoijomagupse, apersoituinaritse; utteritse tikkingmivluselo.

13 **Tamadja** okausek inerterijutiksak Arâbiamut. — Arâ-biame napârtut akkornganne siniktartômajomârpose, Deda-nikkut ingergakatigêktose.

14 Imeruktut pagrearlugit imermik kaitsivigisigik, Têma-b nunangane nunakartose, kakkôjanik kaitsititse kemâjunut.

15 Saviksoomit kemângmatta, illa saviksoomit kênarik-tomit, pittiksemit nokarsimajomit, unatadlartomit angijomit.

16 Imâk okautingmanga Nâlekab: Jâre attausek, kivgar-tortub jâringatut illingajok nâlerpat, Kêdarib ânanauninga illûnane nungutaksauvok.

17 Pittiksertullo amiakôjut, Kêdarib pitsartujoksoakotingit, ikkitôjomârput; Nâlekab Israëlib Gûdingata tamanna okauti-gingmago.

KAP. XXII.

Jerusalem. Sêbnab erkartortauninganik, Eliâkib kairkojau-ninganik.

1 **TAMADJA** okausek inerterijutiksak naksamut takko-titauviojomut. — Suvisê, tamapse iglut kânginut majoarapse?

2 Pervaluktoliaksôjose, uimajârtunik iglugasaksoarmiokar-tose, serrijunik iglugasaksoarmiokartose! Tokotaumajut illip-singne saviksoamut tokotaungilat, unatadlarnikkullo toko-lungilat.

3 Angajokâse illûnatik kemâkatigêkput; pittiksekaratik tigujauvut; illûnatik illipsingne naipitaujut tigujauvut attaut-sekut, ungasiktomut kemâgalloaramik.

4 Taimaimat okarpunga: Takkonârniarasinga; illungertor-nermut keajomavunga; pinasuarniarase manigoromavlunga inu-kotima panningata nungutauninga pivlugo.

5 Uvlorme taipsomane aulajâdlartitsijokarmat asserorsai-jokarlunelo koaksârtitsijokarlunelo Nâlekamit, kilangmiuga-

saksuit Nălegangannit pijomik naksame takkotitauviojome. Avaloksuit nakkapait, nippekadlarput kakkanut.

6 Elame kargjokausijarpok, angutit kemmuksertut iksivajullo horsit kăngine illagivait. Kiriblo sappŭlutak sakkertipă.

7 Imaitsomărporlo: Naksakotitit anerimajut kammutingnik taetaetsomărput, horsillo kăngine iksivajut upkuaksuit săngine tangmărteromărput.

8 Tagva Jŭda tăludjărtaujomărpok, illipselo nelliutome taipsomane keviaromărpose sakkoksoarnut iglunĕtunut kejuťs-angojune. (1. Attan. 7, 2.)

9 Takkojomărpose, Dăvidib iglugasaksoangita avaloksoangine killakarmat unuktunik; tessiublo alliub imingit kôktitsomărpassse imektarvingmut.

10 Jerusalemib iglungit kittitsomărpassse, iglullo illangit serkomitsomărpassse, avaloksuit âkigomavlugit.

11 Kôgviksamiglo senajomărpose avaloksuit akkilerĕt akkornganne tessiub nutaungitub iminganut. Sullele kamagingilasse tamattominga sullijok, opigingilasse tamattominga si-vornagut piniartok.

12 Nelliutomelo taipsomane Nălegak, kilangmiugasaksuit Nălegangat kearkojijomărpok ogguarkojivlunelo, sallimajokarkojijomărpok pöksajaniglo annorăkartokarkojivlune.

13 Ahăgle, kувiasukput serrivlutiglo. Tuktuvait saukkallo tokopait, nerketorput vainetorlutiglo (imăglo okarput): Nerri-niarta imilutalo, kaupat tokojuksaugapta.

14 Kilangmiugasaksuillo Nălegangat nellonairpok siutimnut: Ahammarik idluitullinek tamanna issumagijaujungnairniatsengilak, tokorkărtinnase; taimak okarpok Nălegak, kilangmiugasaksuit Nălegangat.

15 Imăk okarpok Nălegak, kilangmiugasaksuit Nălegangat: Pimaklertomut tăpsomunga Sĕbnamik attelingmut, angajokau-nerôjomut ailerit (okautivlugolo):

16 Susiorkĕt tamăne? kikkunut illingavĕt, illuviksarnik tamăne senagavit, pektojome illuviksarnik senavlutit, innik-sarniglo âkiksoivlutit kairtome?

17 Takkuit, Nălekab egitsomărpătĭt, egillutit pitsartudlar-totut, immujomărpătĭllo immuvlutit.

18 Aksapalloarivlutit aksapalloatitsomărpătĭt aksaujatut nunatojomut. Taikane tokojuksauvotit, taikanĕtsomărpuľlo kammutitit pinarnartut, kangusŭtiksaujotit attanivit iglunganut.

19 Sullivingnit pingujaromărpagit innigijarnillo pĕjarlutit.

20 Taipsomane kivgara Eliăki, Hilkiab erninga, kairkojo-mărpara. (kap. 86, 3.)

21 Annorârijarnik attititsomârpara, tapserutigijarnik tapseruseromârpara, nâlegauvigijallo tunijomârpara agganginut, atâtaulervokovlugo Jerusalemiunut Jûdakkunullo.

22 Dâvidiblo iglungata pêrutânik illijijomârpunga tâpsoma tuigingnut, pallangairutjârsijomârporlo nelliata pallangairungnangitanganik, pallangairsijomârporlo nelliata pallangairutjârungnangitanganik.

23 Kikiaktullo katjugomârpara innemut aulatau Jungnangitomot, iksivantaksoangojomârporlo opinartok atâtame inukotinginut.

24 Tâpsomungalo nivingatitsomârpait pinarnartut tamaita atâtangata iglunganêtnut, kitorngarêt kinguvarello, illulekutillo mikkijut tamaita pôgutallo publaujallo tamaita aglât.

25 Kilangmiugasaksuit Nâlegangat okarpok: Taipsomane kikiak katjuktaumajok innemut aulatau Jungnangitomot pêromarpok, naviklunelo kattagomârpok, nivingartaujullo tâpsomunga përtanjomârput; Nâlegak taimak okarmat.

KAP. XXIII.

Tirusemut.

1 **TAMADJA** okausek inerterijutiksak Tirusemut. — Alaitse, umiaksuit Tarsiseliartose, (iglugasaksuit) asserortaungmatta, iglokarungnairmallo, taikungalo angerarviaksakatsengimat. Kittit nunangannit tamanna tussaumajomârpât.

2 Kikkertab inungit, nippangeritse; tâmna niuverniartut Sidonemit imarbiksiortut tikkiattarpât.

3 Tagvungalo imaksoakut neksarpait Siggoreme karngasortaumajut kôngmelo kattersortaumajut, nunakatigëllo niuverniarvigivât.

4 Kangusugit Sidone, imarbiksoak, illa iglugasaksuit sôngojut imarbingmêtnut okausekarmatta imâk: Singaijungnairpunga ernisugungnailarmalo, nukappitsat pairijungnairpakka niviarsiallo inugoi Jungnairlugit.

5 Egiptenemiut tamanna tussarunitsuk, tussartatik Tiruse pivlugo koaksârutigijomârpât.

6 Tarsisemut umiaktoritse; âlatitse kikkertarmiôjose.

7 Taimailingajuksauvisê, kuviasukpaktose (iglugasaksuit)? Tunganilijaumavut itsaksoarme, ittigangita aulartipait unga-siktomot, takkorngartautillugit.

8 Kina taimak issumakarkâ Tirusemut tunitjisôngojomot

niakôtenik? Niuverniartut tagvanêrut attaniovut, pissiniarpaktullo nertortauvut nuname.

9 Kilangmiugasaksuit Nâlegangat taimak issumakarpok, nertûtigijangit allianartut illûnaita nungutsomavlugit, nertortaujullo tamaita nuname nachogijautitsomavlugit.

10 Nunat ingergavigiuk, kôksoatut illingavlutit, igvit Tarsisib panninga, pitâtairpotit.

11 Aggane issakpait imarbingmut attanioviksiullo sajuktipait; Nâlegak perkojivok Kâna-ne pivlugo, iglugasaksoangit sôngojut nungutaurkovlugit.

12 Okarlunelo: Kuviasugungu, iirtuksauvotit, uigasuk nachona, ijok, Sidonib panninga; paragnailerit, Kitimullo aularit, tagvanelônêt merngoerserviksakangilatit.

13 Kaldêarit nunangat kemergoleruk, — inugialungigalloarput tagvane. Assurib nunakartipait inuerutijomik — taipkoale nuvgusersoamingnik napârtitsivut, igluksoangit asserorlugit serkomimmariklugit.

14 Alatitse, uniaksuit Tarsiseliartose, iglugasaksoakotise sôngojut asserortaungmatta.

15 Taimangat Tiruse puigortaujomârpok jârit 70 it nâvlugit, attaniub attautsib jâringit nâvlugit. Jârille 70 it nâkpatta, Tiruse pivlugo okartokaromârpok, sôrlo okartokarmat tuksiaralauseme anguniarpaktok pivlugo:

16 Kelluiarak tigulauruk, iglugasaksoarnut ailerit, anguniarpaktotit puigortaumajotit! Nokakseraggit attutsiarlugit pît, imgitsiarit, erkaumajaujomavlutit!

17 Jârillo 70 it nâkpatta, Nâlekab Tiruse nellipsaromârpâ, piksarsiorungnarkovlugo, amma nutâmik niuverniarkovlugolo attaniviksoarnut nunamêrutut tamaimut.

18 Niuviangille piksarsiangillo tunergutaujomârput Nâlekamut: kematullivingmut illijaujomângilat torkortaunatiglo, Nâlekable sângane inôjut pijomârput niuvianginik, nerkiksarkovlugit nâmaktomik annorâtsiakarkovlugillo.

(Hesek. 26. 27. 28.)

KAP. XXIV.

Jâdamut sillaksoarmullo.

1 **AHAK**, Nâlekab nuna piksairutivlugo asserorpâ, kânga mumiklugo inungillo siamartillugit.

2 Illûnatiglo adsigemik illingajomârput: inuillo ajokertuijullo, kivgarlo nâlegangalo, arnak kivgaujok kivgartorvigi-

jangalo arnak, pissiniartorlo niuvoniartelo, attartortitsiorlo attartortorlo, akkiliksakarviojorlo akkiliksakartorlo.

3 Nuna piksairutijaujomârpok pêjaiviojomârlunelo, Nâlekab tamanna okautigingmago.

4 Nuna kappiasuklune asserolerpok, sillaksoak tokolerlune asserolerpok, attanionersat nunakatigêt akkornganne tokolerput.

5 Nunalo ivsornarsivok inungme attanne, perkojat nâlelungimagit, inatsinerit tappagingmagit, angersimanerlo sokkosijuitok kamagijungnairlugo.

6 Taimaimat ominautiksab nuna nungutipâ, inungillo pidlartauniksamingnik attorput. Taimaimat nunab inungit ikkitaŭvut, inuillo amiakojut ikkitôlerput.

7 Vaine nutak sakkijârungnairpok, vaineliksarlo kunorlerpok, illûnatiglo serrivaktut anersaumilerput.

8 Killautilit kувiasungningat sorairpok, iggiakomijartunik pervaluktokarungnairpok, kellularalit kувiasungningat sorairpok.

9 Vainetortokangilak ingertunik, imiksarlo tallanartok mamaigijauvok tamattominga imertunut.

10 Iglugasaksuit inuerutijut asserorput, iglut illûnatik parngnanairsimavut ittertunut.

11 Vaine ogguarutigivât iglut akkornganne, kuvianartullo illûnatik pêjarsimavut, nunab allianarningit illûnatik nungutaumavut.

12 Asserorsimajuinarnik amiakokarpok iglugasaksoarne itterviksoangillo serkomitaŭvut suksaujungnairlutik.

13 Nuname nunakatigêllo akkornganne pijokaromârpok, sôrlo pijokarmat napærtut orksutalit paungaijartauvianne, sôrlolo pijokarmat nunivagvingme vaineliksat paungangita kingoringinik.

14 **Tâpkoale** nippitik tussaksautitsomârpait nertordleromârlutiglo, Nâlekab pitsartujoksôninga pitjutigivlugo, imarbiksûb kiglinganit iggiakomijaromârput.

15 Taimaimat Nâlegak nertorsiuk, kangiane nunakartose; Nâlekab Israêlib Gûdingata attinga nake, imarbiksûb kikkertanginêtose.

16 Nertordlerutiksani tussarpogut nunaksûb kiglinganit: Idluartotôjok opigijaule! Uvanga! Uvanga! Uvanga! Aijai, aijai! kappianarmêk uvanga! Terliarsijut terliarsivut, terliarsijut terliarsivut angiluartomik.

17 Erksinartub ittersâlublo nigablo tikkilise, nunakatigêktose!

18 Imaitsomärporlo: Nelliät erksinartomik serkorpalluktomik kemägalloarune, kattaktuksauvok ittersälungmut; nelliät ittersälungmit kakigalloarune, nigamut pijaujomärpok, igalät kotsiktomētut angmarmatta nunaksüblo tungavingit auladlarmatta.

19 Nuna serkomipok, nuna koplörpok, nuna sajukpilukpok.

20 Nuna majangadlarpok tallatotut, aulajärpok kängat-taujarviktut, idluitulliningita nënermatsuk, ochojuksauvok makkitsungnarane.

21 Taipsothane Nälekaš pidlariartoromärpait kotsiktub kattimgajoksoangit kotsiktomētut nunaksüblo attanersoangit nunamētut.

22 Kattititaujomärpullo keppisimavlutik. pititauvlutik ittersälungmut, parngnanairsortauvlutiglo parngnanairsima-vingmut, uvlullo unuktut kangerkärtillugit pidlartaujomärput.

23 Takkerlo kangusugomärpok, sekinerlo kattagomärpok, kilangmiugasaksuit Nälegangat attanersoangongmat Zionib kakkangane Jerusalemelo, angajokängortitangitalo ānanau-nersoangat takkuksaulermat.

KAP. XXV.

Kujalitiksaniš.

1 **NALEGAK**, Gudigivagit, nakorivagit; attit nertorpara, tattamnartulligavit, kajusimanitit itsaksoarnit nellägorämatä miksekärtövlutiglo.

2 Iglugasaksuit illingatipattit ujaraktitut sittörtovinertitut, iglugasaksuit sōngojut serkomakungortillugit, takkorngartallo igloksoangat iglugasaksoakarungnairtillugo, igluliortokartailivlugo issokangitomot.

3 Tamanna pivlugo nunakatigéksuit pitsartudlartut opigivâtit, nellojut erksinartut iglugasaksoangita šivoragivâtit.

4 Igvit sangētut pitsartutigivâtit, ajoksartut sapputjauvigivâtit kappianartokalerangat, kemävigivâtit sillarnerlukpat, tachalinerivâtit kiakarpat, attanionerdluktut kanningaumajärningat akkunaksoatut karmaksoamut akkingmiktotut illingangmat.

5 Takkorngartat kanningaumajärningat šorairtipat, kiaktut illingatillugo nuname pannertome; šörlo kiak ikpiginarungnairtitaungmat nuvujab tachanganut, taimak attanionerdluktut imgerutingit šalakarsitit tussaksaujungnairtitauvut.

6 **Kilangmiugasaksuillo** Nälegangat äkiksoijomârpok kakkame tamattomane nerrimârviksoamik orksulingmik nuna-katigéksoarnut tamainut, nerrimârviksoamik vainelingmik issungitotomik, orksulingmiglo pattermik vainelingmiglo issungitotomik sannêjarsimajomik.

7 Pêjaromârpâlo kakkame tamattomane tâlutak, nunakati-gêksuit illûnamassiatik tâlutarijangat, ulliglo, nellojut illûnamassiatik ulligijangat.

8 Toko nungutitsomârpâ issokangitotomut. Nâlekablo Gûdib allarteromârpait kugvit kêarnit tamainit, inukotimelo nachonautingat pêjaromârpâ nunane tamaine, Nâlegak taimak okarmat.

9 Taipsomane okartokaromârpok: Ahâk, tâмна Gûdigi-vavut, tâмна nerrugivavut, tâpsomalo piulivâtigut; tamnavok Nâlegak nerrugijavut; kувiasukluta iggiakomijarta piuliklernaingâ pivlugo!

10 NâleKab aggangit kakkamik mattominga tupvekaromârpait. Moabele tukkartaujomârpok attânut, sôrlo ivivinit tukkartauvangmatta annarvingmut.

11 Tagva aggane issagomârpait, sôrlo puibjorartub aggane issagmagit puibjoraromamut, Nâlekable pimmariutertok kivitisa ârpâ aggangillo pikkablajut.

1. Avaluksoapse nuvgusersoangillo poktojut ochotitso-mârpait nakigitillugit kattaktillugillo nunab ivjunganut.

KAP. XXVI.

Kujalitiksunik. Makkiviksamik.

1 **TAIPSOMANE** ingertokaromârpok ingerusermik imaitomik Jûdab nunangane: Iglugasaksoakarpogut aulajungnangitunik, avalungit sappûlutangillo piulijauviksauvut.

2 Upkuaksuit angmarsigik. nunakatigêt idluarsijut, nellâgôrnermik ivlersijut itterungnarkovlugit.

3 Omat aulajungnangertok ullapirsautekartipat aulangitotomik. tettigingmattit.

4 Nâlegak tettigisiuk soraijuidluse, Gûde Nâlegak kairtôngmat aulangitok issokangitotomut.

5 Kotsingnerme nunakartut piojorijungnairtipait iglugasaksuillo poktojut nakigitipait, nakigitillugit nunamut, ochotitlugit ivjomut.

6 Ittikkanut tullertauvut, illa aklajut ittiganginut, ajuler-tut ittiganginut.

7 Idluartuble apkutâ nellâgôrtotôvok, idluartub apkosi-ninga idluarsitipat.

8 Illa, Nâlegak, erkartuijatoralloaruvit, nerringivaptigit; atternut erkaumajauviksarnullo tarnivut kajungerpok.

9 Omatipkut killanârvigivagit unnuame, taimaktauk aner-nipkut illumnêtokut kêmitigvigivagit. Erkartuijuturaokojatit attulerangatta nuname, tagva nunaksoarmiut idluarnermik illiniarput.

10 Idluitut nâpkigijauvekaralloarunik, idluarnermik illi-nialungilat, idluitullivulle nellangaingitub nunangane Nâle-kab ânanauninga takkunginamitsuk.

11 Nâlegak, aggatit kotsingmatta, takkungilait; takkojo-mârpulle illungertornernik inukotitit pivlugit kangusuktitaav-lutiglo; illa ikkomamut ômigijitit nungutanjomârput.

12 Uvaptिंगnulle ullapirsauunik pititsijomârpotit, Nâlegak, sullijavullônêt tamaita tunigangne uvaptिंगnut.

13 Nâlegak Gûdivut attanerit assitit attanerigalloarpavut, illikkut kissiane attit erkaumavavut.

14 Tokungajut inôjungnaimmarikput, timekarungnairtut makkitsengilat, igvit pidlarangne nungutillugillo, erkaumajan-jutingallo pëjarlugo.

15 Inukotitille unuksitipattit, Nâlegak, inukotitit unuksiti-pattit nâleugnarsivlutit, nunab issungit tamaita aglisitipattit.

16 Nâlegak, kappianartokalerangat, kennerpât; sugiale-rangangne, anersauminikut nipliavigivât.

17 Sôrlo singaijok, ernisukkune, kappiasulermat âniadlar-nermigullo nipliadlarmat, taimailingavogut kênavit sângane, Nâlegak.

18 Singaigapta, kappiasugapta ernivogut publainarnik sôrlo; nuna piulivlugo ajorpavut, nunaksûblo inuksangit er-niangolungilat.

19 Tokungajokotitille ômaromârput, timivut anernangertut makkitsomârput. Tuppaleritse nertordlerluselo, ivjorniôjose! mitsuksoak illingnut (pijok) mitsuksoangongmat inûlinartok. nuna tokungajunik sakkertitsijuksaugivok.

20 Inukotikka, aileritse innipsingnut upkuarlo parngna-nairlugo kingunapsigut anikitoarsungmik ijeriartoritse, ningau-majârnek sorairsiarivlugo.

21 Ahâgle, Nâlegak inniminit annijomârpok, nunaksûb inungit pidlariartorlugit kassëningit pivlugit; nunablo auk ingminut kovijaumajok sakkertitsomârpâ, tokotaumajullo ing-mine niparungnairtillugit.

KAP. XXVII.

Nellojut pidlartauvut, Israêlikkut uttertitauvut.

1 **TAIPSOMANE** Nâlekab pidlariartoromârpak leviâta, kuglugiaksoangojok sukkalidlartok, leviâtalo, kuglugiaksoangojok niungajoksoak, saviksoarmigut sittijokut, angijokut, sôngojokut, tokotsomârpâlo imarbiub ômajôâluna.

2 Taipsomane imgeritse perorsêvik vaineliksatalik kuviartok pitjutigivlugo: (kap. 5, 1.)

3 Uvanga Nâlegaujunga udjertorpara, mitsuktitsainarpara, sujuktitsijokarkonago uvlokarninganelo unnuakarninganelo udjertorpara.

4 Ningarnekk illuminêngilak. Ukpigait perornerdluktullo kakkilautiggitt akkerartulinga! Sorsuklugit tikkitsomârpakka, illûnaita ikkillugit.

5 Sapputjauviginasualingalônêt, ullapirsautekakatigivlungalo, illa ullapirsautekakatigivlunga!

6 Uvlune pijomârtune Jâko amâkaleromârpok Israêlelo perortuksakalerlune siggileromârpok, nunaksûb kânga perortunik ullipkillugo.

7 (Gûdib) taipkoa (Israêlikkut) sugiarkagit, sôrlo sugiartingit sugiaramigit? ubvalo taipkoa tokotauvât sôrlo tokor-kojingit tokongmagit?

8 Nâmatuinartomik pidlarpattit taipsomane, avigavit taipkonangat. Nuktipait anorersoarmut, uarngnartillugo.

9 Taimaimat Jâkob idluitoksôningit tamattomûnaluaatsiak mattujauvut, tamadjalo ajortoerutijauningata malliktingit, tunerguservit ujaraktangit tamaita illingatitsomârmagit ujar-katitut serkalimajutitut, Astartingoallo napajullo sexinermut tagvanêtsungnairtillugit.

10 Iglugasaksuit sôngojoksuit kisserngortauleromârpuk, iglutsiangillo kamagijaujungnairlutik kemadlartaujomârpuk inukajuitotut; tagvane nochait iviksukatoromârpuk, akopivlutiglo tagvane ukpiganik nerrijomârpuk.

11 Akkerkut pannilerunik navigomârpuk, arnallo pijartorlugit ikkomaksarivait, nunakatigêt tâpkoa sillaitovaksôngmatta. Taimaimat senajingata nâpkigijungnangilait pingortitingatalo ajungitullivigivlugit ajorpait.

12 Taipsomane Nâlegak katjugomârpok sullugainernik kôksûb kiglinganit Egiptenib kôksonga tikkidlugi; illipselo, Israêlikkut, nellekârluse kattititaujomârpose.

13 Taipsomane tiptulaut angijok attortaujomârpok, tagva assioma jut Assurib nunanganê tut tikkitsomârput ajaktortau-majullo Egiptenib nunanganê tut, Nâlegario tuksiarvigijartoro-mârpât kakkame ivsornaitome Jerusaleme.

KAP. XXVIII.

Israëlikkut Jûdakkullo inertertaurut.

1 **KAPPIANARMEK** Efraimikkut tallatut niakôtingat ânanaudlartok, nuvugulângat kunorlertok, ânanaudlartok allianartorlo, naksab perorsijaktaliub kollânê tok, vainemut tallaitaujut pingat!

2 Ahâk, pitsartujok sôngojo rlo Nâle kab pijigivâ; akkunaksoatut nettarkonnaliksoatut, akkunaksoatut asserorsai jotut, sillaluksoatut imersoarnik kattaktitsijotut illiorlune nunamut ochotitsomârpait.

3 Efraimikkut tallatut niakôtingat ânanaudlartok ittikkanut tullertaujomârpok.

4 Nuvugulângallo kunorlertok, ânanaudlartok allianartorlo, naksab perorsijaktaliub kollânê tok faigetut-itsomârpok innisara itotut kattersoi viub sivorngane; takkojartortub taimna takkovâ, tigumiarlugolo nerrivâ tagvainak.

5 Taipsomane kilangningasaksuit Nâlegangat niakôtitut pinarnartoksô jotut kaurutitullo ânanaudlartotut illingajomârpok inukotime amiakunginut.

6 Anerniojomârporlo idluarsai jok erkartuivingme iksivajomut, unatadlartuniglo uttertitsijut iglugasaksuit itterviannut pitsartutigijomârpât.

7 Ukkoaletauk (Jûdakkut) vainetornermut tallatitauvut, imiksamullo tallanartomut kaibjaititauvut. Ajokertuijullo nellautaijullo imiksamut tallanartomut tallatitauvut, vainetornermullo sâlagijauvut, imiksamullo tallanartomut kaibjaititauvut; takkotitjutinik tautuktitanvutik tallaput, erkartuivingmêdlutik kaibjai vut.

8 Sângit illûnatik salumaiput meriartunut, inniksakangilak salumajomik.

9 Kikkut ajokertoromavagit illitarksinermik? Kikkut tukkisititsomavagit ajokertûtsemik? ipkoa sungiusimajungnairtut inungmik amâmagungnairtullo?

10 Imâk okarmatta: Perkojak ammalo perkojak, perkojak ammalo perkojak; malligaksak ammalo malligaksak, malligaksak ammalo maligaksak; kêtatuinak ammalo kêtatuinak.

11 Illa kutarkôrtub okausinginik okamiglo assianik (attor-lune) nunakatigêt tâpkoa okarvigijomârpait okaudjaujut imâk:

12 Tamadja merngoerserviksak, merngortudlartut merngoersilit. Tamadja nekoksijauviksak. — Tamakkoningale tussaromangilat.

13 Taimaimat Nâlekab okausinginik imaitunik tussartuk-saugivuttauk: Perkojak ammalo perkojak, perkojak ammalo perkojak; malligaksak ammalo malligaksak, malligaksak ammalo malligaksak; kêtatuinak ammalo kêtatuinak — imaing-mat: aulartuksavut niverlutiglo asserorlutiglo nigartauvlutiglo pijauvlutiglo.

14 **Tamanna pivlugo** Nâlekab okausingit tussarsigik mâna illipse mittautekartose, attaniojose nunakatigênut tâp-konunga Jerusalemêtnut.

15 Imâk okarapse: Toko angekatigivavut kappianartoviglo issumakatigivavut; issakautiksoak nungutsijok aulajâ-ralloarpat, pijauniangilagut, saeglonek kemâvigigaptigo, uivêrik-lernek sappudjauvigigaptigo.

16 Tamanna pivlugo Nâlegak Gûde okarpok: Abâk, ujar-kamik tunganartovingmik illijivunga Zioneme, ôktûtiksaujomik, iglub terrekuksanganik pivianartomik, tungavingmik aulajuitomik, nelliallo okpertok kemâjariakaromângilak. (I. Petr. 2, 6.)

17 Erkartuitsiarnek torautigivlugolo idluarnek oktûtigijomavara; tagva nettarkonnâluit pêjaromârpât saeglonek kemâviojok, imaksoarnullo sapputjauvik saptaujomârpok.

18 Angekatekarnise tokomik nungutaujomârpok, issumakatekarnise kappianartovingmik suksaujungnairomârpok. Issakautiksoak nungutsijok aulajârpât, nungutaujomârpose tamattomunga.

19 Aulajâlerangat, pijaujomârpose tamât, kaut tamât aulajâromârmât uvlôtillugo unnuangotillugolo; okautsillo tamakkoa tussarlugit kuksanadlarpok.

20 Sinnigvik mikkiluarmat inungmut nellajomut, kebbiglo nailuarmat inuk nllitsiarlugo.

21 Nâlegak oppalungairomârmât, sôrlo taipsomane kakame Parâtsime, ningaumajâromârporlo, sôrlo taipsomane Gibeonib naternangane, sullijaksane piniarlugo, sullijaksak takkorngartak, pijaksanelo piniarlugo, pijaksak tussarngartak. (2. Samuel. 5, 20. Josua 10, 10.)

22 Taimaimat mâna mittautiksakarungnairitse, kellarutigijase sugaluluarkonagit, nungutsiviksoak kajusimajutaujok tussaumagapko Nâlekamit, kilangmiugasaksuit Nâlegangannit sillaksoarmut illûnânut pijomârtuksak.

23 **Slutekaleritse** nippiga tussarniarlugo, kamatsialeritse okausikka tussarniarlugit.

24 Perorsêvilerijok poagijatsainarkâ karngasoivigijaksami-nik, ivjunga âkitsainarlugo niksikatautitut maniksautinullo?

25 Imaingilak? Kânga maniksalerêruniuk karngasoivok tillenik kimeleniglo siamangatitsivlune, illijivlunelo vait-senik ingmigut gêstaniglo inniksangammut sapeltaniglo (peror-sêviub) sinninginut.

26 Tagva illûnaita nâmaktoimik piniarvigivait, ajokertor-tangame Gûdiminut.

27 Tillit kammutinut paungaijartaungilat, taimaktauk ki-melit paungaijartaunginivut aksalloamut, kautamulle kissiane tillit katjuktavut kimelillo kautârsungmut.

28 Kakkôjaksat tullertaugalloorput, kissianele soraijuito-mik tullertaunginivut; kammutinut aksalloalingnut horsinullo kângagôrviogalloorlutik serkalijaummarilungilat.

29 Tamannatauk pivok kilangmingasaksuit Nâlegangannit. Kajusimaninga tattammarpok, illisimaningalo inornarpok.

KAP. XXIX.

Jerusalem.

1 **KAPPIANARMEK** Ariële. Ariële (imaipok: Gûdib loe-vekotinga), iglugasaksuit, Dâvidib tangmârvigijanga! Jâre illakartisiuk jaremik, uvloksiorviksase nelliutingmilit;

2 Tagva Ariële kappiasuktitsomârpara kiksartillugo sior-niortillugolo, sullele Ariêletut-ituksavok uvammut.

3 Akkerartorlutit tangmâromârpunga avatingne, illumajaurkojomârpagit sorsuktuksanut tallutsoalioromârlungalo illingnut.

4 Tagva piojorijungnairtitaavlutit nunab illuanit sôrlo okaromârpotit, ivjomillo sôrlo okautsitit tussaksaujomârput; nippit timekarungnairtub nippingatut, ivjomit pijotut illingajomârpok, okautsillo ivjomit nipjaromârput.

5 Omigijiville unurningit pujortut-itsomârput, attanersuillo unurningit saniktitut-itsomârput tiktausaraitutitut; taimaili-ngatitaujomârpullo tagvainak. tagvainammarik.

6 Kilangmiugasaksuit Nâlegangata (Jerusaleme) tikkitso-mârpâ kallidlartillugo, nuna sajukpiluktillugo, serkorpalktil-lugo, anorersoakartillugo akkunaksoamiglo ikkomaksoamiglo nungutsijomik.

7 Sôrlo sinnaktômanek, takkotitjut unnuame illingangmat, taimailingajomârput nellojut illûnatik Ariêlib sorsugvigijingita unurningit illûnatiglo unatadlartut tâpsomunga, tallutsoalior-tullo kappiasuktitsijullo tâpsominga.

8 Sôrlo kâktok, nerrivlune sinnaktomajok, tuppakunele tarninga kâdlarpok sulle; sôrlo imeruktok, imerlune sinnaktomajok. tuppakunele sangêdlune tarninga kêlerpok sulle, taimailingajomârput nellojut unurningit Zionib kakkanganut sorsugiartut.

9 **Nokkangavluselo** tattaminiairitse, ijise takpêtikisigik tautugungnairluselo. Tallaput vainele pitjutiginago, kaibjai-vut imiksarle tallanartok pitjutiginago.

10 Nâlekab anernek sinningnartok kovingmago illipsingnut, ijeselo (tagva:) nellautaijut mat.ulugit niakoselo (tagva:) takkotitjutekartut ulliklugit.

11 Takkotitjutillo illûnatik illingajuksauvut illipsingnut aglait nakitjusertaumajut okausingititut. Tamakkoa tunijaukpatta aglangnik atuarsijungnartomut, okautivlugo imâk: Omat, tamakkoninga atuarsilaurit! — tagva okalerpok: Sapperpakka, nakitjusertaumangmatta.

12 Imâglônêt: Aglait tunijaukpatta aglangnik atuarsijungnangitomot, okautivlugo imâk: Omât, tamakkoninga atuarsilaurit! — tagva okalerpok: Aglangnik atuarsijungnangitunga.

13 Nâlegarlo okarpok: Imâk pivlugo: nunakatigêt tâpkoa kanermikkut najormanga, kangasinâmikkullo opigingmanga, ômatingille ungasiktillugit uvamnit, erksigingmangalo inutuinait perkojangit illiniartatik malligaksarivlugit,

14 Tamanna pivlugo mânमित nunakatigêt tâpkoa tattamnartomik piniarvigijomârpakka, illa tattamnartomik; sillatujokotingita sillatuningat assiojomârpok, illisimajokotingitalo illisimaningat sakkerungnairomârpok.

15 **Kappianarmêk** angigutsinasuartut kajusimanerningnik Nâlekamut piniarnermingniglo sakkertitsilungitut okarlutiglo: Kia takkovâtigut? kialo illitarivâtigut?

16 Aijai, sillaidlartose! Machak adsigêktitaksauvâ machaliortemut? Senajaujok senajine pivlugo okartuksauvâ: senalungilânga? Macharlo machaliorte pivlugo okartuksauvâ: illisimangilak?

17 Mânakassakut Libanone perorsêviksangortitaulârpok, perorsêviksarlo napârtoliksoatut illingatitaulârpok.

18 Taipsomane tussângitut aglait okausingit tussaromârpait, tautungitullo ijingit târmit tâktomillo tautugomârput.

19 Ajulertullo kувiasûtekaromârput Nâlekame, aklujullo inuit akkornganne serridlaromârput ivlernartitome Israëlikkune,

20 Attanionerdluktut nungutaukpatta, mittautekartokarungnairpallo, piungitullijullo illûnatik pêjarsimakpatta,

21 Inungnik passiklertut idluiluktomik okauseuinak pivlugo, inerterijunik kaggimiovingme tammartitsijut, idluartomik asseroijut pitjutekaratik.

22 Taimaimat Nâlegak, Abraham piulijinga, okarpok Jâkokkunut imâk: Jâko kangusuktuksaungilak mâna, kênangalo mâna kattaktuksaunginivok.

23 Kitorngangitale takkogunigit akkunermingne aggama senajangit, tagva attera ivlerijomârpât, ivlernartitorlo Jâkokkune ivlerijomârpât, Israëliblo Gûdinga sivoragijomârpât.

24 Tagvalo sillatuleromârput anernermikku: tammartut, akkerartortullo ajokertûtsemik nâlegomârput.

KAP. XXX.

Gûde kissiut tettigivlugo pijuksauniptingnik.

1 **KAPPIANARMEK** kitorngat tappatojoksuit, okarpok Nâlegak, kajusilertut uvanga kamaginanga, anerneralo kamaginago serngunigijiksarsiorut, idluitunik kalleréktitsivlutik.

2 Egiptenemut attâkertut, kanera appersorkârnago, Faraub pitsartuninga pitsartutigijomavlugi, Egipteniblo tachalininganut kemâjomavlutik

3 Kissianele Faraub pitsartuninga kangusûtiksaujomârpok illipsingnut, kemâniselo Egiptenib tachalininganut mittautiksaujomârpok. (kap. 36, 6.)

4 Angajokângit Zoanemêgalloarput, tillijangillo Hanêsemut tikkisinagalloorput,

5 Illûnatigle kangusûtigijomârpait nunakatigêt taipkoa, attornalungimatta ikajoratiglo suksaunatiglo, kangusûtiksaugmatta nachogijaunarlugit.

6 **Tamadja** okausek inerterijutiksak ômajunut ânêtunut. — Nunakut kappianartokut siorniornartokullo, loevit arnait loevillo angutit, kuglugiarâluillo kuglugiallo kassilinarut sukka-lidartullo nunagijangatigut akjartorpait perkutitik, illivlugit sinterkortojuut nohait kemerdlunginut, perkutitiglo ivlernartut, ilivlugit kamêlit kemerdlunginut, nunakatigêt idluakutigi-niangitatik aivigivlugit.

7 Egiptenible ikajorninga suksaunane sokotaungimat, taimaimat okarpunga taimna pivlugo imäk: Pimmariutertok kikkartok.

8 Ailerit tagva, aglagvingmut aglaklugo sângine, pitillugolo aglangnut, illingarkovlugo uvluksat kingorlerpängannut, issokangitomot aglät,

9 Nunakatigêt täpkoa tappatojoksângmatta, kitorngauvlutiglo saeglojoksöjut, kitorngauvlutiglo tussaromangitut Nälekab perkojanginik.

10 Takkotitjutekartunut imäk okartut: Takkojuksaungilase! — pijomärtuksaniglo okartunut imäk: Okartuksaungilase uvaptingnut pijomärtuksanik nellâgôrluse. Okarvigigitut manigernartunik, uivêrinartunik pijomärtuksanik okaritse uvaptingnut.

11 Apkomit pêritse apkosinermillo sangutitse; ivlernartitok Israêlikkune pèrsiuk kênapta sângannit.

12 Taimaimat ivlernartitok Israêlikkune okarpok imäk: Okausikka nachogigapsigik, idluiluktomiglo piungitomiglo tettiksakarapse sungertütiksakarluselo,

13 Taimaimat idluitullinek tamanna illingajomârpok illip-singnut, sôrlo koppak nakkalertok, karmarsoarme poktojome sakkijälertok; täpsoma asserorviksanga nelliutiliakivok tagvainak.

14 Asserortaujomârporlo, sôrlo machatsiak serkomitaungmat serkalijauvlune ivlerijaujungnairlune; serkomakungitalo akkoringanne nagvartaujokangilak machavinermik ikkomaitütiksamik igavingmit kallutiksamiglônêt imektarvingmit.

15 Imâgle Nälegak Gûde ivlernartitok Israêlikkune okarmat: Utterluse utakkikupse, piulijaunajarpose, uimajârungnairluse tettekarupse, pitsartunekarajarpose. Kissianele pijomangilase.

16 Okausekarposelo: Aukak, horsit attorlugit kemâlaukta! tamanna pivlugo kemâjuksauvose. Ammalo: Kamêlelijarta pangaliktnik! tamanna pivlugo unangmijise pangaligomârput.

17 Tausendiovuse kemâjomârpose attausênaub suanganingnit, illa tellimat suanganinginit illünase kemâjomârpose, amiakuse illingatillugit napârutatut kakkab kânganêtotut, saimaserviktut kakkârulab kanganêtotut.

18 Taimaimat Nälegak utakkijomârpok saimarvigijomav-luse, kannitsomângilak nâpkigijomav-luse, Nälegak Gûdeongmat erkartuijok. Pillorikput illünatik täpsominga nerriuktut.

19 Illipse, Zionib inungit, Jerusaleme iglokartose, kea-

jungnairitse! Niplialerupse näpkigilarpāse, akkiolārpāse mānakut, tussarunise.

20 Nālekab tunidsivigijomāralloarpāse kakkôjamik kappiasūtaujomik, imermiglo siorniorutaujomik, ajokertortitille ijero-māngilat kingorngane, ijikpit ajokertortitit takkojomārpait.

21 Siutikiglo tussaromārpuk okausekartomik tunnungnit imāk: Apkutiksak tagga; tāmna attorsiuk! — tallerpiata tungānut saumiatalōnēt tungānut pilerangapse.

22 Gūdingoat silbereojut senajapse amingit Gūdingoallo goldeojut senajapse annorāngit sujuktitsomārpasse ēgillugillo aktarlukutitut okarvigivlugillo: Pēritse!

23 Tagva sillalungmik pititsijomārpok karngasūtinut karngasortarnut perorsēvingmut nerkiksakartitsivlunelo perorsēviub perortunginik nekoksinarunik ānanāniglo; taipsomane nergjutekotitit nerrinasugomārpūt iviksukatalingme angidlartome.

24 Tuktuvait siuterkortojullo ivjomik makpiteraijut nerkiksanik tarrērtitaumajunik nerrijomārpūt, sujungaititaumajunik poagitemut pōgutaujārtomullo.

25 Kakkanelo poktojune tamaine kakkārulangnelo angijune tamaine kōkaromārpok imekadlartunik unatadlarnarub angijovaksūb nelliuningane, nuvgusersuit ocholerpatta.

26 Takkiblo kaumaninga sekinerub kaumaningatut-itso-mārpok, sekinerublo kaumaninga sibaulijomārpok, uvlut sibat kaumaningatut taipsomane, Nālekab inukotime killingit mangipsertoromārpagit inūlijomārlaitalo ikkingit.

27 **Ahāk**, Nālekab attinga kaningitomit aggerpok, ningausinga ikkoalayok ikkoalaningalo aktornarpok, kangasināgik kanningajārnermik pitalik, okangalo ikkomatut-ipok nungutitsijotut.

28 Anerningalo kōksoatut-ipok kutjertotut, inūb kungasinganut tikkidlune, nellojut siamartillugit poagitemut asserornartomut, nunakatigēksuillo erkimiutakartillugit nokilautemik tammanartomik.

29 Tagva imgeromārpōse, sōrlo uvloksiorviub unnuangane, ōmamullo kувiasugomārpōse sōrlo nipjausijartut ailerpatta Nālekab kakkanganut, Isrāēlib piulijavīksanganut.

30 Nālekablo nippine nālengnartok tussaksautitsomārpā, takkuksautillugolo talline issamijok kanningaumajārnikut ikkomablo nungutitsijub ikkoaladlarningagut kallukullo sillaluksoakullo nettarkonnatigullo.

31 Assurib Nālekab nippinga koaksārutigijomārpā, issa-kautingmut annaudlarmago.

32 Tamällo issakautik attortok aulataulerangat, Nälekab torärtitanga taipsomunga, killautit harfillo attortaujomärput. Unatadlarnikut erksinartokut sorsugvigijomärpait.

33 Ikkoalaviksoak itsaksoarnit pijarërsimavok, attaner-muttauk pijarërsimavok, ittijövlune nerrotovlunelo; ikkoalaviksoarlo ikkomakarpok ikkomaksakarlungelo amigangitunik. Nälekab anerningata ikkitsomärpait, orksorutitut köktotut illingavlune.

KAP. XXXI.

Egiptenemiut tettiksauingilat, Assure nungutaksauvok.

1 **KAPPIANARMEK** attälertut Egiptenemut ikajortaujomamut, horsit tettigivlugit, kammutillo sungertütigivlugit, unudlarmatta, sorsuktuksallo horselijartut, pitsartudlarmatta; ivlernartitorle Israëlikkune ärlorvigingilat Nälegarlo apperkutiginago.

2 Kissianele tämnatauk sillatuvok, kanoetuniglo tikkerkojijok, okautsinelo sokkosingilait, nikovitsomärporlo, idluitullijut iglungit nämangitullijullo ikajortuksat pidlaromavlugit.

3 Egiptenemiut inutuinauvut Gûdeonatiglo, horsekotingillo nerkeovut anernionatiglo; Nälekablo aggane issagomärpait, ikajortuksak taimna pälaktillugo, ikajortaujorlo ochotillugo, illünaitalo attautsekut nungutillugit.

4 Imäk Nälegak okarmat uvamnūt: Sôrlo loeve loeviararlônēt kallingollängmat alliktortame kollân. mianersijut unuktut oparkojaukpatta tämna pivlugo, kagg artut koaksärutiginagit unurningillo erksiginagit, taimaidlune kilangmiugasaksuit Nälegangat akkaromärpok, sorsugiarlune Zionib kakkangane kakkârulanganelo.

5 Kilangmiugasaksuillo Nälegangata Jerusaleme sapputijomärpa, sôrlo tingmitjat piniarmatta esaromingnut, sapputjivlune piuliklerlungelo nikkasuklungelo ikajorlungelo.

6 Uttervigisiuk tämna angijomik tunnutase, Israëlikkut illipse.

7 Taipsomane illünatik Gûdingoakotitik silbereojut Gûdingoakotitiglo goldeojut egitsomärpait, aggapse senajangit idluilokutiksapsingnut.

8 Assurelo ochojuksauvok saviksoamut angutib pigingitanganut, nungutaujomärporlo saviksoamut inûb pigingitanganut, saviksoamit kemâjomärpok, inôsuktokotingillo kivganngortitaujomärput.

9 Kairtorijangalo (attaniga) erksinermut anlajomârpok, angajokângitalo kemâjutigijomarpât saimat, okarpok Nâlegak, ikkomakartok Zioneme, igavekartok Jerusaleme.

KAP. XXXII.

Attaniojuksamik idluartomik.

1 **AHAK**, attanek attaniojomârpok idluarnermik attortok. angajokajallo anlatsijomârput erkartuitsiarlutik.

2 Angutit attunit illingajomârput sôrlo okkoalinek akkunaksoame, sôrlo sillaluilitak. sôrlo kôgvik imermik nuname ermgitome. sôrlo kairtoksûb tachalininga nuname pannertome.

3 Takkojullo ijingit takpêtitaunjungnairomârput, tussartullo siuntingit hammatsiaromârput.

4 Uimamajut ômasingit illisimanermik illiniaromârput, kutaktullo okangit ajorungnairomârput okariamik tukkisinaromik.

5 Tagva sillaitok ajungitomik taijaujungnairomârpok, uivêtorlo nertornartomik taijaujungnairomârpok.

6 Sillaitok sillainartomik okausekarpok, ômasingalo pijaksaungitomik pinasuarpok. nâmangitullijomavlune okalugomavlunelo tammarnartomik Gûde pivlugo, tarnit kâktut nerksisairutijomavlugit, imeruktullo imiksairutijomavlugit.

7 Uivêtable piniarningit idluilukput, piungitunik issumalukpok, ajulertok asseroromavlugo okautsinut saeglojunut, akluajok okausekaralloarpat idluartunik.

8 Ajungitorle ajungitunik issumakarpok. ajungitullo allalungilait.

9 **Nikkovititse**, arnaujose piojoridartose. nippiga tussarsink: panniojose terliktose, okausimmut suitekaritse!

10 Jârillo uvlullo kapsikiak nâkpatta, sajugomârpose. illipse terliktose. vainiksanik kattersoivekarungnairomârmat, taimaktauk paungakarungnairomârmat kattitaksaujunik.

11 Koaksâleritse, arnaujose piojoridartose; sajugitise, terliktose, annorairitse mattarluselo tapserusijarluselo kettipsigut.

12 Sagvingmingnut pattiksijomârput perorsêvit takkominnartut pivlugit, napârtut vaineliksât paungakadlartut pivlugit.

13 Inukotima perorsêvinganne ukpiganik perornerdluktuniglo kakkilautilingnik perortokaromârpok, taimaktauk iglut allianartut kângine, iglugasaksoarne allianartolingne.

14 Iglut ânaraujut kemadlartaujomârput, iglugasaksuit inuliksuit inukarungnairomârput, kakkârulak nuvugusersuillo

kairosuktut illingajomärput uvlut naggatiksangannut, siuter-kortojut nujuartut kuvasütigijomärpait, nergjutillo kattimajut nerrinasugvigijomärpait,

15 Uvaptिंगnut kovijaulerkârtinago anernek kotsiktomit. Tagva perortokangitok perorsëvingortitaujomärpok, perorsëviglo napârtoliksoatut issumagijaujomärpok. (Joel 3, 1.)

16 Idluarsainerlo perortokangitome inniksakaromärpok, idluarnerlo nunakaromärpok perorsëvingme.

17 Idluarnerublo sullijanga tagva ullapirsaut, idluarnerublo sakkertitanga tagva merngoerserviksak terlingnartok. soraingitok.

18 Inukotikkalo iglune ullapirsautelingne innekaromärput, iglune terlingnartune merngoerservingnelo nangianalungitune.

19 Nettarkonnaromärporlo napârtut nakkallugit, igluga-saksuillo nakiglijaujomärput.

20 Pillorikpose, illipse karngasoiJose imersoarne tamaine, tuktuvait siuterkortoJullo ittiganginik aulatsiJose.

KAP. XXXIII.

Assiriarmiut pidlartaurut, Zione piulijauvox.

1 **KAPPIANARNEK** igvit asserorsaijotit, nangminex asserortaulungigalloartotit sulle; igvillo aksorôtijijotit, nangminex aksorôtijaulungigalloartotit sulle. Asserorsainit pijarë-rungne, igvittauk asserortaujomärpotit; aksorôtjinek nämak-sigungne, igvittauk aksorôtijaujomärpotit.

2 Nälegak, näpkigilaungmitigut, igvit nerrigigaptigit: tallerilaptigit kaut tamät, ikajortigilaptigit kappianar-tokartillugo.

3 Nunakatigëksuit kemäsärput nippevaksoarnit, nelloJullo siamalerput, igvit nikovikuvit.

4 Aksärnigarijase nungutaujomärput, sörlo piglertaujärtut nungutsivangmatta, piglertatitut pangaliktutitut (akkerartortise) pangaligomärput tagvane.

5 Nälegak kotsikpok, kotsiktome innekartok. Zione pitatserpä erkartuitsiarnermik idluarnermiglo.

6 Uvluksatillo terlingnaromärput, piulijaujutiksats, illisi-manartullo, illitarsijutiksallo amigaromängimatta; näleugnek Nälekamik pituarijomärpä.

7 **Ahâk**, tillijangit nipliadlarput sillame, ullapirsaijartor-kojaujut illungertorlutik keavut.

8 Apkosinit inuerutivut, pissuktokangilak apkosinerme attautsemiglönët. Angerutigijane serkomikpâ (Assurib attaningata), iglugasaksuit nachogivait inuillo erkaginagit.

9 Nuna takkorannêdlune pannerpok, Libanone takkominaidlune erkivok, Sâronelo naternauvok perortokangitok, Bâsanelo Karmelelo merkokarungnairpuk.

10 Mâna parngnaililanga! okarpok Nâlegak, mâna nikovilanga, mâna kotsiktomut pilanga!

11 Ivingnik singaijomârpose, iviksukayinerniglo ernijomârpose; anernipse ikkomatut nungutsomârpâse.

12 Nunakatigêksuit illiortaujomârput sôrlo machait ôtak-sat, sôrlo ukpigait kakkilautiggit nakkataumajut, ikkomamut ikkitaksat.

13 Ungasiktomêtose, tussaleritse, kanok piniarama, kanitomêtoselo kamagilersiuk pitsartunera!

14 Idluitullijut Zioneme koaksârput, piungitut sajungnermut tikkitauvut (okarpullo): Nellipta ikkoma nungutsijok najorlugo ajungilâ? Nellipta ikkomaksoak kamisuitok najorlugo ajungilâ?

15 Idluartomik arvertartok, nellâgôrtomik okausekartek. aksorôtijut illusinginik ômisuktok, aggangminik ipsortuijok pilliusianik tigusijomanane, siutingminik simiksijok inuarnernik tussaromanane, ijingminik mattuijok idluiluktomik takkojomanane.

16 Taimaitok kotsiktome innekaromârpok, igloksuit imnanêttut sappûlutarijomârpait. Nerkiksaminik tunidsiviojomârpok, imiksaminiglo ajoksaromângilak.

17 Ijikipit attanek takkojomârpâk ânanauningane, nunalo angijôvaksôjok takkojomârpâk.

18 Tagva ômatit erkaijomârpok kappiasûtigilauktarnik (okarlunelo): Aglakpaktut nanêkât? ôktorsôngojut (tunergutiksanik) nanêkât? nuvguseisoanik kititsijut nanêkât?

19 Nunakatigêksuit iktôriktaitut takkojungnairjomârpattit, okausekartut nellonartunik, ajornartunik, kutaktutitut okausekartut tukkisinaangitunik.

20 Takkunârit Zionemik, iglugasaksoarnik, kattimaviksaptingnik; ijikipit Jerusaleme takkojomârpâk, inniksak terlingnartok, tuppek nuktitaujomângitok; pauktûtingit nutsuktaujomâtsengilat aklunângillo kiktortartaujomâtsenginivut.

21 Nâlegarle tagvane pitsartujoksôjomârpok uvaptingnut, kôksuit kôllo sillidartut inninganne, umiaksuit eputaujut ingergajomângilat tagvûna, umiaksuillo manugât aijomângilat tagvûna.

22 Nälegak erkartuijigivavut, Nälegak ajokertortigivavut, Nälegak attanerivavut; täpsoma piulivätigut.

23 Aklunâtit kassugalloarput mäna, (Zione), napârutak aulajungnangertitsengilât, saimat issivitsialungilât. Tagvale aitortuijokaromârpok perkutinik kitiksaungitunik, sibvêtut aglât tigusijartoromârput.

24 Inukatigêllo nelliannik okartokaromângilak: Ajulerpunga, — nunakatigêt tagvane nunakartut issumagijungnai-viongmatte idluinermingnit.

KAP. XXXIV.

Inugiartoksuit erkartortauningannik.

1 **KAITITSE**, illipse, nellojose tussarnia-luse, nunakatigêk-toselo kamatsiaritse, nuna tussarmile täpsomanêtullo, sillak-soak perortungillo illünatik,

2 NäleKab nellojut illünaita ningaumajärvingimagit, kattimajokotingillo tamaita kanningajärvingimagit; unertütigijomârpait tokotaurkovlugit.

3 Tokotaujut egitaujomârput, tokungajullo tippelungningat kongmuaromârpok, kakkallo aunginut auktitaujomârput.

4 Kilaub pitangit illünamassiatik auniojomârput, kilaillo immujaujomârput aglaktitut, pitangillo illünamassiatik kun-norleromârput, sôrlo napärtub vaineliksab millukatangit kun-norlerpangmatte, millukataktullo pannertotut napärtome faigeliksame.

5 Saviksoara kilangme tallatotut illingavok; takkuitse, akkaromârpok Edomemut nunakatigêksoarnullo unertütigijammut sugiartauviksamut.

6 NäleKab saviksoanga auliksôvok, sallumaipok orksumut sangârsuillo angusaluillo aunginut, tuktungajullo taktorutinginut, NäleKab tunergutiksak pijarêrmago Bosrame tokotsineroarlo Edomib nunangane.

7 Tagva tuktuvaksuit nungutauvut taipkoa illagivlugit, tuktuvaillo angutingit tuktuvait kuinijut illagivlugit. Nuna-ngat tallasimajotut aungmut illingavok, ivjungalo orksuga-saulerpok.

8 Tâmmaungmat uvlok NäleKab sugiarviksanga, järe ak-kiorviksak Zione pitjutigivlugo.

9 Kõngit kutsuälungoromârput, ivjungalo orksorutingoromârpok, illa nunangat ablatsaujomârpok kutsuälungmut ikki-taumajomut.

10 Unnuakullõnêt uvlokullõnêt kammitaksaungilak, issinga kongmuaromârpok soraijuidlune, kinguvângita kingorlinginut inniksaujungnairomârpok, attautsemiglõnêt pissuktokaromângilak tagvûna issokangitonut.

11 Nerlit puvialiksuit iblâkosingajullo innigijomârpât, ikkêtojuullo tullukallo tagvane inniksarsioromârpok. Nâlekablo nokakservallaut attoromârpâ taipkonunga asserorniarlugit, naggosaullo nunguniarlugit.

12 Attaningit taijaujariakaromârpok attaniojunik nuna-kangitunik, attanersoangillo nungutaujomârpok.

13 Iglutsianginelo ukpigakaromârpok kakkilautilingnik, perornerdluktrullo ônarnartut kakkilautiggillo iglunginêtsomârpok senamatsiartune; terrianiangajut innigijomârpait, starau-sillo tagvanêtsomârpok.

14 Omajoâluit nujuartut amarkullo naipiutijomârpok tagvane, angusaluillo auktoromârpok illamingnut, assênak unnuaksiut tagvanetauk inniksarsioromârpok innilangaviksarsiolarmelo.

15 Tagvane kuglugiak sukkalisôk sittekaromârpok manikarlunelo ivævlunelo piarakarlunelo tachalininganne, nektoralittauk tagvane kattijomârpok nelliat aipaminut.

16 NâleKab aglangine kenneritse atuarsivluselo; attautsemiglõnêt nellautsingitokaromângilak, attautsemiglõnêt aglak-simangitokaromânginivok. Tâpsoma kaningata tamanna perkovâ, tâpsomalo anerningata kattorsorpait.

17 Tâmnalo immerarpok pivlugit, aggangitalo ôktûtêmut illangiutitipait, kingormgujaksakarkovlugit nungusuitomik, tagvangallo nûtsomângilat.

KAP. XXXV.

Okpertôkatigêt pilloringningannik.

1 **SUNAKAJUITOK** perortokangitorlo kuviasugomârpok, naternarlo serrijomârpok ânanausijauvlune paunaujaujartutitut.

2 Ananausivlune serrijomârpok kuviasuklunelo iggiakomijarlunelo. Libanonib ânanauninganik tunidsiviojomârpok, Karmelib Sâroniblo pinarnarningangnik. NâleKab ânanauninga takkojomârpât, Gûdipta pinarnarninga.

3 Aggait nukkingertut pitsartutisigik, sêrkullo majangajut nekoksitisigik.

4 Okautisigik ômatimikkut kappiasuktut: Maksoatitse

sivoraniaselo! Ahâk, Gûdise tikkilerpok akkilējartorlune Gûdib akkiliutânik. Tikkilerpok piulijomavluse.

5 Tagva tantungitut ijingit uititaujomârput, tussângitullo siutingit angmartitaujomârput.

6 Tagva tussiaktut pangaligomârput tuktotut, okajuitullo okangit iggiakomijaromârput, imersuit puilajomârmatta puilavekangitome kôksuillo natername.

7 Sioraliksoarnelo kappialajok tessingoromârpok, nunamelo pannertome puilavekaromârpok. Terrianiangajut innigilauktangit tangmârvigijomârpait, iviksukakaromârporlo tagvane ivingniglo iviksoarniglo suvlolingnik.

8 Tagvanelo apkosinekaromârpok apkutiksamik. Apkomik ivsornaitomik taijaujomârpok taimna. Ivsornartomut pissugviksaungilak, taipkonungale attoraksaujomârpok. Ingergajut tagvûna, sillaitut aglât tammaromângilat.

9 Tagvane loevekaromângilak, ômajomiglo kêsuktoksoamik tagvûna pissuktokaromângilak tagvanêtokaranelo. Uttertitaunjulle pissugomârput tagvane.

10 Nâlekab uttertítangit uttileromârput, Zionemullo tikkitsomârput iggiakomijarlutik; kuviasungnerub nâksaungitub kollangiaromârpait, kuviasungnerub serrinerublo tikkitsomârpait; kiksarnerlo anersauminerlo xemâjomârpuk.

KAP. XXXVI.

Jerusalemib illumajauninganik Sanherimut.

1 **ATTANERUB** Hiskiab jâringita 14 ninganne Sanheri Assiriamut attaningat takpaungarpok, Jûdakkut iglugasaksoangit sôngojut illûnaita sorsugvigivlugit, aksârnigarivaillo. (2. Attan. 18, 13 mit.)

2 Tagva Assiriamut attaningata Rabsake (angajokau-nerôjok) Laggisemit tillivâ Jerusalemut attanermut Hiskiamut, sorsuktuksaksoarnik illakartillugo. Nokkangalerporlo tessiub kôlliub kôngane, errortuijut errortuivingata apkosinersoangane.

3 Tâpsomulga tagva annivut Eliaki, Hilkiab erninga, iglome angajokau-nerôjok Sêbnalo aglakpaktok Ioalo, Assatib erninga, aglalerijok erkaumajaksaujunik.

4 Rabsakiblo okautivait: Hiskia okarvigijartorsinuk: Attanersoak, Assiriamut attaningat okarpok imâk: Tettekarvik tettigijat sunauvâ?

5 Okarpunga: okasetuinauvut sullingitut, issumakarneraravit pitsartunekarnerarluttillo sulle sorsungnermut. Kina sungertûtigiviük, nälegungnairamga?

6 Imakâ ajaupiamik ipsominga suvlolingmik napvaujima-jomik, Egiptenemik tettiksakarpotit. Ajakpartokalerangat taipsomunga, ittimanga kappivâ puttorlugolo. Taimailingavok Farao Egiptenemiut attaningat illünainut tettekartunut tâpsominga.

7 Okautigupsingalo: Nälegak Gúdivut tettigivavut! — (okarpunga): Tämnaungiläk Hiskiab pējaivigijanga opigijau-vinginik kakkanêtnik tunerguservekotinginiglo, okarlune Jûdakkunut Jerusalemiunullo: Tunerguserviub ôma (Jerusalemêtub, sângane tuksiartuksauvose?

8 Attêle, angajokâra Assiriemiut attaningat angunasuaruk! Horsinik 2000 nik tunnidsivigijomavagit, ablângajokartitsi-jungnarmangârpit taipkoninga.

9 Kanok tagva kemâtitsungnarkiük aulatsijok attauser-lônêt, angajokâma kivgangita mikkinerpângita illangat? Igville Egiptenemiut tettigivattit kammutit horselijartullo pivlugit.

10 Nälegak illaginago takpaungarasugivingâ nunamut tamattomunga asseroriartorlugo? NäleKab okautivânga: Aularit nunamut tamattomunga asseroriartorlugo.

11 Eliakile Sébnalo Joalo okarput Rabsakemut: Kivgatiit okarvigikit Siriamiut okausingit attorlugit, tukkisitsiaraptigik. okarviginata Jûdit okausingit attorlugit, inugiartoksuit avaloksuit kânginêtnut tussarmatta.

12 Tagva Rabsake okarpok: Angajokâma tillivângâ anga-jokângnut illingnullônêt, okausekarkovlunga taimaitunik? tillilungilângâtauk angutitut avaloksuit kânginêtnut, annar-mingnik nerrerkovlugit itteromingniglo imerkovlugit illagivluse?

13 Tagva Rabsake nangerpok nipliavlunelo nipperkorto-jomik, Jûdit okausingit attorlugit: Tussaleritse attanersûb, Assiriemiut attaningata okausinginik!

14 Imâk attanek okarpok: Uivêrijautailititse Hiskiamut, piulijungnangimasse.

15 Manigortautailititse Hiskiamut, Nâlekamik tettekarkongmasse okarlune: NâleKab piuliniarpâtigut, iglugasaksuillo makkoa tunijauniangilat Assiriemiut attaningata agganginut.

16 Hiskia nâlengniarasinuk! Imâk Assiriemiut attaningat okarmat: Ullapirsautekakatigisinga annivigivlungalo, tagva illünase attunit nerrijuksauvose napârtokotipsingnit vainelik-sanit faigeliksanillo imertuksauvluselo imektarvekotipsingnit.

17 Tikkerkârtinanga ailuselo nunamut, nunapse adsinganut, nunamut pitalingmut kakkôjaksanik vainiksaniglo, nunamut pitalingmut kakkôjanik perorsévingniglo vaineliksatalingnik.

18 Sâlagijauniarase Hiskiamut, okarmat: Nâlekab piulinjar-pâtigut. — Nellojut Gûdingita nunakotitik piulivattigik Assiriarmiut attaningata agganginit?

19 Hâmatemiut Arpâdemiullo Gûdigijangit nanêkât? Se-farfaimiullo Gûdigijangit nanêkât? Samârialônêt aggamnit piulivatsûk?

20 Nunat tamakkoa Gûdigijangita illûnatik nellit piulik-lermatta nunakotimingnik, Nâlekab Jerusaleme piuliniarpaûk aggamnit?

21 Nippangerpulle kiolungilâllo sunamik, attanek perko-jingmat okarlune: Kioniarasiuk!

22 Tagva Eliaki, Hilkiab erninga iglome angajokaunerôjok Sébnalo aglakpaktok Joalo, Assafib erninga, aglalerijok erkau-majaksaujunik Hiskiamut tikkiput, annorâtik alliktorlugit, unipkautivâllo Rabsakib okausinginik.

KAP. XXXVII.

Sanherib sâlagijauninganik.

1 **ATTANERUBLE** Hiskiab tamakkoa tussaramigit, anno-râne allikpait pôksajaniglo ullikarlune Nâlekab iglunganut itterpok. (2. Attan. 19.)

2 Eliakilo iglome angajokaunerôjok Sébnalo aglakpaktok ajokertuijullo angajudlit tillivait nellautaijomut Jesaiasemut, Amosib erninganut, pôksajanik ullikartillugit.

3 Tâpsomungalo okarput: Hiskia imâk okarpok: Uvlok tamanna uvlôvok kappiasugvik, sugiartauvik mittautigijauvik. (Imâglo illingavok sôrlo): nutakkat pâmut aporalloarmatta, erninermut nukkiksakangilak.

4 Nâlegak Gûdit tussarniangikune Rabsakib okausinginik illûnainik, tillijaumajub angajokâminut, Assiriarmiut attaningan-nut, Gûdemik ômajomik mittautekalerkovlugo. Imakâ sugiar-niarpâ okautsit pivlugit Nâlekab Gûdivit tussartangit. Tagva igvit amiakôjut, kemaktaujut sulle tuksiarutigilaukit.

5 Attaneruble Hiskiab kivgangit Jesaiasemut tikkingmatta, 6 Jesaiasib tagva okautivait: Angajokâse okautisiuk: Imâk okarpok Nâlegak: Sivorajuksaungilatit okautsit tussar-tatit pivlugit, Assiriarmiut attaningata kivgangita attortangit mittautigivlunga.

7 Ahâk, anernelukamik tunidsivigijomavara, tussaumajamiglo tussarune, utterniarpok nunaminut, saviksoamullo tokotaurkojomavara nunangane.

8 **Rabsakelo** uttilerame, Assiriاميوت attaningat naipipâ sorsuktok Libnamut, Laggisemit aularsimajok tussarlugo.

9 Tagva Tirlhaka, Etiopiamiut attaningat pivlugo tussarpok okartomik imâk: Ahâk, aularpok sorsugvigijartorlutit. Tamattominga tussarame, tilliklerpok amma aijuksanik Hiskiamut imâk okarkojivlune:

10 Imâk Hiskia Jûdakkut attaningat okautisiuk: Uivêri-jautailitit Gûdekotingnut tettigijarnut okarlutit: Jerusaleme tunijauniangilak Assiriاميوت attaningata agganginut.

11 Ahâk, tussarpotit Assiriاميوت attaningata piniarninginik nunanut illûnainut, kanok nungutingmagit; igvillo piulijaujuksaunajarkêt?

12 Inûkatigêksuit sivorlerijama asserorsimajangit piulijau-mavât Gûdekotimingnut imaitut: Gôsanemiullo Hâranemiullo Rêtsefimiullo Edeniblo kinguvângit Tellassaremêtut?

13 Hâmatemiut attaningat naûk? Arpâdemiullo attaningat, iglugasaksuillo Sefarfaimik attelit Henablo Ivablo attaningit naûk?

14 Hiskiablo aglait tamakkoa tiguvait tillijaujut agganginit atuarpaillo, majorarlunelo Nâlekab iglunganut issivipait Nâlekab sânganut.

15 Hiskialo tuksiarpok Nâlekamut okarlune:

16 Nâlegak, kilangmingasaksuit Nâlegangat, Israêlib Gûdinga, Kêrubit kollâne iksivajotit, igvit kissivit Gûdeovotit nuname attaniovingnut tamainut; igvit kilangmik nunamiglo pingortitsilaukpotit.

17 Nâlegak, siutikik manikik tussarlutillo; Nâlegak, ijikik uitilaukik takkolutillo; Sanheriblo okausingit tamaita tussalaukit tillikliutijangit, Gûde ômajok mittautigijomavlugo.

18 Nellautsivok, Nâlegak: Assiriاميوت attaningita asserorpait attaniovit tamaita nunangillo.

19 Gûdingillo egipait ikkomamut, Gûdeongimatta taipkoa, inuille aggangita senajangit, kejugovlutik ujarauvlutiglo; taipkoa nungutipait.

20 Mânale, Nâlegak Gûdivut, piulilauktigut agganginit, attaniovit nunamêtut illûnamatsiatik illitarsilerkovlugit, igvit kissivit Gûdetôgavit.

21 **Tagva** Jesaiase, Amosib erninga tilliklerpok Hiskiamut okaudjaurkolâllo: Imâk okarpok Nâlegak, Israêlib Gûdinga: Tuksiarvigigamga Sanheri, Assiriاميوت attaningat pivlugo,

22 Tagva Nâlekab okausingit taimna pivlugo imaiput: Uigasüb Zionib panningata nachogivâtit mittautigivlutillo, Jerusalemib panningata illekettamârutigivâtit.

23 Kina mittautigiviük okarnerlûtigivlugolo? kinamut nippekadlarkêt? Arlorpotit, ivlernartitok Israëlikkune akkerartorlugo.

24 Kivgakkut Nâlegak mittautigivat okarlutillo: Kammutekarlunga unuktovaksoarnik majorarpunga kakkat kânginut, Libanonib issuanut, zêderekotigillo poktojut zipressekotigillo anerimajut nakkapakka, tikkipara kângata issua perorsêvialo napârtolik.

25 Uvanga imeksiorlunga imerpunga, ittikamalo allûgingnut Egiptenib kôksoangit illûnaita ipteriliktipakka.

26 Tussalaungilatit, uvanga tamanna itsaksoame taimailingatilaunrapko, itsaksoarnit kajusimautigivlugo? Mânale nelliutipara, iglugasaksuit sôngojut asserortaurkovlugit serkomakungortitaunvlutik.

27 Inungillo nukkingerutivut mungungavlutiglo kangusuklutiglo, iviksukatitut-ilerput naternamêtutit, perorsijatullo tungujortatit, iviksukatitullo iglut kânginêtutit, iviksoatitullo kunorlerêrtutit innilerkârtinagit.

28 Nunakarnit itternillo anninillo kaujimavakka, pikkablavigigamgalo.

29 Tamanna pivlugo pikkablavigigamga, pingijainillo siutimnut kongmuarsimangmat, kingarmiutakartitsomavagit kingmiarlarlo illivlugo kanernut uttertitsomavagillo apkutigilauktakkut tamaunga.

30 Tamannalo nellunaikutaksarivat (Hiskia okaudjauvok): Jâreme tamattomane nerrijuksauvose ingminik perortunik jâriblo aipangane ingminik nuijomârtunik, jâriglo pingajuangne karngasoileritse kattersoivluselo, vaineliksanglo illiorkaileritse nerriivluselo paunganginik.

31 Jûdakkullo piulijaumajut amiakôjullo amma amâkaro-marivut attimikkut paungakaromârlutiglo kollimikkut.

32 Amiakôjut Jerusalemit annijomârmatta piulijaumajullo Zionib kakkanganit. Nâlekab kilangmiugasaksuit Nâlegangata illungertorninga tamattominga piniaromârpok.

33 Tamanna pivlugo Nâlegak okarpok imâk Assiriarmiut attaningat pivlugo: Igugasaksoarnut tamakkonunga tikkituksaungilak, kargjorlo attauserlônêt pittiksautijaksaringilâ illuannut, sappûlutaksamiglo tikkitokartuksaungilak tagvunga, talluliortokartuksaungilarlo avatâtigut.

34 Apkutigilauktamigulle tamaunga uttertuksaugivok, iglugasaksoarnut tamakkonunga tikkinane, okarpok Nâlegak.

35 Iglugasaksut tamakkoa serngnigijomagapkit piulijomavlugillo pivlunga kivgaralo Dâvide pivlugo.

36 **Tagva** Nâlekab Engelinga akkarpok, Assiriarmiut tangmârvianne tokojartorlugit angutit 185 000 it. Uvlâkullo makkingmatta, ahâk, tokungajokarpok illünâne.

37 Assiriarmiullo attaningat Sanheri parngnailerpok, aularlunelo angeralerpok nûtsungnairlunelo Ninivemit.

38 Pijokarporlo imâk: Gûdime Nisrub iglungane tuksiar-mat, ernikita Adrammeleggib Sarêtseriblo tokopâk saviksoamut kemâvlutiglo nunamut Araratemik attelingmut. Erningalo Assarhaddo attaningolerpok innangerlugo.

KAP. XXXVIII.

Hiskia kanimadlarpok.

1 **NELLIUTOME** taipsomane Hiskia kanimasermut tokonartomut tikkitaurok. Nellautaijublo Jesaiasib Amosib erningata tikkipâ okautilâllo: Imâk Nâlegak okarpok: Iglokotit oppalungaijaruk, tokoniaravit inôjungnairniarlutillo.

(2. Attan. 20.)

2 Tagva Hiskiab kênane sâtipâ iglub karmanganut, Nâlegarlo tuksiarvigivâ,

3 Okarlunelo: Erkailaurittôk, Nâlegak, sângne arvertalaurama nellâgôrlunga, ômatipkullo illuengarlunga, nâmagijarniglo piniarlunga! Hiskialo kugviudlalerpok.

4 Nâlekablo okausinga Jesaiasemut pivok okarlunelo:

5 Hiskiamut okariartorit: Imâk okarpok Nâlegak, atâtagilauktavit Dâvidib Gûdinga: Tuksiarnit tussarpara, kugvitillo takovakka. Ahâk, inôserilauktarnut illautitsijomavunga jâri-nik 15 nik sulle.

6 Piulijomavagillo Assiriarmiut attaningata agganginit iglugasaksuillo tamakkoa, serngnigijomavakkalo iglugasaksuut tamakkoa.

7 Tamannalo nellunaikutaksarivat Nâlekamit, Nâlegak okautsine malliklugit taimailiorniarmat.

8 Ahâk, tachak majutine akarkâlauktok Ahasib majutingine anmut sekinikut uttertitsomavara kingumut majutinik telli-maujortunik.

9 **Tamadja** Hiskiab Jûdakkut attaningata aglalaunktangit, kanimarkârlune âkiktaungmat kanimasermunit.

10 Okarpunga: Uvluksama unurningit ketteratuinarmatta, ingergajariakalerêrpunga anernerit inningata itterviksoanginut, aksârtauniarlunga jârima simnikunginik.

11 Okarivunga: Nâlegak takojungnairniarpara, illa Nâlegak inôjut nunanganne. Inuit tautugungnairniarpakka, anernerit inningannêttut akkorngannêniamama.

12 Igluga aulatauok nûtitaumlune uvamnit mianersijub tuppingatut. Anorâksaliortitut inôsinnik immusivunga, (Nâlekable) kiktorpânga pergaivingmit. Uvlorme unnulerkârtinago nungutiparma.

13 Issumavunga: kaulerkârtinago saunnikka tamaita serkominiarpait loevetut. Uvlorme unnulerkârtinago nungutiparma.

14 Alavunga tullugârsutut, akpinglevaksoatut; taubetut anersaumivunga; ijikka sangêdlarlutik ârlorpuk: Nâlegak, âniadlarpunga, inûlilaungminga!

15 Kanok okartuksauvêk? Angervigivânga, taimaglo piniarpok. Jârine tamaine inôtillunga uvloksiorlunga majoromavunga kattimaviksoamut tarnima kiksarutigilauktanga pivlugo.

16 Nâlegak, tamakkoa inôjutigivait inuit, tarnimalo tamakkoa tamaita inôjutigivait. Nekkoksitillunga inôtillaunga!

17 Ahâk, kappiasungnerilauktara illingavok idluarkutiksammnut. Igvit tarniga erkilugo piulivat ittersâlungmit asserortauvingmit. Idluinnikka tamaita tunnungnut egipattit.

18 Anernerit inningannêttut nertorlungilât, tokungajullo opigingilât; ittersâlungmut attersârtut nertornarnit nerriugilungilât.

19 Inôjut, illa inôjut nertorpât, sôrlo uvanga pigama uvlome. Atâtab nertornarnit kaujiautilârpâ kitorngaminut.

20 Nâlekab piulijartorpânga, taimaimat tuksiarutsinik imgeromavogut Nâlekab iglungane uvlut tamaita inôtilluta.

21 **Jesaiaselo** okarpok: Faiginik makpasimajunik attulit, illivlugit mangiptatut soggormut, nekkornersauniarpok tagva.

22 Hiskiale okarpok: Suna nellunaikutaksarivigô, majorartuksaumangârma Nâlekab iglunganut?

KAP. XXXIX.

Hiskiab piojorijub pidlartauninganik.

1 **NELLIUTOME** taipsomane Merôdak-Balada, Baladab erninga, Bâbelemiut attaningat tillikliutjivok aglangnik pilli-

tiksaniglo Hiskiamut, tussarame, Hiskia kanimarkârlune nekkorneraumingmat. (2. Attan. 20, 12.)

2 Hiskiablo kuviasukatigivait, iglolo perkutetalik illûnât takkojautipâ taipkonunga silberelo goldelo mingoarutiksallo orksuglo pivianartok iglolo sakkotalik tamaitalo perkutetalikotiminêtur. Pitakalungilarlo sunamik iglungane nâlegauvinganelo illûnâne takojautingitanganik taipkonunga.

3 Tagva nellautaijub Jesaiasib attanek Hiskia tikkipâ okautivlugolo: Kanok okarkât angutit taipkoa, nakillo tikkipâtit? Hiskia okarpok: Nunamit ungasiktomit tikkipânga, Bâbelemut.

4 Okarporlo: Sumik takovât iglungne? Hiskialo okarpok: Iglumnêtur tamaita takovait, perkutetalikotimmelo pitakangilak sunamik takojautingitamnik taipkonunga.

5 Jesaiasiblo Hiskia okautivâ: NâleKab, kilangmiugasak-suit Nâlegangata okausingit tussakit.

6 Ahâk, nelliutijomârpok, illûnatik iglungnêtur atâtagilauktavillo kattersulauktangit uvlok tamanna tikkidlugo aularudjaujomârmatta Bâbelemut, amiakokaromângilarlo sunamik, okarpok Nâlegak.

7 Taimaktauk ernivit, illingnit pijuksat illanginik, ernitârijomârtavit illanginik tigusijomârpok, kivgaurkovlugit Bâbelemiut attaningata igloksoangane.

8 Hiskiale okarpok Jesaiasemut: NâleKab okausingit okautigijattit ajungitôvut. Okarivorlo: Taimaitsomâralloarmat, inôtillunga ullapirsautekarniarpok sokkosingitomik.

KAP. XL.

Piulijauriksamik nutâmik.

1 **MANIGOLERSIGIK**, manigolersigik inukotikka, okarpok Gûdise.

2 Kiblingnartunik okausekaritse Jerusaïeme okâlavigivlugo. kippalônga sorairmat, idluitulliningit issumagijaujungnairmatta, maggôlimmajomik (sugiartaunermik) pingmat NâleKab agganginit idluitullinine pivlugit.

3 Nipliajokarpok: Inukajuitome NâleKab apkutiksanga âkiksorsiuK, naternamelok aposinersoak maniksarsiuK Gûdip-tingnut. (Matt. 3, 3. Luk. 3, 4.)

4 Kôrkut illûnatik kibviarlit, kakkat kakkârulaillo nakiglilerlit. mannêtur manniksilit, imnat naternangolerlit.

5 Nălekab ânanaunersoanga sakkertitaujomărmăt, uviniggillo illūnamassiatik takojomărpăt; Nălekab kanninga okarmăt.

6 Okoksê, okartokarpok: Okălagit! Kiojokarivok: Kanok okălajuksauvêk? Imăk: Uviniggit illūnatik iviksukatitut-iput pinarnarningallo nuvugulaktut-ipok natername. (1. Petr. 1, 24.)

7 Iviksukat pannilerput. nuvugulaillo kunorlerput Nălekab anerningata suppormagit. Illa, inuit iviksukatitut-iput.

8 Iviksukat pannilerput, nuvugulaillo kunorlerput, Gûdible okausinga issokangitomut itsomărpok.

9 Zione, tussarnertunik okălajuksaujotit, majorarit kakkanut poktojomut; Jerusaleme, tussarnertunik okălajuksaujotit, nippekarit sôgojomik, nipliadlarit sivoranaglo; Jûdab iglugasaksoangit okălavigikit: Ahăk, tagga Gûdise!

10 Ahăk, Nălegak Gûde pitsartujoksôvlune aggerpok, tallingalo ajugauvok. Ahăk, akkiliutiksaminik najortekarpok, akkijutingalo sanganêpok.

11 Mianersijotut kattimajokotine mianerivait. Saugărait kattitipait tallerminut sărdliarlugillo, saukkallo amămaktitsijut tessiutsiarpait. (Joh. 10, 11.)

12 Kia imaksuit ôktorkagît, ittimaminut kalluvlugit? kilak issakterlugo aggangminut, nunaksûb ivjungit ôktûtemut pitillugit, kakkat ôktorlugit okumailutanut kakkarulaillo kiktitauningnut?

13 Kina Nălekab anerninganik aulatsivă? Kialo attanertuijotut ajokertorkaûk?

14 Kina appersorkaûk, sillatunermik tunnitjiviojomavlune? Kimullo ajokertortauvă idluarsaijub apkutiksanganik, kimullo ajokertortauvă illisimanermik, kialo ajokertorkaûk sillatujub apkutiksanganik?

15 Ahăk, nellojut unurningit issumagijauvut tâpsomunga kuttetut imertautemit kussertotut, sannikulluktut kiktitauningnêtotut. Ahăk, kikkertat sannikutitut pêrpait.

16 Libanone amigaluarpok ikkoalautiksamut, nergjutingillo amigaluarput tunergutiksamut ôtakсамut.

17 Nellojut illūnamassiatik sunaungitotut-iput sângane, mingnerôvut aglăt sunaungitomit piungitôvlutiglo.

18 Kinamik tagva Gûde adsekartitsomavisîk? Sumiglo adsiojuksamik tâpsomunga senajomavisê?

19 Senasôk inungoamik kovisivok, goldelerijub kallinekartipă goldemik, kelaumgujărsungniglo silbereojunik pitatserlugo.

20 Aklunermut tunergutiksakatsiangitub kejuk aukangangi-

tok anerivâ, inungoaliorte illisimajok keneriartorpâ, inungoamik sokosiniangitomik senarkovlugo.

21 Kaujingilasê? tussangilasê? kiglinganit okaudjaungilasê? nunaksûb tungavekartitarninganik (kinamut) tukkisi-lungilasê?

22 Tâmnauvok nunaksûb angmalokitâb kollâne innekartok. Inungit piglertaujærtutitut illingavut (takpiksomunga). Kilangmik issivitaksatut issivitsivok tessiterlugo tuppersoatut, inûb iglogijaksangatut.

23 Nertortaujunik piojungnairtitsijok, attanerit nunamêtut saksaujungnairtillugit.

24 Illijautainatuinartillugit ivjomut, karngasortantainatuinartillugit, napârtungata amângit siamalitainatuinartillugit ivjomut suppolerêrpait; pannilerput tagva, anorersoamut tik-taavlutik sanniktitut.

25 Kinamik adsekartitsomavisingâ, adsigivlugo perkovlunga? okarpok ivlernartitok.

26 Arloritse takovluselo! Kina makkoniga pingortitsivâ? annititsijok unurninginik kittillugit attingillo taivlugit, ajugakangitoksôngmat pitsartujoksôvlunelo; sakkijângitokangilak attautsemiglônêt.

27 Jâkokkut illipse, sôk o. kisê, illipsele Israêlikkut, sôk okarkisê: Apkutivut ijesimavok Nâlekamut, idluarsartaututiksavullo kamagijaungilak Gûdemut?

28 Kaujimangilasê, tussalungilasê, Nâlegak Gûdeongmat issokangitok, sillaksûb kiglinginik pingortitsijok? Merngortoranelo nukkekarungnailungilak, sillatuninga inornarpok.

29 Merngortortok nukkekartipâ ajulertublo nukkinga angijorortipâ.

30 Nukappiat merngortoralloarput nukkekarungnairlutiglo, inôsuktullo akpallertudlaralloarput.

31 Kissianele Nâlekamik tettekartut pitsartunermik nutâmik tunitjiviovut, nektoraliktitut tingilerput esaromingnut, akpangerput nukkekarungnaitsanatik, arvertarput merngortorungnaratik.

KAP. XLI.

Nâlekab Gûdetônninganik.

1 **NIPPANGERDLUTIK** kikkertat uvamnut pilit, inugiar-toksuillo nukkitârlit! Tamaunga kailit tagva okausekarlutiglo; erkartortigëlilaunkta!

2 Kia pāngat kairkovaūk idluarnermik naipitsēnartok. arvertalreangat nane? Kia nellojut pijaurkovagit, attanersuit sālajaurkovlugit tāpsomunga? Saviksoangata illingatipait pujortut, pittiksingata illingatipait sanniktitut tiktanjutitut.

3 Unangmigamigillo, ingergavok kanoetokarane apkome pissugvigingitamine sivorngagut.

4 Kia tamanna piniarkaūk nāmaksitillugolo? Kairkojijub kinguvārēnik (nunaksūb) pigiarninganit. Uvanga Nālegak tāmnauvunga, sivorliojunga kingordlernelo tāmnaatsainak.

5 Kikkertat takogamitsuk, erksilerput, nunaksūb kiglingit sajkupilukput, kaglivlutik aggerput.

6 Ikajortigēkput okarlutik attunit inūkatiminut: Aksut!

7 Inungoamik senasōk manigoivok goldelerije .x, manik-saijok ujaratsiakut manigoivok katjuktomik katjugvingme. okarlunelo kusseksiamut nippititaumajok pivlugo: tamanna nāmakpox — kikkianullo atsungerpāt, aulataujungnarkonago.

8 Igville Israēle kivgara, Jāko anerijara, Abrahāb nagliktima kinguvānga,

9 Nunaksūb issuanit ailaukpagit, kairkovlutit kiglinginit, okarvigivlutillo imāk: kivgarivagit, anerigapkit nachoginak.

10 Sivoraniarnak, uvanga illagigamga; nangiarniarnak, uvanga Gūdigigamga. Pitsartutipagit ikajorlutillo, illa serngnigivagit tallerpimnut idluarsaijomut.

11 Ahāk, mittautaujomārput kangusuktitaavlutiglo ōmigiijitit illūnatik, suksaujungnairtitaumārput nungutauvlutiglo illingnut akkerartortut.

12 Kenneromārpatit, nagvārnagillo inuit akkerartortut illingnut, suksaujungnairtitaumārput nungutauvlutiglo inuit sorsuktut illingnut.

13 Uvanga Nālegaugama Gūdit, tallerpikkut illingnik tigusijok okarvigivlutillo: Sivoraniarnak, uvanga ikajorpagit

14 Sivoraniarnak, Jāko kopergōjotit, Israēlikkut kattimgajose! Uvanga ikajorpagit, okarpox Nālegak. Ivlernartitok Israēlikkune piulijigivat.

15 Ahāk, kamutiktut serkalitsijūktut, ipiktūktut, nutāktut, maggunnik kēnaliktut illingatitsomārpagit. Kakkat tukkarlugit serkomitsomārpatit kakkārulaillo serkalimaju-titut illingatillugit.

16 Siamartitsomārpatit, anoremullo tiktaujomārput akunamullo pērtauvlutik. Igville Nālegak iggiakomijarvigijomārpat, ivlernartitorlo Israēlikkune nertōtigijomārpat.

17 Ajulertut ajoksartullo imermik kennerasuarput, pekanngilarle, okangit kēlerput imerosungnarmat, tāpkon uvanga

Nålegaujunga tussaromavakka, uvanga Israëlib Gûdinga kemagomangilakka.

18 Kôksoarnik angmartitsijomavunga kakkârulangne merkokangitune puilavingniglo naksarne; puilavekajuitok tessi-ngortitsomavara, numalo pannerok puilavingortitsomavara imernik.

19 Zêderinik akâtsianiglo mirteniglo napærtuniglo orksulingnik sakkertitsijomavunga sunakangitome; zipressenik platâneniglo bukseniglo illiorkaijomavunga attautsekut napærtokangitome.

20 Takuksaurkovlugo illitarijaurkovlugolo, mallugijaurkovlugo tukkisijaurkovlugolo, Nâlekab aggangit tamakkoninga piniarmatta, ivlernartitorlo Israëlikkune tamakkoninga pingortitsingmat.

21 Attê, erkartuijutiksase kaisigik, okarpok Nâlegak; pitjutigijase sakkertisigik, okarpok Jâkkokut attaningat.

22 Kaileritse, nellojungnairtilluta pijomârtuksanik. Sivorngane (nellautainerilauktapsingnik) okautitigut, kanok illi-ngangmatta, ômamiutarijomârpavut tagva tukkisivlugillo, nellautsimangâta. Ubvalo pijomârtuksanik tussartitigut.

23 Mattoma kingorngane pijomârtuksat okautigisigik uvaptingnut, tukkisijomârpogut tagva, Gûdeogapse. Illa, piniaritse ajungitomik piungitomiglônêt, takkôtilluta sôngoner-saujomautijomârpogut tagva. —

24 Ahâk, suksaungitomik pivose, piniarniselo pujôvut, illipsingnik anerosuktok ôminartoksôvok.

25 Avangat kairkojivunga, tikkiporlo sekinerub nuivianit attimnik opigosuktok. Attanerutsit tikkipait machaktut illi-ngatillugit, machaliortitut tukkartortotut machamik.

26 Kia nellonarungnairtikaûk pigiarninganit? Kaujijomârpavut tagva. Kialo (nellonarungnairtikaûk), pilerkârtinago? Okaromârpogut tagva: nellautsivok. Kissianele nellonarungnairtitsijokangilak, tussartitsijokangilak, tussartoxangilak okausipsingnik.

27 Uvanga sivorliovlunga Zionemut okarpunga: Ahâk, tagga! Jerusalemullo tussarnertunik okâlajuksanik tunidjivunga.

28 Nautsertorama inukangilak, kaujijokangilarlo taipkoa (Gûdingoat) akkornganne apersortaujungnartomik kiojungnartomiglo.

29 Ahâk, illûnatik attornalungilat, piniarningillo suksaungilat. Gûdingoangit pujortut-idlutik piotsangilat.

KAP. XLII.

Nälekab kivganganik.

1 **AHAK**, tagga kivgara serngnigijara, anerijara, tarnima kuviagijanga. Anernera tunivara täpsomunga, erkartuijutiksanik ätsijomârpok nellojunut. (Matt. 12, 18.)

2 Tämna kaggudlaromângilak kaigarsuganelo, nippingalo tussaksaujomângilak igloksuit akkornganne.

3 Iviksoak suvloik napvaujimajok serkomitsomângilâ, mannerlo kammilertok kammitsomânginivâ, erkartuijutiksat nâmaksititsomârpait nellâgut.

4 Sangêleromângilak ajuleromânginivok, nâmaksititserkârane erkartuijutiksanik nuname, kikkertamiullo mallitsialerkârtinagit ajokertûsinginik.

5 Imâk okarpok Gûde Nâlegak, kilangmik pingortitsijok tessiterijorlo, nunamik issivitsijok perortunginiglo, inungnut kânganêtunut inôtsemik tunidjijok, anernermiglo tunidjijok arvertartunut tagvane:

6 Uvanga Nâlegaujunga kairkovagit, idluartomik illiorlunga, aggatit tiguvakka, sapputivagit, angerutigijaujutut illingatipagit inungnut, kaumaksaijuksatut nellojunut.

7 Utitserkovlutit tautungitut ijinginik, annititserkovlutillo parngnanairsortaujuunik parngnanairsimavingmit, târmiuniglo iglomit parngnanairsimajomit.

8 Uvanga Nâlegak, tagva attera; nertornarnera tunijomangitara assimnut opinarneralônêt Gûdingoarnut.

9 Ahâk, okautigilauktakka sivorngagut nellautsivut, pijomârtuksanik okâlavunga, pilerkârtinagit tussartaurkovakka illipsingnut.

10 Imgerumik nutâmik imgeritse Nâlekamut; opigisiuk nunaksûb kiglinginit, illipse imarbiksiortose imaksûb illuanêtullo, kikkertat nunakartullo täpkonane.

11 Nipliadlarlit naternat iglugasaksoangillo iglugasaillo, Këdarikkut innigijangit; inname nunakartut nertorderlit; kakkat kânginit nipliadlartokarle!

12 Täpkoa Nâlegak opigilitsuk nertornarningalo okantigivlugo kikkertane!

13 Nâlegak annijomârpok sangijoksoatut, sorsuktuksatut illungertoromârpok, nipleromârpok nipperkortojomik, ajugaujomârpok akkerartortiminut.

14 Nippangeralloarpunga sivikitomiungitok, nippekarnanga kikkarlungalo. Mânale ernisuktotut nipliadlarpunga aner-saumivlunga Alavlungalo.

15 Kakkat kakkârulaillo asseroromavakka, iviksukallo kânginêrut pannilertitsomavakka; kôksuit kikkertangortitsomavakka tessillo imekarungnairtillugit.

16 Tautungitulles ingergatitsomavakka apkutikut illisimangitangatigut, apkosinikut illisimangitangatigut tessioromavakka; tâksoak kaumajungortitsomavara sângine mannêtullo manniksarlugit. Taimak piniarvigijomavakka kemangniarnagillo.

17 K sumut aijuksauvut tagva kangusnuktitaavlutik Gûdeungunuk tettekartut, Gûdingoanullo okartut imâk: illipse Gûdigivapse.

18 **Tussilartose**, tussaritse! tautungitoselo, uitaleritse takovluselo!

19 Kina kivgaptut tautungitôvâ? Kinalo tussilartôvâ tillijaptut airkojaptut? Kina Nâlekab illannârijangatut tautungitôvâ? kinalo kivgangatut tautungitôvâ?

20 Unuktut takogalloarlugit erkaumalungilattit, siutikik angmaralloartillugik tussalungilatit.

21 Idluarnine oivlugo Nâlegak kajusilerpok, perkojat angijôtillugit ivlernarullugillo.

22 Ukkoale inugiarput tigliktaumajut, aksârnigaujut, kairosungnêput kellaksortauvlutik, iersinavut parngnanairsimavingne. Aksârnigauvut piuliklertekaratiglo, tigujaavut okartokangilarlo: Uttertikit!

23 Kia akkonapsingne tamanna tussarkaûk, kamagitsiarlugo nâleklugolo kingorngane?

24 Kia Jâkokkut tunivagit aksârnigautillugit Israêlitillo arktaijunut? Nâlegak idluitullivigijavut taimailiulungilâk? Tâpsomale apkutingine arvertaromangilat, perkojangillo nâlelungilait.

25 Taimaimat ningautsine erksinartoksoak kovivâ taipkonunga unatadlarnersoarlo; avatâtigut ikkoalagalloarpuk. kissianele tamanna tukkisingilât, ikkitsigalloarpuk, kissianele tamanna ðmamiutaringilât.

KAP. XLIII.

Gûdib imukotingita nâpkigijauunngannik.

1 **MANALE**, imâk okarpok Nâlegak, pingortitit, Jâko, senajit, Israêle: Sivoraniarnak, piuligapkit, attit taivlugo keirkogapkit. perkutigigapkit.

2 Imaksoarnik ikâruvit, illaginiarpagit, kôksoarniglo (ikâruvit) ippititauniangilatit taipkonunga; ikkomakut inger-gaguvit, ôtauniangilatit ikkoaladlarninganullo ikkitauniangilatit.

3 Uvanga Nâlegaugama Gûdit, ivlernartitok Israêlikkune. piulijit. Egiptene Etiopialo Sebalo akkiliutigivlugit tunivakka pivlutit.

4 Erdlingnartoksôgavit ijîmnut ivlernadlarlutillo, uvangalo nagligigapkit, taimaimat inuit tunivakka pivlutit inugiertok-suillo tarnit pivlugo.

5 Sivoraniarnak, illagigapkit! Kinguvârijarnik kaitsivunga sekinerub nuivianit nippivianillo kattorsorlugit.

6 Apsomunga okarpunga: Kaikit! aksomungalo: Agviar-niarnak! Ernikka tamaungartilersigik ungasiktomit panikkalo sillaksûb issuanit,

7 Illûnaita attimnik taijaumajut, pingortitakka nertortaujutiksammnut, âkiksorlakka, senajakka.

8 Annilit inuit tautungitut ijekaralloartut, tussilartullo sintekaralloartut.

9 Nellojut illûnamassiatik kattilerlit, nunakatigêksuillo attautsemut pilit! Kina taipkoa akkornganne taimaitomik nellautaijungnarkâ? Tussartiligit okautigijamingnik sivornagut: kigligiudsijuksat sakkertiligit idluarsartaujomavlutik. Tagva tussaromârput okarlutiglo: Taimailingavok nellâgut.

10 Illipse kigligiudsijôvose pivlunga, okarpok Nâlegak, kivgaralo anerijara, kaujilerkovluse okperkovluselo uvamnnt tukkisilerkovluse, uvangaugama. Sivunipkut Gûdeojomik pijokangilak, kingunipkullo pijokaromânginivok.

11 Uvanga, uvanga Nâlegauvunga, assimnik piuliklertekangilak.

12 Uvanga nellautaivunga piuliklerlungalo kaujijautitsivlungalo, assimniglo Gûdekangilak akkonapsingne. Illipse kigligiudsijôvose pivlunga, okarpok Nâlegak, uvanga Gûdeogama.

13 Mânanittauk uvanga tâmnauvunga, aggamnillo piuliklertekangilak. Piniaruma, kia agviaromarkângâ?

14 Nâlegak piulijise, ivlernartitok Israêlikkune okarpok imâk: Pivluse aijokarkojivunga Bâbelemut, illûnaitalo kemâ-tillugit attersârtitsomârpakka (kôngmut) Kaldêarillo umiak-soanginut allianartunut.

15 Uvanga Nâlegauvunga, ivlernartitok akkonapsingne, Israêlemik pingortitsijok, attanise. (2. Moa. 14, 22—28.)

16 Imâk okarpok Nâlegak, apkosinelliortok imarbingme imaksoarnelo iktullijâdlartune apkutiksaliortok,

17 Kamutiniglo horsiniglo sorsuktuksaksoarniglo pitsar-tuneliksoarniglo annerkojijok, inariartortillugit makkinermiglo ajulertillugit kammilugillo, sôrlo mannek kammingmat:

18 Pijokartut itsak erkaumajungnairsigik, kângersimajullo kamagijungnairsigik!

19 Ahâk, nutâmik senajomavunga; mâna nuilerpok. Missigingipisiük? Illa apkosinelioromârpunga inukajuitome imekajuitorlo kôkartillugo.

20 Naternab ômajungita nertoromârpanga, terrianiangajullo staraussillo, sunakajuitok imekartigupko, imekajuitok kôkartillugo, inukotikka anerijakka imertitsomavlugit.

21 Inuit tâpkoa âkiksorpakka uvamnut, nertornadlarnera okautigijaksarivât.

22 Igville, Jâko, tuksiarvigilungilarma, illungertorlungilatit (tuksiarvigivlunga), Israêle.

23 Kaitsilungilatit uvamnut saukkanik tunergutingnik ôtaksanik, tunergutingnullo tokotaksanut nertorlungiarma; pagvisâlungilagit, tunergutit nerkiksat (pijomavlugit), siornior-tilungilagit, (kutsox) tippitsiariksautiksak (pijomavlugo.)

24 Kênaujanut iviksuit tippitsiariktut pissiarilungilattit uvamnut, tunergutivillo ôtaksat orksungannik nâmaksitilungilarma; imâgle: idluinernut pagvisârpakka, idluitullinernullo siorniortipakka.

25 Uvanga, uvanga idluinitit pêjarpakka uvanga pivlunga, idluitullinitillo issumagijungnairpakka.

26 Erkaitinga! erkartortigêlaukta! okalerit idluarsarasuarlutit!

27 Sivorlerijavit sivorlerpângat idluitullilerêrpok, ajoker-tortivillo tunnupânga.

28 Tamanna pivlugo angajokaujut ivsornaitovingme ivlernarungnairtipakka, Jâkokkut ôminartillugit Israêlikkullo mittautaunartillugit.

KAP. XLIV.

Gûdingoat piunginingannik.

1 **MANALE** tussalerit, kivgara Jâko, Israêlelo anerijara.

2 Imâk okarpok Nâlegak pingortitit, anânavit timinganit pairijit, ikajortit: Sivoraniarnak, kivgara Jâko, Jessuru (Israêle) anerijara.

3 Iermik kovisijomârama imeruktomut kôngniglo panner-

tomut; anernera kovijomârpara kitorngarnut saimarsautigalo kinguvângnut.

4 Iviksukallo akkornganne peroromârput sôrlo ukpigait kôt sinningine.

5 Illangat okaromârpok: Nâlekab pigivânga; aipangalo Jâkob attinganik nertordleromârpok; pingajuaglo aggangminut aglaklune perkutautitsomârpok Nalekamut, Israëliblo attinganik atserartanjomârpok.

6 Imâk okarpok Nâlegax, Israëlib attaniga piulijingalo, kilangmiugasaksuit Nâlegangat: Uvanga sivorliovunga, uvangalo kingorliovunga, assimniglo Gûdekangilak.

7 Kinalo uvaptut okâlavâ (okautituin⁷linga kaujitillungalo!) taimangat, itsaksoame inuit pingortigapkit? Pijomârtuksallo nellintuksallo kaujijautitaulit taipkonunga.

8 Sivoraniarase erksiniaselo! Sivorngane tamattominga kaujitolungilapsê tussartilluselo? Illipse kigligiudsijôvose. Assimnik Gûdekarkâ? Kairtokangilak, assimnik kaujilungitunga.

9 Gûdingoanik senavaktut illûnamatsiatik piungitoksôvut, pinnârijangillo suksaungilat, kigligiudsijullo (ikajortiksangit) takolugatiglo missigingilat, kangusuktitaurokvlugit.

10 Kina Gûdeliorkâ, Gûdingoamik senavlune attoraksaungitomik?

11 Ahâk, illagijangit illûnatik kangusuktuksauvut. tamakkoninga senajut inutuinauvut. Taipkoa illûnatik kattimalerlutik sakkeralloarunik, kakkilârtuksauvut kangusuktuksaularmiglo.

12 Sabviorte kikiangniunik kênaksaivok, sullijaksakarpok nussugvingme, ujaratsiamullo Gûdingoaliorpok, tallime nukkinganut senavlugo. Kâlerpoktaux nukkekarungnairlunelo, imingikune sangêlerpok.

13 Kejulerijok nokakservallaunik attorpok, titterautikut nellunaikuserlugo Gûdingoaliorpok savingmut, ôktorlugo angmalokitausiutikut, angutib tautua adsilivlugo, inûb ânananninga adsilivlugo, iglome innekarkovlugo.

14 Napârtut kippijartoromavlugit (inûb) napârtut sittijoksuit aigillo anerivait nellunaikuserlugillo napârtut tagvanêtot akkornganne. Napârtoarsungmik illijivok ivjomut, tâmnalo sillalungmut perortitauvok.

15 Taimna ikkomaksauvok inungmut. Illanganik attorlune kitjakejârpok, amma illanganik ikkitsivlune kakkôjaliorpok, amma illanganik Gûdingoaliorpok tuksiarvigivlugolo, adsingoaaliorpok sêrkortorvigivlugolo.

16 Abvakunga ikkomamut nungupâ; abvakunga attorpâ nerke igavlugo nerriniarlune, nerkele jarralugo akeartorniarlune; kitjakejârlunelo okarpok: Kuvê, kitjakejârama, ikkoma takogapko.

17 Amiakunganiglo Gûdingoaliorpok Gûdingoakotigijomav-lugo, sêrkortorvigivlugolo pâmaktervigivâ, tuksiarvigivlugolo nipliavigivâ: Piulilaungminga, igvit Gûdigigapkit.

18 Tukksinatik missigingilat, takpêtitaugamik, ijingit takorkonnagit ômasingillo tukkiserkonnagit.

19 Tamannale ômamiutaringilat, illisimanekaratiglo sillatunekangilat, imâk issumakarlutik: Abvakunga ikkomamut nungupara, aumanginelo kakkôjaliorpunga, nerkemiglo jarra-sivlunga nerrivlungalo, mânalo amiakovininga makojungnar-tungortitaksarivigô, napârtoviniub kejugata sângane sêrkortorniarlunga?

20 Argjat (tiktaujut) tigunasuarpait, ômasingata uivêri-jaumajub tammartipâ, tarnine piulivlugo sapperpâ, imâglo issumakangilak: Tallerpiga uivêrinartunik sullijaksakangilâk?

21 **Tamattominga** erkailerit, Jâko Israêlelo, kivgarigapkit. Uvanga pingortipagit kivgaulerkovlutit uvamnut; Israêle, puigorniarnanga!

22 Idlultullinitit pêjarpakka nuvujatut (tiktautillugit) ajortullinitillo pujortut. Sâviginga, piuligapkit.

23 Kilait, nertordleritse, Nâlegak tamattominga piniarmat! nunaksûb inningit akpasiktut, nipliadlaritse! kakkat, iggia-komijaritse napârtoliksuit napârtullo tagvanêtnut tamaita illa-givlugit. Nâlekab Jâkokkut piulingmagit Nâlegaujotôvlune Israêleme.

24 **Nâlegak** piulijit, pairijit anânavit timinganit okarpok imâk: Uvanga Nâlegauvunga, tamainik piniartunga; kissima kilak issivipara nunamiglo nerrototitsivunga, ikajortekarnanga.

25 Nellautainerdluktut nellunaikutanginik nungutitsijunga, pijomârtuksaniglo okarpaktut illisimaitillugit, sillatojuniglo uttertitsijunga, sillatuningat sillainartillugo.

26 Kivgamale okausinginik nellautsititsijunga, tillijamalo kajusimautigijanginik nâmaksititsijunga, Jerusalemullo okar-tunga: Inukalerit! Jûdablo iglugasaksoanginut: Iglokaleritse! asserorsimajuniglo tagvane âkiksoivunga.

27 Imarbiksûb ittininganut okartunga: Ipteriligit! inger-garnerillo pannilertungortitsomavakka.

28 Korassemut okartunga: Tâмна pairsijungortipara, pijomajaralo tamât nâmasititaksarivâ, Jerusalemut okarkov-lugo: Iglukalerit! Kattimaviksûblo tungaviksangit illijaulit!

KAP. XLV.

Korassemik. Israëlitit piulijauningannik.

1 **IMAK** okarpok Nālegak mingoartaminut Korassemut; tāmna tiguvara tallerpiagut, nellojut sālagijomavlugit tāpsoma sāngane attanersuillo saviksoangit pēromavlugit, upkuat upkuertaurkovlugit tāpsoma sāngane, upkuaksuillo parngnanair-taujunga nairkovlugit:

2 Uvanga sivunikkut ingergajomārpunga, mannētut manniksarlugit, upkuallo kannujaujut serkomitsomārpakka pallangairuttillo kikiangojut naviklugit.

3 Pivianartoksuillo angiarijaujut ivlernartoksuillo ijernimajut tunijomārpakka illingnut, tukkisilerkovlutit, uvanga Nālegaujunga, Israëlib Gūdinga, attikkut kairkogapkit.

(kap. 45, 1. 44, 28.)

4 Kivgara Jāko pitjutigivlugo, Israëlelo anerijara pitjutigivlugo attikkut kairkovagit atserarluttillo, illitarkserkârtinak uvamnik.

5 Uvanga Nālegauvunga, assimniglo Nālagakangilak, assimniglo Gūdekangilak. Uvanga ketteruserpagit, illitarkserkârtinak uvamnik,

6 Sekinerub nuivianit nippivianut missigilerkovlugit, assimnik pijokatsangimat. Uvanga Nālegauvunga, assimnik Nālegakangilak.

7 Kaumajomik pingortitsivunga tāktokarkojivlungalo; pilloringnermik tunidjivunga kanoetokarkojivlungalo. Uvanga Nālegaujunga tamakkoninga tamainik piniartunga.

8 Kilait, kussileritse pāngat, nuvujanillo idluarnermik korlortokarle! Nuna aitarle, piulijaujutiksamik annititsivlune, idluarsartaujutiksamiglo nuilertitsivlune. Uvanga Nālegaujunga tamanna pingortipara.

9 **Kaplianarmêk** akkerartortok pingortitiminut, machainak machait ivjomit pijut illangat. Machak machaliortiminut okaralloarkâ imāk: Sumik sullivêt? — senajallônêt pivlutit okarkâ: Aggakangilak tāmna?

10 Kappianarmêk atâtaminut okartok: Sôk kinguvâksarsiorikêt? anānaminullo: Sôk ernivêt?

11 Imāk okarpok Nālegak, ivlernartitok Israëlikkune, pingortitingat: Pijomärtuksat uvamnūt aperkutigisigik, kitorn-gakkalo aggamalo senajangit perkosigik uvamnūt!

12 Uvanga nuna senavara, uvangalo inuit nunamētut pingortipakka, uvanga aggamnut kilak issivipara, pitanginullo illūnamassianguit Nālegauvunga.

13 Uvanga taimna kairkovara idluartomik, apkutiksangillo tamaita manniksarpakka. Taimna iglugasaksoalioromârpok pimnik, inukotimniglo parngnanairsortaujunik annirkojijomârpok, akkiliusiat pilliusiallônât pitjutiginagit, okarpok kilangmiugasaksuit Nâlegangat.

14 Nâlegat okarpok imâk: Egiptenemiut kattersistangit Etiopiamiullo perkutigijangit inuillo takkijut Sabamiut tikkit-somârpok illingnut, perkutigijomârpattillo, taipkoalo malligomârpât; kellaumgujanut kellaksortauvlutik kajjomârpok, pâmakterlutiglo sângne tuksiarvigijomârpât: Gûde illingnêtuinarpok, tâpsomalo assianik Gûdekangilak.

15 Illa, igvit Gûdeovotit ijertortok, Israëlîb Gûdigijanga, piuliklerteojotit.

16 Gûdingoaliortut illûnatik sillasiortuksauvut kangusuktuksauvlutiglo, illûnamatsiatik illerasuktuksauvut.

17 Israëlêle piulijaujomârpok Nâlekamut, piulijauviksakar-titauvlune issokarniangitomik. Kangusuktitauniatsangilase mittantauniatsanaselo nâksaungitomut aglât. (Ebr. 9, 12.)

18 Imâk okarpok Nâlegak, kilangmik pingortitsijok, Gûdeojok, nunamik senajok âkiksorlugolo tunganelivlugolo; — tamannalo pingortilungilâ inukartailivlugo, inukarkovlugole âkiksorpâ —: Uvanga Nâlegauvunga assimniglo Nâlegakangilak.

19 Sagvangitome okalungilanga, nunab inningine târtune; Jâkob kinguvânginut okalungitunga: Kennersinga sullinase! Uvanga Nâlegaujunga idluartunik okausekarpunga, nellâgôr-tunik nellunaijavunga.

20 Amiakôjose nellojunit, kattimaleritse tamaungakatigêkluselo! Sillaiput akjartortut Gûdingoakotimingnik kejungnik, tuksiertut Gûdemut ikajorungnangitomut.

21 Okâlatitse, tamaungarluselo kaggimioleritse! Kia itsaksoarnit tamanna tussartautipaûk kaujjautillugolo sivornganenit? Uvanga Nâlegaujunga tamanna pinialungitarâ? Assimniglo Gûdekangilak, idluartôjomik piuliklerteojomiglo Gûdekangilak assimnik.

22 Sâgialeritse uvammut, piulijaujomârpok tagva, sillaksoarmiôjose tamapse; uvanga Gûdeogama, assimniglo Gûdekangimat.

23 Angermarikpunga nangminimnik taivlunga, okauserlo annivok kannimnit nellâgôrtoomit; tamanna sokkoserniatsangilak imaitok: Sêrkut illûnamatsiatik sêrkortorvigijaksarivânga, okallo illûnamatsiatik angervigijaksarivânga. (Rom. 14, 11.)

24 Okartuksauvullo pivlunga: Nâlekame kissiane idluar-sainermik pitsartunermiglo pitakarpok. Tâpsomungalo tikkit-somârput, illûnatiglo tâpsominga ômisuktut kangusuktitaksauvut.

25 Nâlekamut Israêlib kinguvângit illûnatik idluarsititaujomârput, tâmnalo nertôtigijomârpât.

KAP. XLVI.

Gûdingoamik.

1 **BELE** pâmangavok, Nêbo ochosi.navok, adsingoangit nergjutinut nujuartunut nergjutekotinullo pititauvut, (Gûdingoat) nangmakattartase ussijauvut, merngortortunut (nergjutinut) ussijauvututik.

2 Ochosimavuk illa pâmangavlutiglo attautsekt, ussiksat piulivlugit sapperpait, nangminex parngnanairsimavingmut aijuksauvuk.

3 **Jâkokkut** illipse. tussalersinga, illipselo Israêlilit amia-kuugit! erksuktajose uvamnut anânapse timingata illuanênipsingnit, nangmartaujoselo uvamnut nutaraunipsingnit.

4 Uvanga tâmnautsainarpunga inutokaunipsingnut aglât, kêrtolerluse uvanga erksukpapse. Uvanga taimailiorpunga, uvanga nangmarpapse, uvanga erksukpapse piulivluselo.

5 Kinamik adsekartitsomavisingâ, adsiliortillunga tâpsomunga? Kinamut adsigênasugivisingâ?

6 Taipkoa goldemik navitsivut pôngmit, silberemiglo ôktûtinut ôktorput; goldelerijok akkilerpât, Gûdingoamik senarkovlugo. Tâmnalo sêrkortorvigivlugo tuksiarvigivât.

7 Kivikpât tuimingnut, erksuklugolo inniksanganut illivât. Tagvane kikkarpok inniminit nûtsanane. Nipliaviogalloarune, kiotsangilak, kappiasungningannillo piulitsangilait.

8 Tamattominga erkaileritse aulajungnangerluselo, tamanna ômamiutarisiuk, tappatojose illipse!

9 Itsarnitat, mattoma sivorngagut pijokartut erkaumalersigik! Uvanga Gûdeoovunga, assimniglo pekangilak, Gûdeoovunga, uvaptut-itokangilak.

10 Pigiarnemit kaujijautitsigêrpunga kingorngane pijomârtuksanik, sivorngagullo kaujijautillugit nelliutilungitut sulle; okertungalo: Kajusimantigijara sokkoserniatsangilak, idluarijakka tamaita nâmaksitipakka.

11 Tingmiarsoak kairkovara sekinerub nuivianit angullo kajusimautigijaminik piniartok nunamit ungasiktomit. Okautigijamnik nellautsititsivunga, issumagijamnik piniarpungatauk. (kap. 45, 13.)

12 Tussalersinga, õmatekartose sittijunik, ungasiktose idluarnermit.

13 Idluarsaiviksara kannitomut pitipara, ungasigungnairpok; piuliklerviksara mullutsangilak. Piuliklerteojomärpunga Zioneme Israëlelo änanasilerlugo.

KAP. XLVII.

Bäbelib asserortauninganik.

1 **AKKARIT** sauningnullo ingitit, uigasuk igvit, Bäbelib pannia; iksivautakarungnairlutit ivjomut ingitit, Kaldëarit panningat. Maitomik nikkanartomiglo taijaksangilatit kingornagut.

2 Serkalitsivik tiguylugo sennaugaliorit, kënailitat pëjaruk, annorât kugvartiuk, niükik annoraijarlugik imakôrit.

3 Kangusûtiksatsakkijärtuksauvok, kangunarnit takuksaurkovlugo. Akkiniaremauvunga, inuit nelliallônêt nikkaginago.

4 Piulijivut tâmnauvok. kilangmiugasaksuit Nälegangat tagva attinga, ivlernartitok Israëlikkune.

5 Nippangerlutit ingitit, tâksoamullo ailerit, igvit Kaldëarit panningat, arnamik attaniovngnut attaniojomik taijaksangilatit kingornagut.

6 Inukotikka ängaumavigivlugit kingormgutijakkalo ivlerijungnairlugit aggaangnut tunigapkit, takopsoajuipotit taipkonunga, inutokaujut okumailuatomik perkovattit.

7 Issumakarlutillo imäk: Soraijuitomik attaniovunga. Tagva tamakkoa õmamiutaringilattit issumaksarsiorutigina-gillo kinguniksangit.

8 Taimaimat, mattominga tussarkovagit mäna, igvit ikligosuktotit, terliklutit inöjotit, okausekartotillo õmatingne: Uvanguuvunga, uvaptut-itokangilak. Ugarniojomâtsangilanga, kitorngairutinermit tukkisijomângilanga.

9 Kissianele tamakkungnunga tamangnut tikkitaujomärpotit tagvainak uvlorme attausênarme; kitorngaerutivlutit uigarniojomärpotit, illa tamakkungnunga tikkitauumarigomärpotit, angakkokaluaralloartillugo elisênartokaluaralloartillugolo sõngojunik illingne.

10 Pingijaitoksônit tettiivat issumakarlutit: Takunârto-kangilak uvamnik. Illisimanivit sillatunivillo uivêringmattit, ômatikkut okarpotit: Uvanguvunga, uvaptut-itokangilak.

11 Taimaimat, kanoetub tikkitsomârpâtît, pêrlugolo kanok nellojomârpât; asseroijub tupvigijomârpâtît, saimarlugolo ajoromârpât; tagvainak nungutitsijub tikkitsomârpâtît, mallugosurkârtinak taimak.

12 Attê! sakkijâtuinarit elisêniartokotitit angakkokotitillo unuktovaksuit illagivlugit, taipkoa inôsungnernit illungertûtigigangne! Sullitsiarungnarpalukpotit imakâ ajugauvlutit.

13 Issumaksarsiohattarlutille merngortulerpotit. Ikajori-artorlit tagva illisimajut kilaub illinganinganik, uvlorianik ullernaituivaktut, pijomârtuksanik illingnut okasôngojut, takkek angmalorilerangat.

14 Ahâk, iviktitut-iput, ikkomamut nungutauvut, inôsitik ikkomaksoamit piulivlugit sapperpait, ikkomaksoak tamanna kitjakejârviiksaungimat, ikkomablo avatâ iksivaviksaungilak.

15 Taimailingavut illungertûtigijattit taipkoa. Tujormiat niuvervigijatit inôsungnernit attunit kemâvut inniksamingnut, piuliklertekangilatit.

KAP. XLVIII.

Israêlemut.

1 **TAMANNA** tussarsiuk, Jâkkokut illipse, Israêlitiinik atserartaujose, Jûdab piulavianit pijose, illipse angermariktose Nâlekab attinga taikassiutivlugo, erkaijose Israêlib Gûdinganik, miksekârtomigle pinase, nellâgôrtomik pinase.

2 Iglugasaksuit ivsornaitut inunginik taivut, Israêlib Gûdinganik tettekarpit; kilangmiugasaksuit Nâlegangat tagva attinga.

3 Itsaksoak pijokartut kaujijantitsarêrpakka pilerkârtinagit; kanimnillo annisimangmatta, okautigigapkillô, tagvainak nellautsitipakka nelliutitillugillo.

4 Mangaidlarnit kaujimagapko kollêkiglo nukkekartuk kikkiangojunik, kaullo kannujaujok,

5 Tamanna pivlugo sivornagut okautigivakka, kaujijautillugit illingnut nelliuterkârtinagit. okarkonak: Gûdingoara taimailiorpok, inungoakotigalo Gûdingoaralo tamattominga perkojivuk.

6 Tamakkoninga tamainik tussarpotit takovlutillo. Kigli-giutigijomangipisigik? Mānanit tussartipagit nutānik, nello-nartunik, kaujimangitarnik.

7 Māna pingortitauvok, siv ragut pinane; mattoma sivorngagut tussalungilat, okause konak; Ahāk, nellungi-galloarpara.

8 Tamanna tussalungilat, kauj.malungilallo, siutikiglo angmalungilak sivorngane, kaujimagapkit nellāgōlunginavit. nutaraunernillo tappatojoksōjomik taijaugavit.

9 Attera pivlugo kennuersārpunga, opinartoksōneralo piv-lugo illungertolungilanga nungutsomavlutit.

10 Ahāk, auktipagit, silbereolungigalloaravit, ōktorpagit auktsivingme kappiasugvingme. (I. Petr. 1, 6. 7.)

11 Pivlunga, illa pivlunga taimailiorpunga. Attera kanok nertornarungnairtitaunajarkā. (taimailiungikuma)? Opinartox-sōnera tunijomangilara assimnut.

12 Jāko, tussalaunga, Israēlelo kairkojara: Uvanga uvunga, sivorliovlungalo kingorliovunga.

13 Aggama nunaksoak senavāt, tallerpima kilait issivipait; kairkogapkit, sakkijālerput tagva illūnatik.

14 Kattimatitse illūnase tussarluselo: Taipkoa (Gūdingoat) akkornanne kia tamakkoa okautigivagit? imaitut: Nālekab nagligijanga pijomajaminik piniaromārpok Bābelemut, talling-atalo Kaldēarit pidlaromārpait.

15 Uvanga, illa uvanga okautigivara, uvanga kairkovara, tikkerkovara ingergatsiartillugolo. (kap. 45, 13.)

16 Sātitse uvammut tussarluselo tamattominga: Okalungi-tunga itsak sagvangitome. pigialertillugo uvanga tamānē-punga. — Mānalo Nālegak Gūde tilliklerpok uvamnik aner-nerminiglo.

17 Imāk okarpok Nālegak piulijit, ivlernartitok Israēlik-kune: Uvanga Nālegaujunga Gūdit, idluarkutiksarnik ajoker-torpagit tessiorlutillo apkome apkutigijaksarijarne.

18 Kanoktōk perkojakka nāleksigik! tagva ullapirsau-tekarnit kōktut illinganajarpok idluarsinillo imarbiksūb mallingtitut.

19 Kinguvāksatillo siorkatitut unuktiginajarpot ernijak-satillo ujarārsuktitut. attingillo pētaunajatsangilat nungutau-natiglo kēnammit.

20 Aularitse Bābelemit! xemātitse Kaldēarinit, nertord-lerutiksānik imgerluse! Tamanna okautigisink tussartau-tillugolo kaujiautillugolo sillaksūb issua tikkidlugo! Okaritse: Nālekab kivgane Jāko piulivā.

21 Imerulungilat, imekajuitokut tessiormagit, imiksangan-
nik korlorkojivok kairtomit: kairtok koplormago, imek kor-
lorpok tagva.

22 Idluitunulle ullapirsautiksakangilak, okarpok Nălegak.

KAP. XLIX.

Gûdib kivganganik. Israêlitit năpkigijauningannik.

1 **TUSSALERSINGA** kikkertamiôjose, nunakatigêktoselo
ungasiktome kamatsialeritse. Nălekab kairkovănga nutarau-
nimnit; anănama timingata illuanêtillunga sulle attera er-
kaumavă.

2 Kaneralo saviksoatut ipiktotut illingatipă, aggame tacha-
lininganut ijertorpănga, kênariktomik kargjungortipănga,
kargjokautiminelo ijertorpănga.

3 Okautivăngalo: Kivgarivagit, Israêle, illingne nertornar-
silerpunga.

4 U'vangale okarpunga: Sullitsananga sullijaksakadlar-
pung, nukkimmiglo nungutsinerdlukpunga suksaunanga.
Sullele erkartortaujutiksara Nălekamêpok, akkilertaujutiksa-
ralo Gûdimnêpok.

5 Mănalo okarpok Nălegak nutaraunimnit pijok uvannik
kivgarijomavlunga, Jăkokkunik săgiartitserkovlugo tăpsomunga,
Israêlitollo katttersortaurkovlugit — taimaidlungalo nertornar-
punga Nălekab săngane, Gûdigalo pitsartutigivara —

6 Okarporlo: Nămangilak, kivgarigapkit kinguvarêt Jă-
kokkut makkitillugit torkortaumajullo Israêlikkunit utterting-
mivlugit, kaumaksaijungortipagittauk nellojunut, piulikleru-
tigivlutit sillaksûb kiglinganut. (Luk. 2, 32.)

7 Nălegak, Israêlib piulijinga ivlernartitok okarpok imăk
tarnilit nachogijangannut, innit makojugijangannut, attaniăluit
kivgangannut: Attanersuit takonăromărput nikkovilutiglo,
attanerillo pămakteromarput Nălegak nertornartok pivlugo,
ivlernartitok Israêlikkune pivlugo illingnik anerosuktok.

8 Nălegak okarpok imăk: Tussarpagit nellitome saimar-
săivingme ikăjorlutillo uvlorme piulijauvingme; serngaigijomav-
lutillo angerutigijanjotut illingatipagit innit akkornganne,
nunamik idluarsairkovlutit, kingormgutijaksaniglo asseror-
taumajunik aitortuilerkovlutit.

9 Okarkovlutit parngnanairsimavingmêtunut: annititse!
tăksiortunullo: sakkeritse! Apkosinerne nerkiksarsijomărput,
kăkkărulangnelo tamaine nerrimărviksakaromărput.

10 Kāgomāngilat imerulugatiglo, kiangmullōnēt sekiner-mullōnēt pijaujomāngilat, nāpkigijingata pairijomārmagit tessi-orlugit imernut puilajunut.

11 Kakkakka tamaita apkutiksautitsomārpakka, apkosinikkalo maniksidlaromārput.

12 Ahāk, ukkoa ungasiktomit tikkit somārput; ahāglo, ukkoa avangat imarbingmillo, ukkoalo Sinīt nunangannit.

13 Kilait illipse, opigosugitse! nunaksoak igvit, kuviasugit! kakkat illipse iggiakomijaritse! Nālekab inukotine manigormagit ajulertokotinelō nāpkigingmagit.

14 Zlonele okarpok: Gūdib kemakpānga. Nālekab puigorpānga.

15 Arnab nutarane puigorungnaralloarkaūk, erniarijane nāpkiginago? Tāpsoma puigorungnaralloarpagolōnēt, uvanga puigutsangilagit. (I. Attan. 3, 26.)

16 Ahāk, ittimamnut aglakpagit, avalukotitit sāmnet-sainarput.

17 Kitorngatit tuavitsomārput, illingnik serkomitsijut asseroijullo aularomārput illingnit.

18 Ijīkik uitarlugik avatingnētunik takonārit: tāpkoa kattimajut illūnatik nellipsarpātīt. Sōrlo nellāgut inōgama. okarpok Nālegak, tāpkoa tamaita attijomārpattit ānanausijutiksātut sōrlo, tapserutigivlugillo nulliaksātut sōrlo.

19 Nunat inuerutijok asserortau majorlo serkomitaujorlo nellitome tamattomane mikkiluaromārpok inungnut, asseroijullo illingnik ungasikput.

20 Kitorngatillo assine erniangomajut tussartillutit okaromārput: Nerrokiluarpok inniksara, nūgalagit. inniksakarkovlunga.

21 Omatingnele okausekaromārpotit tagva imāk: Kia ukkoninga ernertārtipāngā kitorngaerutijunga, kitorngisuitunga, pingujartaujunga, nūsimajunga? Kialo ukkoa inugoivagit uvamnut? Ahāk, kissima amiakōlaukpunga; ukkoale nanē-laukāt?

22 Imāk okarpok Nālegak Gūde: Ahāk, aggamnut nellojut nulloraromārpakka, nunakatigeksoarnullo saimaseromārpunga kattilerutiksaujomik, tagva ernitit sārldiarlugit panitillo erksuklugit tamaungartitsomārpait.

23 Attanersuillo pairijigijomārpattit, attaniojullo nulliangit amāmaktitigijomārpattit. Pūtsomārput nunamut sāngne, ittikavillo sanningit alluktoromārpait. Tagva missigijomārpōtit, uvanga Nālegaugama, tāpsomingalo nerriuktut kangusuktitauntsangimatta.

24 Sangijoksoak aksârtajungnarkâ piminik? ubvalo parngnanairsimavingmêtut annijungnarkât, idluartôgamik?

25 Imâgle Nâlegak okarpok: Illâle! sangijoksoak aksârtajomârpok parngnanairsortaurkojaminik, pimmaritertub aksârniгарijangit annijomârput; akkerartortitit uvanga akkerartoromârpakka, kitornгатilto uvanga piulijomârpakka.

26 Aksorôtjijut illingnik nerrerkojomârpakka uvinimingnik. aungmingnullo tallatitaurkojomârpakka sôrlo vainemut nutâmut, uviniggillo illûnamatsiatik tukkisijuksavut, uvanga Nâlegangama piulijit, kellujit, ajugakangitôjok Jâkakkune.

KAP. L.

Amma Gûdib kirganganik.

1 **IMAK** okarpok Nâlegak: Aglait avititsijutiksât, anâ-napsingnik aularkojijut uvamnit naûk? Ubvalo kina akkiliksakarvigigapko. akkiliutigivapsê tâpsomunga? Ahâk, idluitullinise pivlugit niorgvutigijauvose, anânaselo aularutjauvok tappatonise pivlugit.

2 Sôk inukangilâk, tikkinama? sôk kiojokangilâk, nippekarama? Aggakka piuliklernermut nailuarkât? ubvalo pitsartunekarunguairkêk kellujinermut? Ahâk, imarbik suangalerapko. imaerutilerpok, kôksuillo ipteriliktipakka, mingeriangit imekangimut tippeluktillugit imerungnermullo tokolugit.

3 Kilak tâktomik annorâkartipara ullekartillugolo pôksajanik.

4 **Nâlekab** Gûdib tunitjivigivânga okamik illisimajomik, kaujerkovlunga merngortortut maksoatillugit okautsitigut. Kant tamât angmartipânga, siutiga angmartillugo, illiniartotut tussarkovlunga.

5 Nâlekab Gûdib siutiga angmartipâ, uvangalo tappatolungilanga utternangalo.

6 Tunnuga manivara annaulerniktunut, ulluâkkalo umingnik nussuksijunut, kênara ijertorlungilara mittautautillunga ketserartautillungalo.

7 Nâlekable Gûdib ikajorpânga, taimaimat kangusuktitaungilanga, taimaimat kênara ujarxtut manivara, kaujimagama kangusuktitaunianginimnik.

8 Idluartôneraijok uvamnik kannipok. Kia akkerartorigijomavângâ? Kattimalerta! Kia erkartoromavângâ? kaile uvamnut!

9 Ahák, Nälekab Gûdib ikajorpânga. Kia pidlaraksauti-pângâ? Ahák, iliünatik sujuleromârput annorâtut, kaurulillo nerrijomârpait.

10 Kia akkunapsingne Nälegak sivoragivaûk, kivgangata nippinga näleklugo? Tâksoakut arvertartub kaumaksar-taungitublo Nälekab attinga nerriugiliuk, Gûdinelo tettigiliuk!

11 Okoksé tamapse, ikkomamik ikkitsijose, kargjoliartose ikkomalingnik, ingergaleritse ikkomakut ikkitapsigut karg-juktigullo ikkomaliktigut ikkitapsigut. Agganginit tamanna pivok illipsingnut. änerntartome innangajuksauvose.

KAP. LI.

Okpertut kaiblartauningannik.

1 **TUSSALERSINGA** illipse idluarnermik pinasuartose, Nälekamik kennertose! Kairtok takonârsiuk ulloksitauvigijase, kongnâk ittijok pingortitauvigijase!

2 Abraha takonârsiuk atâtagijase, Sâralo illipsingnik ernijok! Attausiotillugo kairkovara saimauuserlugolo kitornga-kartillugolo muktunik.

3 Nälekab Zione manigormago, nunangit asserorsimajut tamaita âkiklugit, perortokangitok Edenetut illingatillugo naternarlo Gûdib perorséviatut; tagvane serrijokaromârpok kuviasuktuniglo, kujalitiksaniiglo nertordlerutiksaniiglo im-gertunik.

4 Inukotigijakka, kamagitsialersinga, inukotikka, tussale-ritse uvannik: Perkojamik annijokaromârpok uvannit, erkar-tuijuturaokojakka tungavikartitsomârpakka, kaumaksaijungor-tillugit nunakatigéksoarnut.

5 Idluarsaiviksara kannidlarpok, piuliklerviksaralo sakki-jälerpok, tallingmalo nunakatigéksuit erkartoromârpait. Kikkertarmiut nerriugivânga talleralo utakkivât. (kap. 46, 18.)

6 Kilak ârlorvigisiuk, nunalo kilaub attânêtk ullernair-siuk! Kilak iserluktut nungujomârpok, nunalo annorâtut sujugomârpok, inuillo nunanêtk tokojomârivut. Piulikler-viksarale sorairomângilak issokangitomut, idluarsaiviksaralo asserortaujomângilak.

7 Tussalersinga illipse idluarnermik illitarksijose, nunaka-tigêktose perkojamnik omamiutakartose. Sivoraniarase, inuit suangadlarpasse, koaksârniaraselo okauserludlarningit pitju-tigivlugit.

8 Kaurulit nerrijomârmagit annorâtut, koppergut nerrijo-mârmagit attigeksajatut: idluarsaiviksarale sorairomângilak issokangitomut, piuliklerviksaralo (sorairomângilak) kinguvârêtkingordlinginut.

9 **Tupalerit**, tupalerit, pitsartunermik attilaurit, Nâlekab tallinga igvit! Tupalerit sivornganetut, sôrlo itsaksoakinôlauptut akkornnganne! Igviungilatit pingijaitomik sâlakartok. Ômajoâlungmik tokotsijok?

10 Igviungilatit imarbingmik imaerutjijok, imarmik iktullijâdlartomik, imarbiublo erkanik apkosineliorok, pissugviksautillugo uttertitaumajunut?

11 Nâlekablo uttertitaangit uttileromârput, Zionemulle tikkitsomârput iggiakomijarlutik, kuvasungnerub nâksaungitub kollangiaromârpait, kuvasungnerub serrinerublo tikkitsomârpait, kiksarnerlo anersauminerlo kemâjomârpuk. (kap. 35, 10.)

12 Uvanga, uvanga manigorpapse. Suvêt, inungnik tokojomârtunik erksigavit? inuit kitornganginik iviktitut nungujomârtunik?

13 Nâlegarlo puorpat pingortitit, kilangmiglo issivitsijok, nunamiglo tungaviliorijok. Kaut tamât erksitsainarpotit aksorôtjijub ningaumajârninganik. kajusimangmat asseroromavlutit. Aksorôtjijub ningaumajârninga naûk?

14 Sannikterijok kellarutjârtausarainiarpok, tokolerniangilak ittersâlungme, nerkiksaminiglo ajoksarniangilak.

15 Uvangale Nâlegauvunga Gûdit, aulatsijunga imarbingmik, malliksoangit iktullijâdlartillugit. Kilangmiugasaksuit Nâlegangannik attekarpunga.

16 Okausikkalo illivakka kanernut ullikpagillo aggama tachalininganut. kilak illijomavlugo, nuna tungaviktâromavlugo, Zionemiunullo okaromavlunga: Inukotigivapse.

17 **Tupalerit**, tupalerit makkilutillo, Jerusaleme, Nâlekab agganginit imerangne ermusek ningaumajârningata pinga, ermusiarsuk kaibjaijutiksatalik nungupat, (kuttingit) alluktorlugit.

18 Kitorngame erniarijame illûnamatsiatik akkornnganne tessiortiksakangilak. Kitorngame inugojame illûnamatsiatik akkornnganne tigumiartuksakangilak.

19 Makkoa tikkingmattit, kia naiperkotigijungnarkâtit: asserortaunerublo nungutaunerublo, kângnerublo saviksûblo? Kanok manigoijungnarkêk illingnik?

20 Kitorngatit kaibjaivlutik iglut akkorngaane, terre-kungine illûnaine nellavut tuktungajotut nulluarsimajotut,

Nälekab ningausinganut Gûdivillo suanganinganut tikki-taumarigamik.

21 Tamanna pivlugo tamattominga tussalerit, ajulidartotit, kaibjaijotit vaine pitjutigingigalloarlugo.

22 imâk okarpok Nälekat, Nâlegak Gûdit, inukotime serngnigijingat: Ahâk, ermgusek kaibjaijutiksatalik tiguvara agganit, ermgusiarsuk ningaumajärnima pinga, imertuk-saungilatit tamattomangat kingorngane.

23 Tunijomavarale kappiasuktitivit agganinut, okartut tarningnut imâk: Pâmakterit, pissugvigijaksarigaptigit, tunnuit nunatut illingatiuk, naternatut pissugviksatut.

KAP. LII.

Amma okpertut kaiblartauningannik.

1 **TUPALERIT**, tupalerit, pitsartunit attileruk. Zione! Annorâlerit uvloksiorutinik, Jerusaleme, iglugasaksoangojotit ivsornaitotit! Mattoma kingorngagut kippisimangitomik ivsornartomiglônêt ittertokaromângimat illingnut.

2 Sanningnik kattaraigit, makkilerit ingidlutillo, Jerusaleme; kellarutjâlerit kongaserpit kellarutinginit, Zionib pan-ninga parngnanairsortaujotit.

3 Nâlegak okarmat imâk: Akkekangitomik niorvgutigi-jaugapse, kênaulat attornagittauk piulijaujomârpose.

4 Nâlegak Gûde okarmat imâk: Inukotikka sivorngane ingergavut Egiptenemut, taikunga tujormiangojartorlutik, Assiriاميullo aksorôtivait pitjutekaratik.

5 Mânalo suksauvêk tamâne? taimak okarpok Nâlegak. Inukotikka aularutjauvut akkekartinagit, aulatsijingillo kag-gudlarput, taimak okarpok Nâlegak, atteralo mittautautui-narpok uvlut tamaita.

6 Tamanna pivlugo inukotima attera illitarijaksarivât; tamanna pivlugo taipsothane (illitarksijomârput), uvangangama okartunga: tamânêpunga.

7 **Kuvianartoksôvut** illa kakkane okalloriktut ittigangit, ullapirsauunik okâlajut, ajungitomiglo okautjijut, piulijauner-migl okâlajut, Zionemullo okartut: Gûdit attaniolerivok!
(Rom. 10. 15.)

8 Omât, udsertortitit nipliâllalerput illûnatik iggiakomijar-lutik, Nâlegak kêarsilerêramitsenk uttertok Zionemut.

9 Iggiakomijaritse nertordlekatigèkluselo, Jerusalemib serkomakungit illipse, Nàlekab inukotine manigormagit, Jerusalemelo piulingmago.

10 Nàlekab talline ivlernartok sakkertipâ, nellojut illûnamatsiatik tautuktillugit; sillaksûblo issungit illûnatik Gûdipta piuliklerninganik takovut.

11 Pêritse, pêritse, aularitse tagvangat! Ivsornartomik aktuiniarase! Akkorngannit aularitse, epkêjaritse, Nàlekab perkutinginik erksuktose!

12 Tuaviluarluse aulariakanginapse, kemâjutitullo ingergajariakanginapse, Nàlegak sivunipsigut ingergajomârmat, Israëliblo Gûdinga kingunipsigut malligomârmat.

13 Ahâk, kivgara sullitsiaromârpok aglivalliaavlunelo angijororpalliaavlunelo nertornarsivlunelo.

14 Unuktut (mâna) makojugigalloarmatsuk, — tautua asserrorsimangmat, inuktut itsungnairtillugo, kênangalo itsungnairtillugo inûb kitorngangita kênangititut —

15 Nellojut unuktut (sukutsiane) tattaminiartitsomârpait nangminermirik, attanersuillo okausiksaerutivlugit, unipkautigijaumangitunik takojomârmatta, tussangitamigniglo missigijomârmatta.

KAP. LIII.

Gûdlib kirgangata âniuninganik nertornartitauninganulo.

1 KIA okaudjaunivut okperivagit? kimullo Nàlekab talinga nellonairsimavâ?

2 Nuilerpok perorsiaksatut (Nàlekab) sângane, nutaijoktotullo ivjomit pallermit. Takominartomik tautukangimat, kamagingilavut; takorannertokangimat, kuviagingilavut.

3 Nachogijaujôvok, inungnut kemaktaumajok, angut ânialik, kanimainartok, nachonaluartok, illûnatik kênatik tâpsomangat allarmagit; tamanna pivlugo suksaunasugingilavut.

4 Sunaubvâ! tâpsoma kanimanivut nangmarpait, ânilakteradlarnivullo ingminut pitipait. Uvagulle sugiartaunasugivavut, Gûdemut annaujaunasugivlugo âniatitaunasugivlugolo. (Joh. 1, 29.)

5 Kissianele ikkilertauvok idluitullinivut pitjutigivlugit, ajornivullo pitjutigivlugit nerkerksudlartitauvok. Tâamna pidlartauvok idluarkutiksaptingnut, ikkinginullo inûlijauvogut.

6 Illünatale saukkatitut tammarpogut, ingmikôrluta apku-tigijomajavut kamagituinarlugit. Nâlekable idluinivut illû-namatsiatik pitipait tâpsomunga. (1. Petr. 2 24. 25.)

7 Aniatitauldaralloarlune kenuersârpok, kaninelo aitalungilâ sôrlo saugârak pititaujok tokotauvingminut sôrlolônêt saugak niplingitok sallijiminut, kaninelo aitarnago. (Ap. pin. 8, 32.)

8 Anianikut sugiartaunikullo pèrtauvok; inûkatingitalo akkornganne — kina issumaksarsiorâ, inôjut nunangannit avitaungmat inûkatima idluitulliningit pivlugit, pidlartaunik-sangit pivlugit?

9 Illuvekartipâllo idluitullijut akkornganne, akluitut ak-kornganne (illuvekartipât) tokungatillugo, idluitullilungigal-loarmat uivêriklermigmiglo kanermiutakalungigalloarmat.

10 Kissianele NâleKab idluarivâ, nerkerksudlartitsomav-lugo âniatitsomavlugolo. Tarninga (nangminermirik) tûner-gutiksatur sattûtiksatur tunikpat, kinguvâksaminik takojomârpok, uvluksane unuksitillugit, Nâlekablo idluarijanga pivalliatitaujomârpok aggangitigut.

11 Tarnime siorniorninga pivlugo nâmaksititaunermirik takojomârpok, illitarksinerminullo kivgama tâpsoma idluar-totôjub unuktoksuit idiuarsititsomârpait, ajorningit pèjaramigit.

12 Tamanna pivlugo angijoksoarnik illangiutititsomârpara, pitsartuneliksiullo aittigijomârpait aksârnigaujutitut, imâk pivlugo: inôtsine tuningmago tokomut, idluitullijunullo adsio-titaungmat, unuktut ajorningit nangmaralloarlugit, idluitulli-jullo simerdlugit. (Luk. 22, 37.)

KAP. LIV.

Zionib anunausijaujomârninganik.

1 **KITORNGISUITOTIT**, ernisuitotit opigosugit, singaingi-totit erkiertorlutit iggiakomijarit! Aipakarungnairtok kitornga-karnersaungmat aipakartomit, okarpok Nâlekan.

2 Tuppit nerrotonersautileruk, tuppivit itangit issivillugit kassutaitillugillo, aklunâktangit tessitikit, perungillo aula-jungnangertikit!

3 Tâllerpivit tungânut saumivillo tungânut sivumuaromâ-ravit; kinguvâksavillo nellojut kingormgutijaksarijomârmagit, iglugasaksuillo asserorsimajut inukartillugit.

4 Sivoraniarnak, kangusuktitauniatsanginavit; illerasung-niarnak, kangusungniatsanginavit; uigasûnivit kangusûtigi-

janga puigoromârpät uigarnionivillo kangunarninga erkauma-jungnairomârpät.

5 Pingortitit aiparigangne, kilangmiugasaksuit Nälegangat tagva attinga; ivlernartitorlo Israêlikkune piulijigigangne, sillaksoarmiut illūnamatsiatik Gūdigijangannik atserartaujok.

6 Nälekab kairkungmattit arnatut kemaktaujotut, kiksartitaujotut, inōsuktub nulliangatut kenugijaujotut, okarpok Gūdit.

7 Anikitomik kemadlaralloarpagit, nāpkigosungnermulle angijomut kattessoromārivagit.

8 Kanningaumajärnermut tikkitaувlunga sivikitomik kenara ijerpara illingnut, saimarsainermulle soraijuitemut nāpkigijomārivagit, okarpok Nälegak piulijit.

9 Tamanna illingavok uvamnut ullitornivaksoatut Noa inōtillugo. Sōrlo angermarigama, ullitornivaksoak. (pijok) Noa inōtillugo, pijungnairkovlugo kingorngane nunaksoarmut, taimak angermarikipungatauk ningaumajārvigijungnairomavlutit suangajungnairomavlutillo.

10. Kakkat nuktilerpattalōnēt, kakkārulaillo aulajārpattalōnēt, nāpkigosuagnera nukteromāngilak illingnit, angerneralo ullapirsartaumanimuk aulajāromānginivok, okarpok Nälegak nāpkigijit.

11 Ajulldlartotit, tiktautitaujotit akkonamut, manigoijekangitotit, ahāk, ujarkatit illijomārpakka ānanausivlugit, tungavekartillutillu ujarkanik tungujoktanik,

12 Avalutillu nuvutsiariktillugit allikkunik, upkoaksoakar-tillutillu ujarkanik aupalluktanik, nunavillo kiglinginut tamai-nut ujarkat pivianartoksuit illijomārpakka.

13 Kitorngatillo illūnatik Nälekamut ajokertortaujomārput, kitorngatillo ullapirsauimik angijomik tunidjiviojomārput.

14 Idluarsainipkut tungavilertaujomārpotit. Issumajārung-nairit sālagijaugiamik, sivorajariakaromānginavit, koaksārnatomiglōnēt, tamattomunga tikkitaumātsanginavit.

15 Ahāk, pikkabladlartokaralloarpät illingnut, uvamnit pingilat; pikkabladlartut illingnut illūnatik pālautigijomārpāt.

16 Ahāk, uvanga pingortitsivunga sabviortemik, sabviortiksanik supōrtemut ikkititsijomik, sakkoliortemik attornar-tunik; amma nvangatauk pingortitsivunga asseroijomik, ser-komitserkovlugo sakkunik.

17 Sakkut illūnatik, sorsugvigijomavlutit senajaujut, sulli-jomāngilat, okallo ilūnaita erkartoromavlutit pilertut igvit erkartoromārpattit. Tamadja Nälekab kivgangita kingorm-gutijaksangat idluarkutiksangallo uvamnit pijok, okarpok Nälegak.

KAP. LV.

Sâgiarxojaunermik Nâlekamut.

1 **ATTE**, illûnase imeruktose, imermut kaititse. kênaujakangitoselo, kaititse pissiniarluse nerrivluse! Atté, kaititse, vainemiglo immungmiglo pissiniaritse kênaujakarase akkiliutiksakarase. (Joh. 7, 37.)

2 Sôk kênaujanik kittitsivisé nerkiksaungitomut, kivgartornipselo akkingit tunivlugit akkeartorutiksaungitomut? Tussalersingatôk, ajungitomi nerrijomârapse tagva, tarniselo nekoksijaujomârmatta orksunut.

3 Siutise mannivlugit kaititse uvamnut, tussaleritse, tarnise tagva ômajomârput, angervigijomârpapselo issokangitomut illingajuksanik, saimanartunik pilliutigijamnik Dâvidemut soraijuitomik. (img. 89, 4. 50. II. Sam. 7, 12. 13.)

4 Ahâk, taimna (Dâvide) kigligiudsijungortipara (uvamnik) inungnut, angajokângortillugolo attaningortipara nunakatigêksoarnut. (img. 57, 10. II. Sam. 8.)

5 Ahâk, inuit illitaringitatit kairkojomârpattit, inuillo illitarksingitut illingnik akpangervigijomârpâtit Nâlegak Gûdit pivlugo, ivlernartitok Israëlikkune pivlugo, tâpsoma nertornartingmattit.

6 **Nâlekamik** kemmileritse, nagvârtaujungnarmat, nipliaivigisiuk kannidlarmat!

7 Idluitub apkutigijane kemakliuk, idluitullijublo issumagijane allarligit sâgiarlungelo Nâlekamut, tâpsoma nâpkigijomârpâ tagva. Gûdiptingnullo sâgiarle, tâpsoma angijomik issumagijungnairvigijomârpâ tagva.

8 Issumakka illipse issumaginginapsigik, apkutiselo uvanga apkutigitsanginapkit, okarpok Nâlegak.

9 Imâgle: sôrlo kilak nunamit kotsingmat, taimaktauk apkutikka kotsikput apkutipsingnit issumakkalo issumapsingnit.

10 Sôrlolo sillaluk kannillo kilangmit kattangmatta, utteratik takpaunga — nunale kausertipât perorsiakartillugolo tungujoktanik, karngasoiartortorlo karngasûtiksakartillugo, nerrijomajorlo nerkiksakartillugo —

11 Taimailingagivok okausera kanimnit annijok. Sullinane uttertuksaungilak uvamnut, idluarijakkale piniaraksarivait, nâmaksititaksarivlugolo, suna pivlugo tilligapko.

12 Kuviasukluse aularomârapse, ullapirsautekarluselo ingergatitaujomârapse. Kakkat kakkârulaillo sivunipsingne iggiakomijaromârput, napârtullo naternamêtut illûnatik pat-taktoromârput. (kap. 44, 28.)

13 Keblariktut peroromärput ukpigait kakkilautiggit innangerlugit, mirtillo perornerdluktut kakkilautiggit innangerlugit; Nälekamullo tamanna nertornautiksaujoniärpok nellunaikutaksaularmelo asserojuitok näksaungitomut.

KAP. LVI.

Amma sägiarškojaunermik. Ajokertuinerdluktunik.

1 **IMAK** okarpok Nälegak: Idluarnermik ivlersivluse idluartullititse, piuliklerviksara kanningmat tikkilerlune, idluarsaiviksaralo sakkermat.

2 Pilloridlarpok inuk taimailiortok, inúblo kitornganga tamattominga ivlersijok, sabbatesiortok attornerdlungniarnagolo, aggangminiglo udsertortok idluitullijomanane.

3 Takorngartarlo sägiarsimajok Nälekamut okartuksaungilak: NäleKab avitsomärpanga inukotiminit. Aipaitôrkojaujok okartuksaungilak: Ahâk, napârtôvunga pannak.

4 NäleKab aipaitôrkojaujut okautingmagit imâk: sabbatekotimnik ivlersijut, kuviagijamniglo anerosuktut, piniaraksaurkojamniglo ivlersijut,

5 Tâpkoa iglumne avalukotimalo illuanne tunidsivigijomârpakka erkaumajauviksamik attermiglo ernernit paningnillo ajunginerôjomik; attermik issokangitomut illingajuksamik tunidsivigijomârpakka nungutaksaungitomik.


6 Takorngartallo Nälekamut sägiarsimajut kivgartoromavlugu attingalo ungagijomavlugu, kivgauleromavlutiglo tâpsomunga, illûnaita sabbatemik ivlersijut attornerdlugomanago piniaraksaurkojamniglo ivlersijut,

7 Tâpkoa kakkamnut ivsornaitomut âtsomârpakka kuviasuktillugillo iglumne tuksiarvingme, tunergutingillo ôtakSAT tunergutingillo tokotaksat tunerguservikotimne kuviagijaujomârput, igluga taijaujomârmak tuksiarvingmik inungnut illûnainut. (Matt. 21. 13.)

8 Nälegak Gûde, ajaktortaumajunik Israêlitinik kattersoijok, okarpok: Ununersanik kattersoijomârpunga sulle, kattititaumajunut pitillugit.


9 **Omajut** naternamêTut illûnase nerriartoritse, illa ômajut napârtunêTut illûnase!

10 Udsertortingit illûnatik tautungitôvut, illûnatik nellojoksôvut; kingmititut illiorput nipliangitutitut, killugungnangilat; sinnaktômajutitut niplilerput, innangavlutik sinnigosutsainarput.



MICROCOPY RESOLUTION TEST CHART

(ANSI and ISO TEST CHART No. 2)



APPLIED IMAGE Inc

1653 East Main Street
Rochester, New York 14609 USA
(716) 482 - 0300 - Phone
(716) 288 - 5989 - Fax

11. Kingmit pijomatudlarput nāmaksijuidlutik; tāpkoalo pairksijövut, sillatunekangilat, illūnatik kamatuinarput apkomik nangminerijsamingnik, illūnamatsiatik idluarkutiksamingnik (kamatuinarput.)

12 (Okarput): Kaileritse, vainemik aiklerluta imertudlarta tallanartomik; kaupallo uvlometut illingajokarle, piluar-tomik aglāt.

KAP. LVII.

Gûdingounik kirgartortut piunginingunnik; Nâlekamik nâlektut piulijauningannik.

1 **IDLUARTOK** perlerpok, ômammiutarksijokangilarlo; inuit idluitailijut pētaulerput, mallugosuktokangilarlo, idluartut pētaungmatta kappiasugvingmit.

2 Ullapirsartaunartomut itterput, innangavingmingne merngoerserviksakarput nellâgôrtomik arvertartut.

3 **Illipsele** kaileritse maunga, illipse angakkub kitorngangit, ajortullijub anguniarpaktublo kinguvângit.

4 Kina mittagvigivisiûk? Kina pivlugo kanersoapsingnik aitarxisê, okase sakkertillugit? Kitorngaungilasê tappatonersoamut, saeglonermullo kinguvângongilasê?

5 Ikligosuktose (Gûdingoarnut) napârtoksnit, illa napârtut tungujoktat illūnatik attânne, sorrutsiniglo tokotsijose kôrungne, kairtut kôrungnângine.

6 Kôt ujaraktangit anerivattit pinnârivlugillo; taipkonunga tunergutiksani imiksanik kovisivotit, tunergutiksani nerkiksani âtsivotit taipkonunga. Tamanna manigortigijaksarivigô?

7 Innangaviksarnik âkiksoivotit kakkab kingiktub, poktojub kângane, takpaungalo majorarpakpotit, tunergutiksarnik âtsivlutit.

8 Erkaumajaksarijatillo upkuab kattallo ungatânnut illivattit; uvanga tunullunga usserterpotit, majoarpotit, sinnigvit angijorortipat, taipkonungalo angerpotit, kувiasukpotit sinnikatigivlugit — tamattomunga inniksarsivotit. (V. Mos. 6, 6. 9.)

9 Orksukarlutit aivotit attanersoamut (Gûdingoamut) mingoarutiniglo tippitsiariktunik sunatuinarnik neksarlutit; kivgatillo tillivattit ungasiktomut attersârlutillo anernerit innigannut aglāt.

10 Apkutigijat takkijôdlarmat, merngortoralloarpotit,

sullele okalungilatit: sullitsangitunga! nakoksinartomik nag-väravit, nukkingingilatit.

11 Kina pivlugo kuksasukêt sivoravlutillo, saeglütiksanik attudlaravit, erkaumatsanginamgalo òmammiutarinangalo? Imaingiläk: nippangerama, akkunit aglät, sivoragingilarma?

12 Uvängale idluarnernik kaujititsomärpagit, sullijatillo idluarkutigijomängilattit.

13 Niplialeruvit, kattersulauktavit (Gûdingoat) piulilitit! Kissianele anoremüt illünatik tiktaujomärput, anersarnênarmüt pèrtaujomärput. Uvamnigle tettekartub nuna kingormguti-jaksarijomärpä, kakkaralo ivsornaitok perkutigijomärpä.

14 Okartokaromärporlo: Apkosinelioritse, apkosinelioritse, apkut äkiksorsiuk, agviarutiksät tamaita inukotima apkutigi-jaksanginit pèjarsigik.

15 **Kotsiktomêtok** Nâlegaviksôjorlo, sokosijuitomik inne-kartok, attekartorlo ivsornaitoksôjomik imäk okarmat: Kot-siktome ivsornaitovingmelo innekarbunga, taimaktauk òmate-kartune serkomisimajunik nellopkotijuniglo, nellopkotijut anerningat nekoksititsomavlugö serkomisimajullo òmatingat nekoksititsomavlugö.

16 Sugiaromangilanga näksaungitomüt, ningaumajäröma-nangalo soraijuitomik, anernerit perlerajarmatta kênama sängane tarnillo pingortitakka.

17 Pijomatudlarnermüt idluitullingmatta, ningaumajärvigi-vakka sugiarlugillo (ijerlunga ningarlungalo), tagva kingumüt arvertarput apkutigijomajamikkut.

18 Apkutingillo takovakka, inûlijomärpakkalo tessiorlugillo manigormivlugillo nämaktomik taipkoa kiksautigijingit.

19 Kangasinângita nertordlerutiksanginik pingortitsivok Nâlegak, okarame: Ullapirsautekarlit, ullapirsautekarlit kan-ningitullo kannitullo, inûlijomärpakkä.

20 Idluitullijulle imarbiksoatut-iput iktullijädlartotut; ikkublaumijungnangilak panna, malliksoangillo maujälungmik mamaitoälungmiglo tipjautitsivut.

21 Idluitullijunut ullapirsautekangilak; okarpok Gûdiga.

KAP. LVIII.

Nerritailinermik sabbatemiglo.

1 **NIPPERKORTOJOMIK** nipliagit illerasungnak, nipliad-larit tiptulautitut, inukotikka kaujitikit tappatoninginik JÄ-kokkullo idluitullininginik.

2 Uvlut tamaita appersorpânga, apkutigijaksaurkojakka kaujijomadlarpait, inuktitut idluartullitsainartutitut nåletsiat-sainartutitullo Gûdimik perkojanganik illiorlutik erkartuijartorkovânga idluartomik, tussuvullo Gûdemut najortaujomavlutik.

3 Sôk nerritailikattarkitâ, igvit takonânginaptigut? Sôk tarnivut piojorijungnairtipitigik, igvit tamanna kamaginginangne? — Ahâk, nerritailijarangapse, idluarkutiksarsiorpose, erkinaidlarluselo sullijaksakarpose.

4 Ahâk, akkerartôtivluse ningautivluselo nerritailivakpose, tigluktigêkluselo idluiluktomik. Taimak nerritailivaktilluse nippise tamattomane tussartanjungnangilak kotsiktome.

5 Tamannauvâ nerritailinek anerijara, uvlok inûb piojorijungnairtitsivia tarniminik, okkungajokarpat iviksoatut, pititsijokarpat pôksajanik argjaniglo attiminut? Tamanna taijomaviûk nerritailinermik uvlormiglo Nâlekab kuvia-gijanganik? (Sach. 7.)

6 Nerritailinek anerijara imailingavok: kellarutit attoraksangitut kellarutjâkit, nangmautâ aklunâktangit pêkit, aksorôtijaumajut aularkokit kippalôjungnairtillugit, nangmautallo tamaita serkomikit!

7 Ammalo: Kâktok aitoruk nerkiksarnik, ajulertut inniksangitut iglomut itterkokit; annorâkangitomiglo takoleruvit, annorâkartileruk, uvinikakatit allarniarnago.

8 (Taimailioruvit), kaumartiksat allakkaromârpok kaub aupalungningatut, ikkillo mammisaraitsomârpok, idluarnit sivunikkut ingergajomârpok, Nâlekablo nertornartoksôninga kingunikkut malligomârpok.

9 Tagva niplialeruvit, Nâlekab kiojomârpâtit, tuksiadlaruvillo, okautijomârpâtit: tamânêpunga — aksorôtijjungnairuvit mittagungnairlutillo okarnerdlugungnairlutillo.

10 Kâktorlo ikligijarnik tunidsivigigunge, tarnelo ajoksa-dlartok nâmaksitilerungne, tagva kaumartiksat nuileromârpok tâksoarme, tâktorlo illingne uvlub ketterarningatut-itsomârpok.

11 Nâlekablo tessiutsainaromârpâtit, tarnit nerritillugo nuname kângnartolingme saunitillo nekoksitillugit, perorsêviktullo kausertitaumajotut puilaviktullo imekatsainartotut illingajomârpôtit.

12 Illavillo serkomakut itsarnitat âkiksoromârpait, tunga-vivinillo, itsak inôjut senajaviningit nutângortitsomârpattit; taijaumârpôtillo: koppanik âkiksoijeojomik, igluliorteojomik apkutivinerne.

13 Ittikkatit udsertorungne sabbateme, sullijaksatit pini-arnagit uvlokotimne ivsornaitome; sabbate kuvianarnera-

rungne, Nālekablo (uvlunga) ivsornaitok ivlernarnerarungne opigivlugolo, apkutigijomajatit attornagit, sullijaksatit piniar-nagit, okautsit piungitut attornagit,

14 Tagva Nālegak kuviagiĵomārpāt, nunablo kakkangi-tigut kemukserkoĵomārpagit, nerrititsomārpagillo atātavit Jākob kingormgutijanganik; NāleKab kaningata tamanna okautigingmago.

KAP. LIX.

Israēlikkut idluininginik piulijauninganniglo.

1 **AHAK**, NāleKab aggangit piuliklernermt nailuangilat, siutigiglo simiksimangilak tussarnermt.

2 Idluitullinipsele avipāse Gūdipsingnit, idluinipselo kēnanga iĵerpāt illipsingnut, tussartailitillugo.

3 Tallise aungmut sallumaidlarmatta, aggaselo idluitulli-nermt, kangasināselo saeglonermik okālangmatta, okaselo idluitunik okausekarmatta.

4 Idluarnermik attortokangilak, nellāgōrtomik erkartuijo-kangilak. Piungitunik tettiksakarput, saeglonernik okālavut, pijaksaungitunik illumiutakarput, okumainartuniglo sak-kertitsivut.

5 Kuglugiarālub manningit ivavait, āsivaillo nulluanginik pergaivut. Manninginik nerriĵok toĵokuksauvok; tullertauk-pattale; kuglugiarālunĵmik annijokarpok.

6 Nulluangit annorāksaungilat, pergaiĵangillo ĵipiksamut piotsangilat, piniarningit piniarniovut piungitut, aggangillo idluiluktunik sullijaksakarput.

7 Ittigangit akpangerput idluitomut, sukkalidlarput, passi-jaksaungitub aunganik kovisiĵomavlutik, issumangillo issumau-vut piungitut, apkutingine asserornartokarpok kiksarnar-tokalarmelo. (Rom. 8, 15.)

8 Apkut ullapirsartauvionartok illitaringilāt, pissugvingine idluartokangilak, apkosinitik mumikpait, tamakkoniga attor-tok ullapirsautekatsangilak.

9 Tamanna pivlugo erkartuitsiartok ungasikpok uvapting-nit, idluarsaiĵomullo tikkitauĵungnangilagut. Kaumajok nerri-ugigalloarpavut, sunaubvāle! tārpok; kau (nerriugigalloar-pavut), sunaubvāle! tāktome arvertarpogut.

10 Karmak tapsikārpavut tautungitutitut, iĵekangitutitut tapsikārpogut; uvlub ketterarningane naukiutivogut sōrlo tāktome, atsuillĵut akkornganne tokungajutitut-ipogut.

11 Illūnata aklaktitut kallingoarpogut, taubititulo aner-saumivogut: idluarsartauviksak nerriugigalloaraptigo, sakking-ilak, piulijauviksarlo (nerriugigalloaraptigo) ungasidlarpok uvaptingnit,

12 Idluitullinivut unuluadlarmatta sângne, idluiniptalo passingmattigut. Idluitullinivut uvaptingnēput, idluinivullo ikpigivavut.

13 Nālegak tunnugaptigo missiarutigivlugolo, nālegung-nairlugolo Gūdivut, taisinerdlukluta aksorôtijjomanermik tappatojomanermiglo, okautsit uivêriklernartut illumiutarivlugit annitillugillo ōmatiptingnit.

14 Taimaimat erkartuijutiksats uttinuartitauvut, idluarnerlo ungasiktome kikkarpok, nellâgôrnek pâlangmat iglut akkornganne, idluarnerlo itterlune ajormat.

15 Nellâgôrnek assiomavok, idluituniglo attoromairtok serngnigijekangilak. Tamanna NāleKab tautukpâ idluaringilâlo, erkartuitsiartokarungnairmat.

16 Takovok, angutekangimat; tattaminiarpok, piniutjijokangimat. Kissienele talline ikajortigilerpâ, idluarnine ajakparpâ.

17 Idluarnek attivâ sagvingmiutarivlugo, piuliklerutiksak illivâ niakominut niakôtigivlugo, akkiniarneK attivâ annorâktut, illungertornerlo ulligivâ ulliksoatut.

18 Piniarnerijangit malliklugit, illa tamakkoa malliklugit akkileromârpait akkerartortine ningaumajârnermik, ōmigijine akkiniarnermik; kikkertallo akkiniadlaromârpait,

19 NāleKab attinga opigijaurkovlugo sekinerub nippivianit nertornarningalo nuivianit, kappianartut tikkilermatta kôksoatut, NāleKab anerninganut aulatitaumajotut.

20 Zionemulle piuliklerte tikkitsomârpok sâgiartunullo tappatonermit Jâkôkkune, okarpok Nālegak. (Rom. 11, 26.)

21 Imâglo angervigivakka, okarpok Nālegak: Anernera illingnêtok okausikkalo kanernut illijakka kanernit kitorngavillo erngutavillo kaninginit nūtuksaungilat, okarpok Nālegak, mānanit issokangitomut aglât.

KAP. LX.

Jerusalemib ānanausijaujomārninganik.

1 **MAKKILERIT** kaumalerlutillo, kaumartiksats tikkingmat, NāleKablo ānanaunersoanga kollikkut nuingmat. (kap. 9, 2.)

2 Ahâk, tâksûb nunaksoak ullikpâ, tâksinerublo nunakatiğeksuit ullikpait, kissianele kollikkut Nâlegak nuivok, ânanaunersoangalo sakkijârpok kollikkut.

3 Nellojullo kaumanerijarnut arvertaromârput attanivillo kollikkut nuilertub akkisungninganut.

4 Ijikik uitarlugik avatingnêtunik takonârit; tâpkoa illûnatik katingavlutik tikkipâtit, ernitit ungasiktomit aggerput, panitillo erksuktauvut.

5 Tagva takonârlutit erkiertoromârpotit, ômatillo tiglerlunelo angijororomârpok, pivianartoksuit imarbiksûb kiglinganêtut nûtitaupatta illingnut, nellojoksuillo perkutigijangita tikkipattit.

6 Kamêlit unuktovaksuit kamêlillo sukkalisût Midianemit Efamillo taetaetsomârpâtit; Sebamit tikkitsomârput illûnatik goldemik kutsomiglo tippitsiariksaumik kaitsivlutik, Nâlekablo nertornautâ okautigijomârpât. (Matt. 2, 11.)

7 Kêdarib saugakotingit illûnatik kattersortaujomârput illingnut. Nebâjublo angusallukotingit attoraksaujomârput illingnut. Tunergutiksaujomârput kuviagijaujut tunerguservikotimnut, iglugalo takorannertok ânanausititsomârpara.

8 Kikkût ukkoa nuvujatitut sukkalidlartut taubititullo tingijutitut inniksamingnut?

9 Illa, kikkertat utakkivânga, umiaksuillo Tarsusemêtut sivorliovut, kitorngatit tamaungartitsomavlugit ungasiktomit, silberekotitik goldekotitiglo neksariugit NâleKab Gûdivit attinga pitjutigivlugo, ivlernartitorlo Israêlikkune pitjutigivlugo, ânanausingmattit.

10 Takorngartat avaluksoakotitit senajomârpait, attanersoangitalo kivgartoromârpâtit, ningaumajâdlarlunga sugiarapkit, saimarlungale nâpkigingmigapkit.

11 Upkoaksoakotitillo angmatsainaromârput, uvlôtillugolônêt unnuangotiillugolônêt pallangairtaujomâtsangilat, nellojut perkutingit âtaurkovlugit illingnut, attanersoangillo tamaungartitaurkovlugit, (Takkot. 21, 25.)

12 Nellojut attaniovillo kivgartoromangitut illingnut nungutaujomârmatta. inungillo asserortauvlutik.

13 Libanonib ânanausijutigijangita tikkitsomârpâtit: zipressit platânillo buksillo illûnatik, igluga ivsornaitoviksoak pinarnarsititaurkovlugo, ittigamalo innigijangat ânanausititsomârpara.

14 Okkuvlutik tikkitsomârivut illingnut aksorôtijivit erningit, mittautigijitillo illûnatik ittikkavit sângannut pâmak-

teromârput, taijomârpâtillo Nâlekab iglugasaksoanginik, Zione-
mik ivlernartitub Israêlikkune pinganik.

15 Kemaktaumagavit nachogijaularpillo, taimaktauk pissuk-
tokarungnairmat illingne, tagva pinarnartitsomârpagit nâk-
saungitomut kuvianartillutillo kinguvârêt kingordlinginut.

16 Nellojut immungannik milluksijomârpottit, attanivillo
iviangingit millugomârpattit, tukkisileromârpottillo, uvanga
Nâlegaujunga piulijigigamga, uvangalo ajugakangitunga Jâ-
kokkune kellujigigamga.

17 Golde taungniutigijomârpâra kannujamik, silbere
taungniutigijomârpâra kikiangmik, kannujak taungniutigijo-
mârpâra kejungmik, kikiak taungniutigijomârpâra ujaramik;
angajokâtillo ullapirsauunik illumertitsomavakka, pairijitillo
idluarnermik illumertillugit.

18 Idluiluktomik tussaumajokaromângilak nunangne, pijak-
saungitomiglônêt asserornartomiglônêt nunavit erkâne. Ava-
luksoakotitit atseraromârpattit piulijaunartunik upkoaksoako-
titillo nertornartunik.

19 Sekinek kaumautigijungnairomârpâat uvlôtillugo, takkerlo
kaumajungnairomârpok kaumaksarlutit, Nâlegarle kaumautigi-
jomârpâat issokangitomut, Gûdillo nertornautigijomârpâat.

(Takkot. 21, 23.)

20 Sekinekotit nippileromâtsangilak, takkekotillo nungule-
românginivok, Nâlegak kaumautigijomârangne issokangitomut;
tagva uvlut kappiasugvigijatit sorairomârpâat.

21 Inukotitit illûnatik idluartôjomârpâat, nunaksoarlo
kingormgutijomârpâat issokangitomut, perorsiangongmatta nang-
minek illijakka, aggangmalo senangmagit nertornautiksannut.

22 Mikkinerôjomit tausendit pijomârmatta ajulernerpângo-
jomillo nunakatigêksuit pitsartuneliksuit. Uvanga Nâlegau-
junga tamanna piniasâromârpâra, nellintijnksaukpat.

KAP. LXI.

Okautsit tussarnertut.

1 **NALEKAB** Gûdib anerningata kollangiarpânga, Nâlekab
mingoarmanga, okautsinik tussarnertunik okâlarkovlunga aju-
lertunut; tillivânga, serkomisimajunik ômatelingnik mangip-
sêrkovlunga, parngnanairsimavingnêtunik kaujititserkovlunga
anniviksangannik kellaksortaujullo kellarutjartauniksangannik,
(Luk. 4, 18—21.)

2 Nálekab járinganik saimauservingmik okálarkovlunga Gúdiptalo uvlunganik akkiniarvingmik, manigoerkovlungalo kiksartunik illünainik,

3 Kiksartunut Zione pivlugo illijerkovlunga niakôtémik, argjat pèrkârlugit, orksumik kувiasûtiksamik, kiksarneк pèrkârlugo, annorânik nertordlerutiksanik, anerneк sannikte-rijok pèrkârlugo. Taijaujomârpullo napârtunik idluarnerub pinginik, Nálekab perorsianginik nertortaujutigijanginik.

4 Iglokarungnairtitaumajut itsaksoarme iglokartitsomârpait, serkomakut sivorlerijamingnit pijut nutângortitsomârpait, iglugasaksuit asserorsimajut âkiksoromârpait, serkomakut itsarnitat.

5 Takorngartat tamânêdlutik saugakotise mianerijomarpait, nunakatigingitaselo poagijaromârput perorsêvipsingnik, perorsêjomârlutiglo vaineliksatalingnik.

6 Illipsele Nálekab ajokertuijokotinginik atserartaujomârpose, Gúdiptalo kivganginik taijaujomârpose; nellojut perkutinginik nerkiksakaromârpose, nertornautigijangillo kingormgutijomarpasse. (I. Petr. 2, 9.)

7 Kangusuktitaunise pivlugo maggolimajomik pijomârpose; mittautigijaujungnairlutiglo kувiasugomârput pigijatik pivlugo, maggoertorlutik piksakarkojaugamik nunamingne, kувiasungnermik náksaungitomik pijomârput.

8 Uvanga Nálegaugama idluarnermik ivlersijok arktainerdlungnermiglo ômisuktok. Akkileromârpakkalo nellâgut, angerviçijomârlugillo issokangitomot illingajuksanik.

9 Kinguvâksangillo illitarijaujomârput nellojut akkornganne, kingordlingillo nunakatigêksuit akkornganne. Tâpkoninga tautuktut illitarijomârpait, kinguvângongmatta saimausertaujut Nálekemut.

10 **Nálekame** kувiasukpunga, tarnigalo serrivok Gúdimne, annorârmanga piulijaunermik, attitingmangalo idluarsinermik ulliksoatut, sôrlo uiksak (illingangmat) ânanâmik niakôsertok ajokertuijotut, sôrlo nulliaksak (illingangmat) ânanausijutiksaminik attimajok.

11 Sôrlo nunab perorsiaksat perortingmagit, sôrlo perorsêviub karngasortaumajut nuilertingmagit, taimaktaux Nálegak Gúde nuilertitsijomârpok idluarnermik nertornautiksaminglo nellojut illünamatsiatik takkoanne.

KAP. LXII.

Nâlegak illungertudlarpok Ziona piulijomarlugo.

1 **ZIONE** pitjutigivlugo nippangeromangilanga, Jerusaleme pitjutigivlugo kikkaromangilanga, idluarsijutiksanga nuiler-kârtinago kaumanartoksôjotut, piulijauviksangalo neneroatut ikkijotut.

2 Nellojullo idluarsinernik takojomârput attanersuillo illû-natik ânanaunermik; attermiglo nutâmik taijaujomârpotit, Nâlekab kaningata taijomârtanganik. (Takot. 2, 17.)

3 Nîakôtiksaujomârpotillo takorannertok Nâlekab aggangine kaurutauvlutillo attanersoamut nâmaktok Gûdivit aggangine.

4 Kemadlaraujomik taijaujungnairomârpotit kingorngane, nunallo inukangitomik taijaujungnairomârpok kingorngane, taijaujomârpotille kuviagijamnik, nunallo uilingmik (taijaujomârpok). Nâlekab kuviagingmattit, nunallo uikarmat.

5 Sôrlo angutib inôsuktub uigasuk nulliarilermago, taimak innigijivit nulliarileromârpâtit. Sôrlolo uiksab nulliaksane kuviagingmago, taimak Gûdivit kuviagijomârpâtit.

6 **Jerusaleme**, pigârtuksanik pititsivunga avaloksoakotivit kângannut, uvlok nâvlugo unnuarlo nâvlugo nippangertuk-saungilat. — Illipse, Nâlekamik erkaititsijose, nippanger-niarase!

7 Nippangerviginiarasiuk (Nâlegak), Jerusaleme tungavilertaurkârtinagonertornartitaurkârtinagolo nuname tâpsomunga.

8 Nâlegak angermarikpok tallerpine taikassiutivlugo, talline ajugakangitok: Kingorngane ômigijitit nerrerkojunga-nairomârpakka kakkôjaksarnik, takorngartallo imerkojunga-nairomârpakka vainemik nutâmik siorniorutigijarnik.

9 Kattersoijulle tamakkoninga nerkiksarivaittauk, Nâlegarlo nertoraksarivât; angeraudjijullo vainemik imiksarivât igluma ivsornaitoviksûb igloringine.

10 **Annititse**, annititse upkoaksoatigut, inuit apkutiksanginik âkiksoileritse; maniksaileritse, maniksaileritse apkosinersoarmik, ujarait pêrnîarsigik, inugiartoksoarnut sainasileritse kattilerutiksamik.

11 Ahâk, Nâlegak tussaksautipok sillaksûb issuanut: Zionib pannia okautijartorsiuk: Ahâk, piulijiksat kaivok! Ahâk, akkiliutiksaminik najortekarpok, akkijutingalo sânganêpok. (kap. 40, 10.)

12 Taijaujomârpullo inûkatigêksoarnik ivsornaitunik Nâlekab piulijanginik, igvillo taijaujomârpotit iglugasaksoarnik takojartortauvaktunik, kemaktauniangitunik.

KAP. LXIII.

Iptêjaivingmik tullersijomi. Tuksiarnermik.

1 **KINA** una Edomemit aggertok, aupaluktanik annorâlik, Bosramit pijok? una pinarnartoksoarnik annorâlik, arvertartok ajugakangitôjotut? Uvanga uvunga idluarnermik okâlajunga piuliklerungnartotôvlungalo.

2 Sôk ullit aupalukkâ? annorâllo iptêjaivingmik tullersijub annorângatut?

3 Iptêjaivik tullerpara kissima, illakarnanga inugiartoksoarnit. Uvanga tullerpakka ningaumajârnimne serkalivluggillo kanningaumajârnimne. Taimaimat iptingata serkerarpait annorâkka, ulligalo illunât salumaitipara. (Takot. 19, 11—15.)

4 Uvlok akkiniarviaksak kajusimautigigapko, jârelo piuliklerviksara nelliutingmat.

5 Kennerama, ikajortiksakangilak; tattaminiarpungalo, serngnigijiksakangimat; tagva tallera nangminerijara piulijigivara, kanningaumajârnimalo ikajorpânga.

6 Taimaimat inugiartoksuit tullerpakka ningaumajârnimne, tallanartomik imertipakka ningaumajârnimne, iptingallo nuna-mut kovivara.

7 **Erkaumajomadlarpakka** NâleKab saimarsainingit NâleKab nertornautingit, idluarmattut NâleKab piniarnerijangit pivlugit uvaptingnut, pitsiarnersoangalo, Israêlikkunut sakki-jârtitanga nâpkigosumut saimanermullo angijoksoamut.

8 Okarpok: Nellâgut inukotigivakka, kitorngauvut saegloniangitut. Taimaimat piulijigivât.

9 Kappiasûtigijangit tamaita kappiasûtigivaittauk, kênangatalo engelingata piulivait. Nagligigamigit nâpkigivluggillo, kelluvait. Kiviklugillo erksukpait uvlut tamaita itsaksoarnit. (II. Môse 33, 14. 15.)

10 Taipkoale tappatovut, anerninga ajungitok sinaungasarlugo. Tamanna pivlugo ablatsângorlune akkerartulerpok taipkonunga, nangminek sorsukpok taipkonunga.

11 Tagva inukotingita erkalerpait uvlut itsarnitat, Môsese inôngmat. Nanêkâ tessiortok taipkoninga imarbingmit takpaunga saugakotimelo mianerijingannik? Nanêkâ tunitijjok anernerminik ajungitomik tâpsoma illuanut!

12 (Nanêkâ) Môsesib tallerpiagut ingergatitsijok tallerminik nertornadlartomik, imaksoarnik aviksijok taipkoa sânganne, erkaumanaromavlune issorângitomut?

(II. Môse 14, 21. 22.)

13 (Nanêkâ) ittinersoakut taipkoninga ingergatitsijok, sôrlo horsit natername pangalingmatta majangaidlutik?

14 Sôrlo nergjutit naternamut attersârmatta, taimak Nâlekab anerningata inilangavikartipait. Taimak inukotitit tessiorpattit, opinartoksôiotut erkaumanaromavlutit.

15 Takosâ Laurittôk mâna kilangmit, takonâ Laurittôk iglungnit ivsornaitoksoarmit pinarnartomillo! Illungertornit pitsartunillo nanêkâk? Illuvit illansugosungninga nâpkigosungnillo sakkijâlungilak uvamnu.

16 Sullele igvit atâtagivaptigit; Abrahable kaujimangilâtigit, Israëlible illitaringilâtigit; igville, Nâlegak, atâtagivaptigit; piulijiptingnik — taimak attekarpotit itsaksoarnit.

17 Nâlegak, sôk tammarkovittigût apkutigijaksaurkojarnit, ômativut mangaitillugit, nâlegungnairtillutalo illingnik? Uttilaungmittôk kivgatit pivlugit, kinguvârêr kingormgutijatit pivlugit.

18 Inukotivit ivsornaitut annikitotuinarmit (nuna) perkutigivât: akkerartortipta ivsornaitoviksoakotit tullerpât.

19 Aitanekajuitutitut illingnik illingavogut, taijanjuitutitut atternik.

KAP. LXIV.

Amma tuksiarnermik.

1 **KANCKTOK** kilak alliktorungne akkarlutillo, kakkat aulatillugit sângne,

2 Sôrlo ikkomab kessertutit ikkingmagit, sôrlolo ikkomab imek tertiktingmago; attit nellonarungnairtitaurokvlogo ômigijingnut, nellojullo sajuktitaurokvlogit kênavit sângane,

3 Kappianartunik piniaruvit nerriugingitaptingnik. Illa, akkâ Laurittôk, kakkat aulatillugit sângne!

4 Itsaksoarnit tussartokangimat, missigijokaranele takojokaranelo ijikut Gûdemik assingnik, piniutjijomik tettigijiminik. (1. Kor. 2, 9.)

5 Kuviasuklutik idluartullijat, apkutigijaksaurkojarne illingnik erkaijut pagrearpattit. Ahâk, ningaumajârpotit, uvgullo idluitullivogut taipkonane (apkutigijaksaurkojarne) akkunit; piulijauniarkitâ?

6 Illûnamatsiata ivsornaitutitut - ipogut, idluarnivullo tamât annorâtut-ipok salumaitotut; millukataktitut kunorlerpogut illûnata, idluitulliniptingnullo tiktauvogut sôrlo akkonamut.

7 Attit taivlugo tuksiartokalungilak pinasuartomiglônét tigujomavlutit, kênat ijerangne uvaptingnut, pitilluta idluinip-ta pitsartuningannut.

8 Mânale, Nâlegak, igvit atâtagivaptigit; uvagut machauvogut, igvit machaliortigivaptigit; tamapta aggangnut senajaumavogut.

9 Nâlegak, ningaumajâluarniarnaktók, idluitullinivut sorai-juitomik erkaumaniarnagit! Takkuit, erkailaurit, tamapta inukotigigaptigit.

10 Iglugasaksoakotitit ivsornaitut asserorsimavut, Zione inukarungnairtitaumavok, Jerusaleme iglokarungnairtitauma-vok.

11 Kattimavivut ivsornaitok piharnartorlo, atâapta ner-tordlervigijangat illingnik ikkomamut ikkitaumavok, perkuti-vullo ivlernartut illânatik asserorsimavut.

12 Taimailingatillugo kikkaromavêt, Nâlegak, nippanger-omavlutillo okkungadlartilluta?

KAP. LXV.

Nâlegak kiörok: Idluitut erkartortaujomârput, idluartulle piulijaujomâr, ut.

1 **APPERSORTAUJUNGNARPUNGA** uvamnik apperkute-kalungitunut, nagvârtaujungnarpunga uvamnik kennerasuangi-tunut; inungnut attera taivlugo tuksiangitunut okarpunga: Mânêpunga, mânêpunga. (Rom. 10, 20.)

2 Uvlok nâvlugo aggakka issakpakka inungnut tappato-junut, arvertartunut issumamingnik apkome idluangitome.

3 Tamadja inuit ningaumajârtitsitsainartut uvamnik kênama sânganêdlutik, tunergutiksani kaitisijut perorsêvingne, tippit-siariksaumiglo ikkoalatitsijut ivitât kangine,

4 Illuverne inniksakartut, kairosungne siniktartômajut, kuingêngevinermik nerrijut, allupsakartut makojungnartomik ukkosimingne,

5 Okartut: Allivarit! aktorniarnanga! ivlernadlarama illingnut. Tâpkoa pujôvut kingâmne, ikkomauvut ikkoalatsai-nartok uvlok nâvlugo.

6 Ahâk, (idluitulliningit) aglaksimavut kênama sângane. Nippaungeromângilanga akkiniaromârpungale, illa sânginut akkiniaromârpakka,

7 Idluitullinise atâtagijapselo idluitulliningit kattitillugit, okarpok Nâlegak; kakkane tippitsiariksaumik ikkoalatitsing-

matta, kakkârulangnelo mittautigingmanga, taimaimat tunit-jerkâromârpunga akkiksanginik sânginut.

8 **Nâlegak** okarpok imâk: Sôrlo vainiksatalik nagvâr-taungmat paungalukat akkornganne okartokarlunelo: asserorniarnagit, attorungnartunik illakarmatta, — taimâdioromârpungatauk kivgakka pivlugit, illûnainiungitok asseroivlunga. (kap 6, 13.)

9 Jâkomillo kinguvâksamik sakkertitsijomârpunga Jûdamillo kingormgujijuksamik kakkamnik, illa anerijama perkutigijaksarivât, kivgakkalo tagvane iglokaromârpút.

10 Sâronelo saukkat nerkiksarsiorvigijomârpât, naksarlo Aggore tuktuvait akopivigijomârpât, inukotima uvamnik apperkutekartut pingita.

11 Illipsele, Nâlekamik kemaijose, kakkamniglo ivsornaitomik puigortose, nerrimârviksoarmik âkiksoijose Gâtemut, imiksamik amigangitomik kovisijose Mênimut,

12 Illipse tunijomârpapase saviksoarmut, illûnase putilluse tokotauvingmut imâk pivlugo: kairkojitillunga kiolunginapsinga, okartillunga tussalunginapsinga, idluaringitamniglo piniarapase kuviagingitamniglo anerosugapase.

13 Tamanna pivlugo Nâlegak Gûde okarpok imâk: Ahâk, kivgakka nerrijuksauvut, illipsele kâktuksauvose; ahâk, kivgakka imertuksauvut, illipsele imeruktuksauvose; ahâk, kivgakka kuviasuktuksauvut, illipsele kangusuktuksauvose.

14 Ahâk, kivgakka iggiakomijartuksauvut erkiertornermut, illipsele kiksadlarnermut keajuksauvose ogguartuksauvluselo kappiasumut.

15 Attiselo kemagomârpasse anerijamnut ôminautiksangortillugo, NâleKab Gûdib tokotsomârmasse; kivganele atse-raromârpait attermik assianik.

16 Imaitsomârpok: ingminik pillorerkojijok nuname pillorerkojomârpok, Gûde Ameneojok taikassiutivlugo, ang-ermariktorlo nuname angermarigomârpok, Gûde Ameneojok taikassiutivlugo, kappianartut sivorlit puigortaumangmatta sakkijârungnairlutiglo ijimnut. (Takot. 3, 14.)

17 **Ahâgle**, kilangmik nutâmik nunamiglo nutâmik pingortitsijomârpunga; sivorlit tagva erkartaujungnairomârpút erkaumajaujungnairlutiglo.

18 Illâle! kuviásugitse iggiakomijarluselo sorairase pingortitakka pitjutigivlugit; Jerusaleme allianartungortitsomârapko inungillo kuvianartungortillugit.

19 Jerusaleme alliagijomârpâra inukotikalo kuviagivlugit;

tussartaujungnairomârpôrlo tagvane keajub nippinga ogguar-tublônêt nippinga.

20 Tagvane nutarakarungnairomârpok uvluinalingmik, itomiglônêt uvluksaminik inoksitomik. Tokolertok jârelîk 100 nik inôsuktôjomârpok, tokolertorlo jârelîk 100 nik issu-magijaujomârpok idluitullijotut pidlartaujotut.

21 Iglolioromârput innigivlugillo, vaineliksatalingnik perorséviliromârput paungangillo nerrivlugit.

22 Igloliortuksaungilat assimik inniksanginik, perorsévili-ortuksaungilat assimik nerkiksarsiorviksanginik. Inukotima uvlungit napârtut uvlungititut unktigijomârput, aggamiglo sullijangit anerijama attoromârpait.

23 Sullinatik senajuksaungilat, ernijuksaungilallo tokosa-raituksanik tagvainak, Nâlekab kinguvarêt tâpkoa pitsartuting-magit kitorngangillo.

24 Imaitsomârpôrlo: niplialerkârtinagit kiojomârpunga, okartillugit sulle tussaromârpunga.

25 Amarok saugârarlo nerrikatigêgomârpuk, loeve tuktu-vaktut ivingnik nerkiksakaromârpok, kuglugiarlo ivjomik nerrijomârpok. Erksinaromângilat asseroinatiglo kakkamne ivsornaitome illûnâne, okarpok Nâlegak. (kap. 11, 6—9.)

KAP. LXVI.

Idluartut pilloringningannik.

1 **NALEGAK** okarpok imâk: Kilak iksivantarivara, nunalo ittikkama ikkovrarivât; sunamik uvamnut iglolioromavisê. sunamiglo innilangaviksannik? (Ap. pin. 7, 49.)

2 Aggama tamakkoa tamaita senavait, taimæglo tamakkoa illûnatik pingulerput, okarpok Nâlegak. Imaïtok takunârpara: ajulertok, serkomisimajomik anernilik, okausimnik sivorajok. (kap. 57, 15.)

3 Tuktuvangmik tokotsijok inuartotut-ipok; saugamik tunergusertok kingmermik kimitsijotut-ipok; nerkiksarnik tunergusertok tunergusertotut-ipok kuingêngib aunganik; tippitsiariksaumik tunergusertok nertordlertotut-ipok piungitomik (Gudingoarmik.) Sôrlo taipkoa apkutitik aneringmagit (issumamingnik), sôrlolo tarningita makojungnartut kuviaging-magit,

4 Taimak uvangatauk kappiasûtigijaksangit anerijomârpakka (issumamnik), erksigijamingnullo tikkitaurojomârpakka imâk pivlugo: kairkojitillunga kiolungimatta, okartillunga

tussalungimatta, idluaringitamnigle piniarmatta, kuviagingi-
tamniglo anerosungmatta.

5 **Nâlekab** okausinginik tussaleritse, illipse, tâpsoma
okausinginik sivorajose: Kattangutise illipsingnik ômisuktut,
avitsijut illipsingnik attera pivlugo okaralloarput: Nâlegak
nertornarsile, kувiasungnipsingnik takonârkovluta, — tâp-
koale kangusuktitauijomârput.

6 Nipliajokarpok pervalâjomik iglugasaksoarnit, nipliajo-
karpok kattimaviksoarnit, Nâlegak nipliaovok, ômigijiminik
akkiniartok.

7 Sillimarkârane (Zione) ernilerêrpok, ernisurkârane ang-
utiarsungmik ernertâlerêrpok.

8 Kina taimaitomik tussalauralloarkâ? kina taimaitomik
takolauralloarkâ? Nuna sakkijärtitauijungnarkâ uvlorme at-
tausênarme, inugasaksuillo attautsekut erniangojungnarkât?
Mânale Zione ernisulerame, kitorngane erniarilerêrpait.

9 Igliak angmartigapko, sakkijärtitsijuksaungilangâ? okar-
pok Nâlegak. Ubvalo: ernilerkojigama, ernijungnailerkojijuk-
saugivêk? okarpok Gudit.

10 **Jerusaleme** illagivlugo kувiasugitse, kuviagisiuk illû-
nase tamattominga nagliktose, iggiakomijakatigisiuk illûnase,
tamattominga kiksarutekartose,

11 Milluksivluse ivianginginit ullapirsautelingnit nâmaksi-
titauivluselo, alluktorluselo nertornarninganit angijoksoarnit
nekoksititauivluselo.

12 Nâlegak imâk okarmat: Ahâk, ullapirsaut sangutipara
illingnut kôksoatut, nellojullo perkutevaksoangit kôktut kut-
jertotut. Tagva milluksijomârpose kivgumiartaujomârluselo
tillaijartaujomârluselo, sêrkungine iksivavluse.

13 Sôrlo anânab kitorngane manigormago, taimak mani-
goromârpapsee, illa, Jerusaleme manigortaujomârpose.

14 Takojomârpose ômatiselo kувiasugomârput, sauniselo
iviksukatitut nutângortitauijomârput. Tagva Nâlekab agga-
ngit mallungnarsijomârput tâpsoma kivgangine, ningaumajâr-
ningale tâpsoma ômigijingine.

15 Ahâgle, ikkomakut Nâlegak tikkitsomârpok, kamuting-
illo akkunaksoatut-iput, ningaumajârnine sakkijärtipâ ikko-
makut suangadlarninelo ikkomab ikkoalaningagut.

16 Nâlegak ikkomamut uvinilingnik tamainik erkartuijo-
mârmat saviksoarminullo. Nâlekablo inôjungnairtitangit
unudlaromârput.

17 Ingmingnik ivsornaititut epkêjartullo perorsêvingne,
attausek akkunermingnêtok igjarlugo, kuingêngevinermiglo

kuglugianiglo nunivakaniglo nerrijut, tâpkoa attautsekut nungutaujomârput, okarpok Nâlegak.

18 Uvangalo piniarningit issumangillo (sugiarutigijomârpakka). Nelliutijomârporlo nellojut okausiggillo illûnamatsiatik kattersortauviksangat, tikkitsomârmatta, nertornarnera takojartorlugo.

19 Nellunaikutaniglo tunidijjomârpunga. piulijaumajullo illangit tillijomârpakka nellojunut: Terssemut Pâlemullo Lûdemullo, pittiktarpaktunut, Tûbalemullo Javanemullo kikkertanullo ungasiktunut, okautigijaunimnik tussalungitunut, nertornainimniglo takolungitunut; nertornarneralo okautigijaksarivât nellojut akkornganne.

20 Kattangutiselo tamaita nellojunit tamainit tamaungartitsomârpait, tunergutiksarivlugit Nâlekamut, horsikut kemukisullo akkerautikkullo horseojârtokullo kamêlikullo Jerusalem, kakkamnut ivsornaitomut, okarpok Nâlegak, sôrlo Israélikkut tunergutiksanik illulekutine ivsornaitune kaitsivangmatta Nâleka iglunganut.

21 Tâpkoalo illangit anerijomârpakka, ajokertuijôrkovlugit leviteorkovlugillo, okarpok Nâlegak. (I. Petr. 2, 5.)

22 Sôrlo kilak nutâk nunalo nutâk pingortitsomârtakka aulajuitôngmatta kênama sângane, okarpok Nâlegak, taimaktau kinguvâksase attiselo aulajuitôjomârput.

23 Takkek nutaulerangat, sabbatekalerangallo uviniggit illûnamatsiatik tikkitsomârput tuksiaromavlutik sârne, okarpok Nâlegak.

24 Annijomârpullo takojartorlugit tokungajut uvamnut idluitullijut timingit; taipkoa kuglugiangat tokoniatsangimat, ikkomangalo kamminiatsangimat; uvinilingnullo illûnainut makojugijaujomârput. (Mark. 9, 44.)

